إسطوانة مشروخة

محمد طارق

الإهداء

إلى مَنْ يفعل المستحيل لإرضائي , يتحمَلُ نوبات حُزني و إكتثابي , و يُشاركُني لحظات جنوني و سعادَتي ..

إلى ذلك الّذي لا يَهَلُّ مِنّي , و الوحيد الّذي لَمْ يَتّهِمُني بالغُرور و الأنانية , و لَمْ يَصِفني «بالشّابِ البائِسِ التّعيس»..

إلى وفائه و صدق مشاعِره ..

إلى صديقي و عزيزي , كلبي الوَفيُّ «مايو» ...

المُقدّمة

الكتاب ده عبارة عن :

حكايــات عـلى القهـوة , في اجتماعــات عائليــة , في المواصــلات , في النــادي , في posts عــلى الفيســبوك ..

من أول صفحة في الكتاب إنت بقيت واحد من الحكايات دي , سواء مرت عليك قصص زي دي , أو عشت قصة منهم ؛ و لو مأذتش واحد من الإتنين دُول فأنتَ كده كده طرف في القعدات دي , والكرسي بتاعك هو الكتاب اللي في إيدك ..

بالمناسبة: الكتاب ده مش هيحسسك بالأمل, و لا هيحسسك بالبؤس, هو هيخليك تشوف واقع العلاقات بتاعتنا سواء كنت فارق أو متفارق, عاشق و لا موجوع, جاني و لا مجني عليك ..

هتشرب شاي بلبن مع الناس اللي علاقتهم نجحت مع إسطوانة «لفيروز» و هي بتقول: «أنا لحبيبي , وحبيبي إليّ» ..

و القهوة السادة مستنياك مع أصحابك اللي علاقاتهم انتهت بالفراق و بيحكوا ليه العلاقة انتهت , و رَكَز علشان إسطوانة «أم كلثوم» هتشتغل و هي بتقول : «وعرفت أعند , حتى الهجر قدرت عليه , شوفت القسوة بتعمل ايه» ..

ببساطة :

و لأن الحياة مش كاملة مهما كان ، فالإسطوانة الأنسب و اللي لازم نؤمن بيها هن «الإسطوانة المشروخة» ؛ حتى لو جميلة ، في النهاية هتفضل «إسطوانة مشروخة» ..!

الباب الأول

هنا حكايات حقيقية , مزيج من حكايات و مواقف و تجارب الأشخاص باختلاف أعمارهم و أفكارهم , كل شخصية منهم بتختلف عن الشخصية التانية في كل حاجة ؛ لكن الشيء الوحيد اللي بيجمعهم و اللغة الوحيدة اللي بيتكلموا بيها و اللين اللي بيؤمنوا بيه هو «دين الحب» ..!

- صديق ليا كان بيحكي عن بداية علاقته بخطيبته ..

صاحبي ده شخصيته جافة جدًا, من الناس اللي بتتعصب من أقل كلمة, كمان هو منبوذ وسط ناس كتير ..

كل الناس قالوا العلاقة دي مش هتكمل , وصديقي كان عارف كده ؛ الّا البنت دي , كانت مؤمنة إن العلاقة هتنجح و تكمل ..

بدأت الخناقات و المشاكل , و بدأ صاحبي يحس انه مش قادر يكمل في العلاقة , و ان خلاص لازم تنتهي على كده ..

راح لحبيبته و طلب منها يبعد فترة , البنت رفضت رفض تام و اقسكت بيه..

صاحبي شـاف ان الحـل الوحيـد هـوَ انـه «يكرههـا فيـه» , و بـدأ يعمـل كل حاجـة علشـان تكرهــه ..

و تستمر الخلافات و المشاكل , و رغم ان صاحبي كان بيحبها لكن كان مقتنع انها تستحق واحد أفضل منه ..

و في مرة من ضمن المشاكل اللي بينهم قالتله :

«ممكن أكبون كتبر عليك , و ممكن تكبون انت فعلاً شخص سيء , ممكن كمان تكون بتحبني ؛ لكن الأكيد الي بحبك بالوحش اللي فيك قبل الحلو , و حُبي ليك هو اللي هيغيرك»..

صعوبة و جمال و عُمق كلماتها أجبرتُه فعلاً انه يغَير طريقة تفكيره, و بدأ يتحسن و حياته تتغير لحد ما بقى شخص مسؤول, و راح اتقدملها, و بقى في نظرها و في نظر نفسه أفضل السان في الكون.!

- «مش هتنفع تبقى أم لعيالك, دي مهملة و مستهترة» ..

دي أول جملة قالتها أم واحد صاحبي لما راحت تخطيله البنت اللي بيحبها!

الستات ليهم نظرة في بعض , و في الغالب بتكون صح , و لأن صابي ده يتيم الأب فوالدله كانت خايفة عليه حَبتين , كمان هو ابنها الوحيد فكانت زي أيّ أم نفسها في بنت مُناسبة لإبنها الوحيد ..

صاحبي بكل بساطة، قال لأمّه ان «البنت دي هتتغير و هتبقى أم مُمتازة» ؛ و مع اصرار صاحبي ده فعلاً خَطَب البنت دي , و بدأ ياضد في العلاقة مُنحنى مُختلف شوية , يعني زي ما كان بيحبها و طيب معاها و بيتحمل كَمْ اللامُبالاة و الاستهتار اللي في شخصيتها , كان مُدرس و مُعلم ليها بطريقة تائية ..

بدأ يعلمها ازاي تبقى مسؤولة من غير مايحسسها بعيوبها , بدأ يعُطها في مواقف و يعتمد عليها ؛ و مع الوقت البنت دي العولت ١٨٠ درجة , و بقت شخصية مسؤولة بتعرف تتصرف كويس و يُعتمد عليها ..

و آهـو دلوقتي بقى عنـده طفلين مـن الشخصية الـلي والدتـه قالـت عليهـا «مـش هتنفعـه و مـش هتتحمـل مسـؤولية بيـت» .!

- مُمثل في Hollywood كان بيعاني من الادمان مع غريزة العنف ..

المهم انه اتعرف على مُمثلة و ارتبط بيها وسط حالة من استهجان و هجوم من الصحافة , و ان المُمثلة دي بتدمر نفسها و بتنهي حياتها العملية بسبب العلاقة دي ..

المُمثلة دي خرجت للاعلام, و قالت ان «أمر ارتباطهم شيء ما يخصش حد أبدًا, و انها مقتنعة و مبسوطة بعلاقتها بحبيبها» ..

بعد ٥ سنين من العلاقة دي المُمثل ده اتغير و اتعاليج من الادمان , كمان سلوكه اتغير و اتحول من شخص عدواني و عنيف إلى شخص مُسالم جدًا , و رجع لشُغله تاني في مجال الفن , و بقى يتكرم في مُعظم المُهرجانات العالمية ..

و الفضل يرجع للعلاقة اللي غيرت حياته بالشكل ده, و الشخص اللي عرف يخرج أجمل ما فيه .!

- الخلاصة :

. الله بيحب شخص بيحبه بكل مُميزاته و عيوبه , بيعرف يغيره و بخليه أفضل و أحسن , أو حتى بيخليه راضي عن نفسه ..

. اللي عايسزك بجد هيشوفك أفضل شخص أفضل شخص في الكون , و لنو كنت ألعن شخص في عيون الناس..

، اللي بيحبك هيفضل وراك و جنبك و يحسسك بقيمتك و لـو كنـت عـلى أرض الواقع شخص مالكش قيمـة..

. كلنا فينا عيوب و كوارث نفسية , يمكن الحب هو المَنفَذ لينا و أمل ناس كتير انها تتحسن و تبقى أفضل ؛ المهم مين يحبك بجد و يتحملك , و تساعدوا بعض علشان تعيشوا على الأقل مبسوطين و راضيين بحياتكم وسط البؤس و القاع اللي حواليكم .!

* * *

- واحد صاحبي بيعمل حركة كده غريبة مع خطيبته ..

يفضلوا طول الوقت متخانقين و قبسل ما يناموا لازم واحد منهم يتصل بالتاني يراضيه و يطَيِّب خاطره ، مش بيحطوا اعتبارات لمين غلطان قد ما بيحطوا قدامهم فكرة ان «ماحدش ينام زعلان من التاني» ، و يصحوا بعدها يكملوا خناق و هكذا لغاية ما يحلوا المشكلة دي ..

و لما قولت على اللي بيعملوه ده «جنون و حلول غير جِدّية» , رد عليّ و قال :

«المسكلة أو الخلاف اللي بينا هيخلص مهما طال , لكن لو طَرَف فينا نام زعلان من التاني ممكن يصحى بيكرَهُهُ و يقرر يقسى عليه , احنا بنتخانق علشان نفهم طباع بعض , مش علشان نقسى و نبعد عن بعض» .!

- في يوم كان عيد ميلاد صديقة عندي كانت بتحكيلي ان حبيبها مش موافق تروح حفلة عيد الميلاد اللي أصحابها عاملينه ليها ..

حاولت كتير تقنعه لكنه رَفَض رَفَض تام بسبب أن الحفلة دي هتخلص متأخر فهتكون عُرضة لمُضايقات ممكن تقابلها بسبب زحمة الصيف في الوقت ده ..

صديقتي رفضت انها تسمع كلامه , و راحت الحفلة خصب عنه , و فعلاً الوقت اتأخر عليها و أهلها بدأوا يتصلوا بيها علشان ترجع البيت ..

البنت نزلت و هي شابله هَمْ هنرُوَح ازاي في الزحمة دي , كانت الصدمة ان مُجرد ما خرجت من الكافيه كان حبيبها واقف مستنيها علشان يروحها , و لما سألته : «انت جاي ليه؟ مش احنا متخانقين؟»

قالها بابتسامة عتباب: «خناقاتنا و خلافاتنا مالهاش علاقة بخوفي عليك , زعلان منك! آه و لكن أبطل أخاف عليك ! لأه.!

- في الكِّلية عندنا كان فيه ولد و بنت مُرتبطهن ..

المهم الولد ده عينه زايغة شوية, و ده طبحًا تُسَبَب في ان البنت تضايق من حبيبها و قررت انها تبعد عنه فترة لغاية ما تراجع نفسها و تشوف العلاقة دي أخرتها ايه ..

و منع سنوء الحنظ كائنت فترة امتحانات , و الولد ده حرفيًا ماحنضرش و لا مُحاضرة ؛ و يشاء القندر انّه يعمل حادثية و يضطر يقعد في السرير تغاية الامتحانات , حاول يوصل لأي شخص ممكن يبعتله ورق المراجعات النهائية قبل الامتحان لكن فشل و ما عرفش يحصل على النورق ..

المهم , دخل على group الكلية و كتب انه تعبان و مش قادر يتحرك و محتاج حد يبعثله ورق ضروري ..

بعدما بيوم والدته قالتله ان «فيه بنت جت و هو نايم و سابتله الشنطة دي» , صاحبنا فتح الشنطة لقى ورق و مُلخصات المنهج , و ورقة مكتوب فيها:

«انت عينك زايغة , و تعبتني و مخنوقة منك و لكن منا يرضينيش أبدًا انك تسقط و حياتك تدمر ؛ كمان ألف سلامة عليك , كان نفسي الحادثة دي تبقى في عينك يمكن تبطل تبص على البنات ؛ لكن يلا تقوم بالسلامة ان شاء الله يا قدري الأسود , و لو احتجت تفهم حاجة من الورق اتصل بيا .. بحبك» .!

«أم كلثوم» ليها مقطع عن «القسوة» في قمة القوة و الجبروت و هي بتشكي من قسوة حبيبها اللي ما عرفش يحتويها كويس ، فبتقول له : «اخترت أبعد , و عرفت أعند , حتى الهَجر قدرت عليه , شوف القسوة بتعمل ايه؟!»

- الخُلاصة :

. إياكم و القسوة ؟ الخلافات و المشاكل في العلاقات ده طبيعي جدًا , لكن فيه وقت القدر بيحط نقطة فاصلة , إمّا تكون المشاكل دي علشان تعرفوا طباع بعض و تكملوا , أو علشان تنهوا علاقتكم ببعض ..

. عاتبوا بعض , ابعدوا فترة , لكن فيه مواقف لو بينكم مشاكل الكون لازم تحطوها على جنب و تكونوا جنب بعض لغاية الموقف ده مايعدي و يُدر , و بعدها ارجعوا اتعاتبوا و اتخاانقوا عادي ..

. كمان بلاش تنيموا الناس اللي بتحبوها زعلانين منكم , القلوب بتتغير , و اللي بينام مكسور من شخص ما بيصحاش سليم أبدًا حتى لو بيعشقه , عكن الشخص اللي زعلان منك ده عدوت , و عكن يصحى بيكرهك , ساعتها هتندم نَدَم عُمرك ..

. مش دايًا المشاكل و الخناقات سبب ان العلاقة تكون أفضل و أقوى ، المُهم الطَرَف الحنين و الذي اللي يفهم و يقدر ده كويس ، و يعرف المتى ينسحب من المشكلة و امتى يعاتب ، و امتى يطيّب و يراضي ..

* * *

- من ٣ سنين واحد صاحبي راح اتقدم لبنت , و المعروف عن الولد ده ان أخلاقه مش مستقيمة بشكل كافي , يعني يعرف بنات كتير قبلها و خروجات و سَهَر و حاجات من النوعية دي ..

البنت كانت بتعب جدًا رَضم انها عارفة عنه كل ده , طبعًا أهل البنت قالوا لها أنه شخص غير مناسب و أن «ديل الكلب عمره ما يتعدل» ..

البنيت قاليت لهم : «لكين هيو ميش كليب , و معظم الشبباب لهيم مياضي , المُهيم عنيذي هيكيون معاينا اينه!!» ..

و يبدأ صراع وجهات النظر ، و أصحاب البنت ينصحوها انها تبعد عنه ، و مع ذلك البنت تُـصِرّ انّـه شخص مُناسب ..

و فعالاً يرتبط وا ، و يتصول الولد من «الكائن النسوانجي» الى «كائن مابيشوفش بنت غير حبيبته» ..

و مع ذلك البنت خافت مع مرور الوقت أنّه يتغير , خصوصًا أنّها شَكّت للمظة أنّه اختارها لأنّها جميلة ؛ قراحت و سألته : «أنت ليه اتغيرت بالطريقة دي؟» ..

صاحبي كان صريح جدًا معاها , و قالها : « أنا الماضي بتاعي مش حلو , لكن أنا الغيرت علشان شوفتك بقلبي , فيه بنات بتعب العين و فيه بنات بتسكن القلب على طول , و لو بقيتي مجرد جسم عجوز مش قادر يتحرك هفضل أحبك , جمالك في يوم لازم ينتهي , لكن روحك اللي شدتني ليك عُمرها ما هتنتهي » .!

- ليا صديقة بختلف معاها في أسلوبها و أفكارها ..

المُهُم البنت دي دخلت في علاقات كتير و فشلت, و بالصدفة كانت كاتبة على الانترنت انها محتاجة تتكلم مع شخص غريب و بعدين تعمل له block ..

الولد دا طلب منها ما تعملُوش block , و أن كل فترة يتكلموا , و اتفقوا أنها ماتحكيش أي حاجة لشخص غيره هو , و أنّه هيكون موجود علشان يسمعها في أي وقت ..

البنت وافقت و فعلاً استمرت المحادثات بينهم فترة , لغاية ما الولىد دا طلب يقابلها , البنت وافقت رغم خوفها الله يكون واخد انطباع ميء أو غلط عنّها .. و يـوم مـا اتقابلـوا كان ده نفـس البـوم الـلي اعترفلهـا فيـه انّـه بيحبهـا ، البنـت افتكـرت انّـه بيتسـلى و سـابته و مشـيت ..

و بعد يومين الولد طلب رقم تيليفون والدها علشان يتقدم لها رسمي ؛ الجديّة اللي الولد ده كان بيتكلم بيها أجبرتها تسأله:

«انت لزاي عايز تتقدم لي بعد ما عرفت عنّي كل ده؟»

الولد قال لها: «لو الانسان مابيغلطش يبقى ده ملاك, و احنا مش في زمن الملايكة, رغم كل اللي حكيتيه ده لكن أنا والق انك أحسن واحدة هتصون بيتي و عرضي» ..

و فعلاً ارتبطوا ؛ صحيح البنت دي مابتكلمنيش دلوقتي بعدما ارتبطت رسمي ، لكن أنا مبسوط بالني عملته و وصلتله!

في أغنيـة «أتُحبُني» ل «كاظم الساهر» كانـت حبيبتـه بتسأله: «أتُحبُنـي رغـم مـا كان؟!»

«كاظم» قال لها: «أنّي أحبُكِ رغم ماكان , ماضيكِ لا أنوي اثارَته , حَسبي بأنّكِ ها هُنا تَتَسَمينَ و مُسكينَ يديّ فيعود شَكّي فيكِ امِان» ..

- الخُلاصة :

- . لو انتم مش واثفين في الشخص اللي هترتبطوا بيه ما تقربوش من البداية ..
- . شُغل الأطفال ده مالوش أي علاقة بالحُب , و لا هو شيء حلو انك تدور على قاريخ أو ماضي الشخص اللي بتحبه ..
- . الثقة أن الشخص اللي بتحبه يكون وسط ألف شخص غيرك و الت واثق أنه مش هيفكر يبُص لحد منهم, ولاحد هيعرف يشغل قلبه وعقله غيرك.

* * *

_ «ايه المواصفات اللي بتتمناها في شريك حياتك؟!»..

السؤال ده من الأسئلة اللي بتتكرر بشكل يومي على أي شخص من في علاقة عاطفية ..

الاجابة وقتها بتختلف من شخص للتاني على حسب احتياجات كل واحد ؛ يعني هتلاقي شخص بيفكر في المشاعر و العاطفة , و هتلاقي شخص بيفكر في الأحلام و الأهداف و الطموحات ..

الشخص الأول عاطفي بشكل كبير, أمّا الشخص التاني بيفكر بنضوج و وَعي ؛ بتخلف الاجابات لكن في النهاية فيه حاجة واحدة لازم يتفق عليها كل الناس ..

- في مَرَة كنت بسأل واحد صاحبي السؤال ده , و كانت اجابته تعجيزية تقريبًا : «محتاج بنت ناجعة و متفوقة و جميلة و عندها خبرة في أمور الحياة , و في نفس الوقت مش عايز يكون ليها احتكاك بالناس» ؛ طلباته كانت غريبة جدًا فأنا ضحكت و قُلت له : «دي بينزل منها في كارفور بس!» , و غيرنا الموضوع ..

بعد فترة عرفت ان صاحبي ده ارتبط, و لما عرفت خطيبته اكتشفت الي أعرفها معرفة شخصية واستغربت جدًا من العلاقة دي لأن أغلب المواصفات اللي كان بيحكي عنها تقريبًا مش موجودة عند البنت دي ..

كلمته و اتفقنا نتقابل علشان أباركله ؛ و في وسط الكلام سألته : «لكن مش غريب ارتباطك بالبنت دى بالذات؟»

قال لي : «اشمعنا!!»

قُلَـت لـه: «عـادي بعنـي لكـن أنـا عارفهـا, و لمـا قارنـت كل الحاجـات الـلي كنـت بتقـول انّـك عايزهـا في شريكـة حياتـك اكتشـفت ان مافيـش أيّ وَجـه تشـابُه أصـلاً!»

صاحبي ضحك و قال لي: «شوف! طول ما انت مش في علاقة بتنخيل ان ارتباطك لازم يكون مثالي و متكامل , لغاية اللحظة اللي بتُقع فيها على رقبتك في غرام بنت , وقتها بتحس ان كل المواصفات دي تافهة . و ان البنت اللي بتحبها هي الوحيدة الكاملة , صحيح فيه حاجات بتكون مهمة في العلاقة , لكن صدقني عُجرد ما يرتبط الحب بينكم الأفكار بتتشابَه , و طريقتكم و أهدافكم بتتوحد بشكل أو بآخر , حتى لو فيه خلافات طريقة التواصل بينكم بتكون سهلة لأنها مبنية على الحب , فلافات طريقة التواصل بينكم بتكون سهلة لأنها مبنية على الحب , الموضوع كله بدأ بالحب , و بعدها بتتسهل أي حاجة , و بتتحقق أي حاجة ظول ما الطرفين بيحبوا بعض و على استعداد يكملوا بعض , و الفكرة في الأي يكملوا بعض . و الفكرة في الأي يكملوا بعض . الفكرة في الأي يكملوا بعض و بتفاهمؤ مع بعض » .!

من فترة كانت بنت بتحكي عن شخصٍ ما في حياتها ..

في الجامعة كان معروف عنها انها عصبية جدًا, لكن ماحدش كان يعرف انها بتعاني من حالة اكتثاب, أصحابها كانوا دايًا يعاتبوها على اهمالها لنفسها و لحياتها, وللا كان حد يقول لها: «انت بالمنظر ده ماحدش هيبصلك!»

كانت بتقول: «أنا مش عايزة حد يبُصلي أصلاً، و عارفة ان مافيش حد هيعبني و أنا كده»...

و في مرّة بالصدفة كانت مع أصحابها في رحلة تابعة للكُلّية , و شافت مُعيد كان مُشرِف معاهم في الرحلة و حَسَّت ان الشخص دا كويس بدون سبب مُقنع ؛ بدأت تحضرله كل المُحاضرات و ال sections , لغاية في مَرّة الشاب ده سأل أصحابها عنها , و راح كلمها ؛ بدأوا يتكلموا عادي , بعد فترة و بدون سبب طلب أنه يتقدم لها , البنت رفضت الفكرة و بدأت تظهرله الجانب السيّء أو المُظلِم منها , و توقعت انه يبعد عنها , لكن مع كل اللي كانت بتعمله كان بيقرب أكتر و يحبها أكتر ..

و في مَرَة اتخانقت معاه بسبب اصراره على الله يتقدملها , و قالت له : «انت شخص ناجح في حياتك و قدامك مستقبل , أنا مش عارفة بُكرا فيه الله لكن عُمري ما هكون زَيّك , لا أنا عندي أحلامك و لا طموحاتك , و لا عندي حاجة أقدمها لك , حتى لو بحبّك الحُب لوحده مش كفاية!»

البنت بتحكي انه قال لها: «عندك حق في كل اللي بتقوليه , لكن مش كفاية و مش مُفنع , أنا حبيتك غصب عني , و بدون ما أعرف أي حاجة عن حياتك , و بعد ماعرفت حبيتك أكتر , و اتأكدت من دا لما نقيتني مش شايف واحدة غيرك ينفع أكمل حياتي معاها , أنا بحبك رغم كل الاكتئاب اللي بتعاني منه , و رغم كل المشاكل دي , الحبب هو اللي بيخلينا نتمسك بالشخص اللي بنحبه و لو كان ألعن شخص في الدنيا , و أنا بحبك!» ..

بعد كلامه ده اتخطبوا ؛ البنت بتقول : «لأنه ببساطة اختارني رغم كل العتمة و الخطام اللي كان جوايا ، و من بعدها حياتي اتحولت ١٨٠ درجة ، أفكاري ، أحلامي ، و نظرتي للحياة ، خرجت من القوقعة اللي كنت محبوسة فيها ، اهتميت بشكلي و ركزت في دراستي ، و اتخرجت و اشتغلت ، و كل ما أفتكر الي كنت بقول «مستحيل شخص يحبني و أنا كدا» بضحك بشكل هيستيري ، الحب مافيه وش مواصفات ، الحب هو العاجة الوحيدة اللي بتجَمّل و بتحلي أي حاجة في الدنيا» ..!

- الخُلاصة :

. الحُب هو الذيء الوحيد اللي ممكن يخليك تتجاوز عن أي شيء , معنى أصّح مافيش حاجة اسمها «مواصفات شريك حياتك» , لأن بببساطة مُجَرُّد ما بتحب شخص بتشوفه أفضل شخص في الدنيا , قرار انّك تكمل معاه أو لا ده يخصك انت , لكن احساسك و مشاعرك مالكش دَخل فيها ..

. أنا مُقتَنع ان أي اجابة للسؤال ده غير «الي أحبُه و يحبني» مُجَرُد اجابة مطاطية وارد تتغير في يوم و ليلة ..

. ممكن تكون ألَعَن شخص في الدنيا لكن تقابل شخص يبك و تحبه , و لو كنت فعلاً ألَعَن شخص فخصب عنك بتعمل المستحيل علشان تكون يشخص يسبتحق الحُبب ده , و المشاعر اللي جواك للشخص التاني كفيلة اللها تغيرك للأفضل ..

. و لَـو كَان ليـك مواصفـات فعـلاً فَمُجَـرُد مـا بتحـب بتكتشـف ان كل ده هُـراء أو نظرة سـطحية , فجـأة بتتحـول كل المواصفـات الـلي انت عايزهـا إلى مواصفـات الشـخص الـلي انت حبيتـه خصـب عنـك ..

* * *

- واحد صاحبي كان بيعب بنت , و استمرت العلاقة بينهم لُـدّة ٧ سنين ..

انفصلوا عن بعض لأسباب ماحدش يعرفها غيرهم , كل واحد فيهم عاش حياة طبيعية جدًا , و لأنهم مش عايشين في محافظة واحدة ده سهل عليهم الوضع شوية ..

استمر الغياب لمُدة سنتين , خلال الفترة دي صاحبي كان بيرفض أي علاقة عاطفية , أو معنى أصّح بيبعد عن أي بنت بتحاول تقرب له ؛ الغريب أي بنت كانت بتقرب له كان بيقول انها غير مُناسبة لحياته , و كل ما حد كان يقنعه بائه لازم يرتبط و يكمل حياته كان بيرفض و يقول ان «لسه مافيش الانسانة المناسبة أو اللي تخليه يحبها» ..

و في مرة واحد من أصحابه بيساله: «و هي ايه الحاجات اللي الت شايفها مُناسبة لك , أو عايزها تكون في البنت اللي في حياتك؟»

صاحبي قَعَد يشرَح و يتكلم عن المواصفات دي , وبعدين قال : «باختصار أنا عايزها هي , هي اللي عشت معاها ٧ سنين , مش عارف أشوف غيرها , وبشوف ملامحها في كل بنت تقرب لي , ممكن ما نرجعش لكن هتفضل هي الوحيدة اللي حبيتها و صعب جدًا الي أرتبط بسهولة كده بعد ما سيبنا بعض» ..

الكارثة في الموضوع الله حتى ماكانش بيعجبه ملامح أو طريقة أي بنت ، حتى المشاهير من البنات كان دايًا يطلع فيهم عيوب غريبة و مش منطقية ، كان دايًا مُقتنع ان مافيش بنت أجمل منها ..

بتستمر الحياة و يركز صاحبي ده في حياته و شُغله , ويشيل من دماغه فكرة الارتباط نهائيًا ..

في الوقت نفسه البنت رفضت انها ترتبط أو تدخل في أي علاقة رغم ضغط أهلها في انها لازم تتجوز خصوصًا بعد ما دخلت في «سِن الجواذ» ذي ما بيقولوا , و أغلب صحباتها اتخطبوا ؛ لكنها بترفض الارتباط و بتركز في كُلْيتها و حياتها و بترفض أي مُحاولة أو أي وسلة ضغط من اللي حواليها ..

استمرت الحياة عادي , و كل فترة كان كل طرف بيكلم التاني يطمئ عليه و ينتهني على كنده الكلام , ممكن كل ٤ شهور مثالًا يتكلموا chat يتطمئوا على بعض و خلاص ..

لغاية بالصدفة البنت بتطلع رحلة مع الكلية بتاعتها في اسكندرية و صاحبي بيعارف عن الرحلة و بيتفق معاها بتقابلوا يسلموا على بعض و هي تكمل رحلتها و هو يكمل يومه عادي .. بيتقابلوا عادي , و بيتكلموا , و بيعرف صاحبي كل اللي حصل لحبيبته خلال السنتين دول , كذلك البنت بتعرف أنه ما ارتبطش ؟ بيدور بينهم العوار و بيتفقوا انهم يرجعوا يتكلموا , أو معنى أصَح يبدأوا كل حاجة من جديد بنفس المشاعر اللي جواهم ..

صاحبي بيقول: «أنا أول ماشوفتها حسيت ان رجعت فيا الروح , ماعرفتش أسيطر على نفسي و حسيت ان الحياة رجعتلي تاني , كنت . مبسوط بطريقة مش قادر أوصفها , احساس الله قاعد مع شخص الت اللي مربيه على ايدك , ماكنتش قاعد مع حبيبتي , أنا كنت قاعد مع بنتي و أمي اللي عارفاني و فاهماني حتى بدون ما أنكلم» ..!

- الخُلاصة :

. الفُراق وارد , ونهاية العلاقات شيء طبيعي جدًا , لكن الشخص اللي بيحب بصِدق صعب جدًا يحب شخص تاني حتى لو علاقته بالشخص اللي كان بيحبه اتقطعت , هيفضل بيحب حبُه ليه , و مش قادر يحب تاني ..

. شيء يستحق الاحترام لو العلاقة انتهت بدون تجريح أو وَجع , لكن الأجمل هو الوفاء و الأمل اللي بيسكن الطرفين بعد العلاقة , نادر لما نلاقي طرفين في علاقة انتهت لسه بيعبوا بعض , و لسه مُخلصين لبعض , و نادر جدّا لما تلاقي طرفين مُستعدين يرجعوا لبعض و يفَضّلُوا حُبُهم لبعض على كل الاعتبارات و الظروف و الحاجات اللي اتسببت من البداية ان يحصل الفراق , خصوصًا لو بينهم مسافات و مُدة فراقهم طوّلت بالطريقة دي ..

، الحُب أوقات بيشفع لأي غلطة , لو حُب مُشتَرك , و بيكون أقوى من كل الظروف و الاعتبارات , المشاكل ممكن تنتهي , و المواقف حتى لو صعبة مع الوقت ممكن تغفرها لو فعلاً بنعب بعض ..

. الحُب الصادق يعني احترام و وفاء, و الحُب هو أقوى سلاح لتجاوز أي عقبات , ببساطة «الحُب هو الأمل» ..

* * *

- من كذا سنة كنت متتخانق مع واحد صاحبي , و أنا و هو رفضنا نتكلم مع بعض بعد الخناقة دي ..

المُهم صاحبي كتب أكتر من post بعد الخناقة , وكلها زي مايقولوا كده «رمي كلام» ؛ الموضوع ضايقني جدًا و رَديت بنفس أسلوبه و ال profile عندي وعنده اتصول لساحة خناقة بشكل غير مباشر ..

ناس أصحابنا حاولوا يقرّبوا المسافات بينًا و نتقابل , لكن احنا الاتنين رفضنا , و استمر الوضع فترة طويلة , لغاية في مَرّة قابلت واحد قريب من صاحبي ده و سألته عنه , و قال لي ان : «الفترة اللي فاتت كان عنده مشاكل كتير مع ناس و الحمد لله اتخلّت , و باقي بس انكم تتقابلوا علشان تخلصوا الضلاف اللي بينكم»

قُلت له : «هو اللي بدأ و كمان كتب posts عنّى»

قريب صاحبي ده اتفاجئ, و قال لي: «مُستحيل, ده بيحبك و بيقدرك و عُمره مايعمل كده» طبعًا خَلْيته يشوف الكلام المكتوب, و أنَّه قد ايه يقصدني بيه ..

لكن قال لي : «الكلام والله مش عليك , ده كان بيرد على كلام مكتوب عنه من الناس اللي متخانق معاهم»..

طبعًا حسيت بالذنب وحسيت الله ظلمته , اتصلت بيه و اعتذرت له عن الكلام اللي كتبته ؛ و اعتذرت كهان عن الكلام اللي كتبته ؛ و كانت قمة تأنيب الضمير لما قال لي : «أنا قرأت كلامك بس قُلت الله مش عليا أكيد , احنا بينًا خلافات لكن علاقتنا أكبر من اللها تكون على الله social media «

اعتذرتك تناني ، و رغم كل الذخب اللي حسيته لكن استفدت جـدًا مـن الـلي حصـل ..!

- الخُلاسة :

أكبر مشكلة بيقع فيها الطرفين في أي علاقة الهم بيأجلوا حل الخلاف بينهم , فترة التأجيل دي كل طرف فيهم بيبدأ يبني أفكار على الشخص التاني , و يبدأ يتخيل مواقف و انطباعات , و مع وجود ال social media بيبدأ ياخد كل كلمة بتتكتب في profile الطرف التاني على انه مقصود بيها , و ده في الغالب بيزود المشكلة و بيعقدها ..

- كل منا المشتكلة بتتركين و منش بتتصل بسرعة بتكبر الفجوة بين الطرفين لغاينة ماتوصل لحنارة شد ، لدرجة ان علاقتهم ممكن تنتهي لأسباب تافهة ، أ، لأسباب حصلت خلال فترة الخلاف ده ، يعني العلاقة بتنتهي بسبب أوهام منش حقيقية ، أو انطباعات منش صَح ..
- . لو بتحبوا بعض و عايزين علاقتكم تستمر سواء أصحاب أو عُشَاق , حِلُوا خلافاتكم أول بأول علشان ماتنفجروش مرة واحدة , أو علشان تمنعوا الانطباعات و التخيلات اللي بتتبني في فترة الخلاف دي ..
- . مُهم انكم تتقابلوا و تتكلموا و تتعاتبوا في ساعتها كمان , بلاش أبدًا يكون حل المشكلة على ال chat لأن ده بيزود الخلاف , وبيمنع وصول أي مشاعر حقيقية , أضعف الايمان لو مش قادرين تتقابلوا الكم تحلوا المشكلة بمكالمة تيليفون ..
- . حاولوا تكون المشكلة بينكم انتم فقط , وجود طرف ثالث ممكن يعقد المشكلة أكثر ..
- . مُهم جدًا ان الخلاف يتحل في أسرع وقت ، طول ما انتم حابين وجودكم يبقى اتعاتبوا و اتكلموا ، ده أفضل مليون مَرّة من الكتمان ، أو دخول طَرَف ثالث عليمان ، أو دخول طَرَف ثالث عليمان يحل الخلاف ده ..

* * *

- واحمد صاحبي بيحمب بنمت من محافظة تانية , كل فترة بيسافر أكتر من ٣ ساعات علشان يشوفها و يقعد معاها كام ساعة و يرجع تاني ..

كنّا قاعدين على القهوة و واحد بيقوله : «يعني انت ضاقت بيك بنات اسكندرية و رايح ترتبط من بلد تانية؟!»

صاحبي قال له: «أنا بحبها, و اللي ماتعرفهوش الي أوقات بسافر علشان أشوفها أقال مان ساعة والله و أرجع تاني»

طبعًا هو أخد كُمْ كبير من التريقة و الهزار ما فيه الكفاية ..

فصاحبنا قال: «شوف! أنا عارف كويس جدًا ان الموضوع مُضحك ، لكن مش بايدينا نختار الناس اللي بنحبهم , و نادر لما تقابل شخص فعلاً تحس انك بتحبّه , و لما تلاقي الشخص ده وتلاقيه بيحبك زي ما انت بتحبّه , و ما تتعبش حالك علشان تسعده أو تعيش معاه يبقى انت ما تستحقش الحب ده ؛ صحيح ان الموضوع مُتعب حدًا , لكن في نفس الوقت مُمتع لما تحس انك تعبت علشان تفرح شخص بتحبّه , و تلاقيه هو مقدّر تعبّك و بيحاول يفرحك زي ما بتفرّحُه»

- واحد صاحبي تاني بعد ما خَطَب كان بيشتغل في حدود ١٨ ساعة في اليوم , حياته عبارة عن شُغل و نوم ..

يصحى الصبح يروح المصنع , و يطلع من المصنع على شُغله التاني في السوير ماركت , و يخلص شغله يروّح على النوم ..

بالصدفة شوفته يوم أجازته على القهوة , فبَقول له : «يا ابني عاش مين شافك!» , قال : «والله الشغل و كده» ..

المُهم , وسط الكلام عرفت ان البنت المُرتبط بيها من أسرة مرتاحة ماديًا , و الشاب ده بيحاول يوَفَر لها حياة قريبة من الحياة المتعودة عليها ..

طبعًا أنا عارضته, و قولتك ان «مكن كان اختياره غلط من البداية, و الله كان لازم يفكر في المستوى المادي ده»

لكن صاحبي قال: «الكلام ده تقوله لو انت ناوي تتجوز بنت عادية لا تعرفها و لا تعرفك, أو ده كلام جواز الصّالونات, لكن لما تعب بجد و تبقى عايز تتجوز البنت اللي بتحبها هتنسى أي اعتبارات و هتعمل المُستحيل علشان تكون مع البنت دي ؛ صحيح صعب جدّاً أعيشها في نفس المستوى اللي أبوها معيشها فيه, لكن أنا بحاول فعالاً أوفرلها حياة تليق بيها, و للعلم أنا لو ماكّنتش شايف انها تستاهل التعب ده ماكّنتش ارتبطت بيها, لكن حبيتها؛ و

انك تكافح و تتعب علمان تعيش مع شخص بتعبه ده أجمل تعب في الدنيا ؛ و يكون في علمك ان الحاجة اللي بتبجي بالساهل بتروح بالساهل ، و مش هتعس بقيمة الحاجة اللي في ايدك الألما تتعب و تشقى علمان تاخدها» .!

- مـن سـنة بالظبـط , والـدة بنـت عنـدي في ال friends عـلى الفيسـبوك كلمتنـي علشـان ألاقـي حـل لمشـكلة بنتهـا بحُكـم ان بنتهـا متابعـاني و بتفتنـع بكلامـي ..

المُهم عرفت من والدة البنت دي انّها عايزة تشتغل و والدها مش موافق علشان شكله قدام الناس , خصوصًا ان والدها مرتاح ماديًا جدًا ..

طبعًا ما اقتنعتش بكلام الأم و طلبت الى أكلمها ؛ و فعلاً كلمت البنت و سألتها «ليه عايزة تشتغلي مع ان مش ناقصها حاجة؟» , كنت متوقع اللي أنا بحبها و هي «ان الشغل كيان مالوش علاقة بالمادة» ..

المُهم البنت قالت اجابة فاجتني , قالت بالنص : «أنا بَحِبْ»

هـزّرت معاهـا و قولهـا : «هوالحـب يخليـكِ تشـتغلي يعنـي؟ و لـو بتشـتغلى فإنـتِ مـش مطلـوب منـك حاجـة!!»

البنت قالت: «اللي أنا بحبه عايز يتقدماي ، لكن هو بيمُر بظروف مُعينة ومش هيقدر يتقدماي الفترة دي ، و أنا كل شوية بيجيلي عرسان ، و في البيت بيزنوا عليًا علشان أوافق على حد منهم ، و أنا عارفه أنه مش بإيدُه حاجه ، بيشتغل و بيدرس و وقته رايح في الحاجتين ، فأنا قُلت أنزل أشتغل و أساعد شوية لأني بحبه و عايزه أيش معاه ، و مش هقبل أعيش مع شخص غيره مهما حصل ، و لو

التاني ده هيعيشني في قصر فأنا قابله ببيت صغير مع اللي بحبه و لا أني أعيش في قصر مع واحد ما يعرفش عني حاجة غير انه شافني مُناسبة له أو شكلي عجبه : هو بيتعب و بيحاول علشان يوصلي , و مش عيب أبدًا اني أتعب كمان علشان أساعده و نعيش مع بعض»

رد البنــت أقنعنــي جــدًا فقولــت لوالدتهــا «ائي مــش هعــرف أسـاعدها و انّهــا مُــصِرُة عــلى الــلي في دماغهــا» ..

بعد أسبوع البنت كلمتني و بتعزمني على خطوبتها من الشخص اللي بتحبه ، اعتذرت لها عن الحضور لكن من جوايا كنت حاسس بفخر ان لسه فيه بنات كدا ، و لسه فيه ناس بتتعب علشان تعيش مع الناس اللي بتحبهم ..!

- الخلاصة :

. لسه فيه خُب ، و لسه فيه ناس ممكن تضحي بأي حاجة في سبيل انهم يعيشوا مع الناس اللي بيحبّوهم ..

. في الزمن ده علشان تعيش مع شخص بتحب محتاج مُعجزة , و محتاج تعيب من الطرفين علشان يوصلوا لبعض ، أكيد متطلبات النزواج أغلبها على الولد , لكن كمان على البنت , و لو مش بدعم مادي يبقى بدعم نفسي و معنوي ..

. التعب و الشقى في سبيل انك تعيش مع شخص بتحبه هو أجمل تعب ف الدنيا بكل العلو و الوحش اللي فيه , اللي مايتعبش علشانك ما يستحقش وجودك معاه و الكلام ده للطرفين , و بيجي بالساهل مهما كان ..

. لَذُة الْحُب زي ما هي في المشاعر و اللعظات العلوة ، كمان موجودة في لعظات التعب و المُعافرة ، لأن مش على استعداد انكم تتعبوا و تعافروا علشان تعيشوا مع بعض يبقى من البدايية ما تقربوش و لا تدخلوا في علاقات ..



- واحد صاحبي كل فترة بينزل صورته مع زوجته و ابنه على الفيسبوك و هما بيخرجوا و بيتفسحوا في أماكن مُختلفة , و أنا كل شوية أعمل الله و بسوط بالعلاقة دي جدًا و بجمال الصور ..

ابن صاحبي ده بيحبني شوية , فوالـده طلب منّي اننا نُخرُج سوا , فغرجنا و روحنا كافيـه و ثربنا القهـوة , بعديـن قالي «يـلا غَرجَح عُمَـر!» ..

راح عند شباك التذاكير و لقيته قاطع تذكرتين لكُل لعبة ، استغرّبت من التذكرتين لكن ما اتكلمتش ؛ لما وصلنا للألعاب أضد زوجته و أبنه و ركبهم الألعاب كلها ، و أنا واقف مُندَهش من طريقة التعامل دي ، للحظة مُعينة حسيت الى خارج مع صاحبي و أبنه و بنته ..

الجميل ان ملامح زوجته كانت مبسوطة يمكن أكتر من ابنها و هي بتلعب معاه زي الأطفال و صاحبي واقف يتفرج عليهم و يضحك ..!

- لحد دلوقتي أبويا كل مايجيب شيكولاتة أو حلويات لأخويا الصغير لازم يجيب لأمى ..

و في مَرَة أخويا سأله: «هي ماما لسه صغيرة على الحاجات دي؟!»
بابا ضحك و قاله: «دي بنتي الأولى أنا عندي ٣ أولاد و بنت» ..
أبويا استغل الموضوع ده بانه يشرحلنا «يعني ايه مراتك و بنتك!»
قعدت أنا و اخواتي و بابا بدأ يحكي:

«السِت مهما كبرت لازم تحس انّها طفلة ؛ أنا اتجوزت أمكم و هي عندها ٢٠ سنة , يعني طفلة لسه ما شافتش الدنيا , و بقيت أعرفها و أعلمها الحياة من أول و جديد , عاشت معايا أكبر ما عاشت مع أهلها , اتعودت أجيبلها الحاجات دي بمُناسبة و بدون مناسبة , كل فيرة لازم تحس انّها ما كبرتش , و انّها لسه أول طفلة و بنت و سِت في حياتك , السِت ما بتعجزش لكن اللي حواليها هما اللي بيعجزوها , و ظول ما انت بتعامل حبيبتك على أساس انّها بنتك , هاتفضل تحبها و هنفضل تحبك , حثى لو بقيت راجل طخين و بنضارة و أقرع , هنفضل في نظرها أجمل راجل في الدنيا , و هنفضل هي أجمل بنت في حياتك حتى بعد ما تعجز و أسنانها تقع و التجاعيد تسكن بنت في حياتك حتى بعد ما تعجز و أسنانها تقع و التجاعيد تسكن كل ملامهها , هنفضلوا تحبوا بعض لأنكم حبيتوا بعض بصدق» ..!

⁻ صديق عندي صاحب محل ملابس بنات ..

في مَــرَة كنــت قاعــد معــاه في المحــل , فدخــل علينــا شــاب في الثلاثينــات مثــلاً !

المُّهم صاحبي رَحُّب بالشاب ده و عرفت انَّه زبون دائم للمحل ..

ساعة كاملة الشاب بيختار مع صاحبي ده شنطة و فستان و shoese , و واضح جدًا ان الطقم رايح لشخص عزيـز عنـده..

و هـو بيحاسب صاحبي سأله: «قولي يا باشا لـو مـا فيهـاش احراج يعني و لكن كل فترة تيجي لوحدك المحل و تشتري طقم و هـى صاحبة الحاجـة دي فين؟!»

الشاب قاله بضحك : «انت مش عايزني أبقى زبونك و لا ايه؟!»

و ضحكنا و هزرنا , فالشاب سأل صاحبي : «انت متجوز؟!»

صاحبي قاله: «لأ»!

قاله: «لما تتجوز لو بتحبها هتعمل زيي كده بالظبط أنايا سيدي متجوز حُب حياتي لكن الحياة صعبة و الشغل آخد كل وقتي بيادوب من البيت للشغل و من الشغل للبيت , مراتي بتتحمل انشغالي عنها , بتتحمل الضغط , و الظروف الصعبة اللي بتمر علينا , و لأني عارف انها بتحب الفساتين من صُغرها بحاول كده كل فترة أروح أشتريلها طقم ، مع اني لا بفهم في لبس البنات و لا بعرف في الألوان الاالوان اللي اتريينا عليها , يعني ايه «الفُستُقي» ده و ايه «الفيروزي» و «التركوازي» و «التركوازي» ؟! , لكن اهو أديني بحاول أهتم بالحاجات اللي بتحبها , بحاول أوصلها

ان رغم كل المشاغل اللي عندي لكن لسه فاكر و عارف الحاجات اللي بتعجبها, صدقني ممكن تكون في علاقة مع شخص و ليل و نهار قاعد معاك لكن عُمره ما اهتم بيك و لا بالحاجات اللي بتعجبك و بتعبها , و ممكن تكون مع شخص ما بتتكلموش كتير طول اليوم , لكن أول ما بتشوفه بيحس فعلاً انك مُهتم بيه , ممكن بكلمة , بنظرة , بهدية بسيطة , بُكالمة اهتمام , اللك تحسس الشخص اللي بتحبه الله أهم و أبقى من أي حاجة في الكون» ..!

- الخُلاصة :

. قبل ماتختار شريك حياتك لازم تفكر في طبيعة الحياة معاه هتبقى ازاي بعد الجواز , كثير من الرجالة المصريين بيستغربوا من شكل البنت بعد الجواز خصوصًا بعد ماتخلف ؛ ببساطة الموضوع زي ما هو تغيير جسدي , لكنه في الأصل تغيير نفسي بيأثر عليها , البنت لو حست الها لسه بنت حتى بعد الجواز هتفضل مهتمة بشكلها و مظهرها ..

. هى دايرة واحدة بين الحب و الاهتمام و احساس الها لسه بنت رغم كل شيء ؛ مش حابب أكون ظالم و أقول ان المسؤولية كلها على الراجل ، بالعكس هى علاقة مُشتركة ، لو الراجل فعلاً بيعب حبيبته هيحافظ على النقطة دي ، و لو البنت عرفت و فهمت جوزها كويس هتعرف ببساطة تطلع الاحساس الفطري للراجل كوئه أب في البداية سواء ليها أو لأولادها ..

من فترة كنت قاعد على القهوة و مُندمج جدًا في أغنية
 «إنت عُمري» للعظيمة «أم كلشوم» ..

راجل عجوز في حدود ال ٦٠ سنة مثلاً, لقيته بيغني معاها و هي بتقول : «إللي شوفته قبل ما تشوفك عينيًا عُمر ضايع يحسبوه إزاي عليًا!»

القهوَجي ضحـك مـن طريقـة دندنـة الراجـل ده و قالـه : «ربنـا يديلـك طولـة العُمـر يـا حـاج!»

ضحيك العجنوز و قالبه : «قنول ربننا يديناي طنول العُمنز خُنب , الحنب هنو العمار الحقيقني ينا ابنني» ..!

. - واحد صاحبي من مواليد شهر أكتوبير , لكن دايًا بيحتفل بعيد ميلاده في شهر نوفمبر ..

للُّهُم في مَرَّة سألته عن السر ده , قالي : «احنا ارتبطنا الشهر ده»

قولتله : «و ده ایه علاقته یعنی ؟»

قال : «يعني بعتبر اللي قات من عُمري قبل ما أرتبط بيها مُجرد أيام عادية مش محسوبة عليًا , ما افتكرش إنَّ عملت حاجة ف حياتي تستحق الذكر , كنت عادي بعمل كل اللي مطلوب مئي أو اللي أي شخص بيعمله , بتعايش في الحياة عمومًا , و أغلب اللي عايشين هنا عايشين لمُجرد إنهم عايشين مش أكتر , مُفتقدين لأهم هدف في الدنيا , مُفتقدين للُّنة الحياة نفسها , إنت ممكن تكون بتاكل و بتشرب و بتنجح و بتعمل كل حاجة , لكن منش حاسس عُتعة , مش حاسس بلَذَة , ممكن يكون معاك كل حاجة لكن مش مبسوط أو منش حاسس جُتعتها , زي مثللًا واحد عايش في صحراء و معاه شنطة فيها مليون جنيه , تفتكر إيه فايدة الفلوس في وقت زي ده ؟! , و ممكن تبقى قاعد على الرصيف بتهزر مع شخص بتحبه لكن من جواك مبسوط جدًا ، آهنو هنو ده الحُنب ، حيناة و لَـذَّة ؛ يبقى إلى بنعيشه قبل الحب ده مُجرد أيام عيشينها في الدنيا , لكن بعيد الحب بنعيش في الحياة , الحب حياة يا صديقي» ..!

- «شارع فؤاد» في إسكندرية يُعتبر معقل و أصل اليونانيين , المباني و المصلات و تنظيم الشوارع , كل حاجة هناك بتَدُل على العَظّمة ..

المُهم, جدق كانت جارة سيدة يونانية مع زوجها, لما اليونانيين رجعوا لبلادهم الراجل و السِت دول رفضوا يرجعوا, رغبة السِت كانت عايزة فعلاً ترجع مع أهلها, لكن زوجها قالها إنه «مبسوط في إسكندرية و مش هيرجع», أهلها وقتها راحوا علشان يحاولوا يقنعوها إنها ترجع معاهم, لكنها رفضت, حتى زوجها حاول

يقنعها إنها ترجع و هيبقى يزورها كل فترة , لكنها رفضت رفض تمام , و قالت : «أنا عِشت في بيته أكتر ما عِشت في بيتهم , بقى يفهمني و يعرف أنا مالي و بحب إيه و بَكرَه إيه و إمتى متضايقة و إمتى مبسوطة , هما مش هيفهموا ده , مش هيعرفوا الحاجات دي , أنا حبيته و هو حَبّني و خلاص حياتنا بقت مع بعض , إزاي بعد ما عِشت في وطني أروح أتغَرّب؟ , حتى لو اليونان وطني , لكن إيه فايدة إني عايشة في بلدي مع ناس مش فاهمتي و عارفتي , أنا بحس إني في وطني و هو معايا , في أي مكان مش هتفرق , المهم إنه هنا جنبي ؛ الحب وطن , و هو وطني» ..!



- مُذيعة كانت بتسأل في الرّاديو عن «مفهوم الحب» ..

من ضمين المكالمات إتصل شاب و قال : «أنا ما شوفتش اتنين بيحبوا بعض زي أبويا و أمى ؛ الحب يا فندم إن لحد دلوقتي أمي بتشيل لأبويا أكبر حتة في الأكل ، إن لما بيتخانقوا و نصاول نفهم سبب الخناقة ماحدش فيهم بيتكلم , لما أبويا إتحجز في المستشفى أمي قعدت معاه رغم إنها كانت تعبانة والسه طالعة من العناية المركزة ؛ الحب لما أبويا يكون نايم و حد من إخواتي يعلَى صوته فأمى تعاقبه ، و الحب لما أمي تبكي بسبب مشهد في فيلم فأبويا يضحكها و يتُربِق عليها ، الحب لما أبويا يجى من الشغل تعبان و يطلع عصبيته عليها فأمى تسكت و تراعى خنقته و ضيقته , و بعد شوية يروح يصالحها بكلمة حلوة فتتصافي و ترضى ؛ الحب إن أمي تغير على أبويا العجوز إللي عنده ٦٥ سنة , و الحب إن أمي تتسند عليه و هي ماشية في الشارع ؛ الحب إن لما تتعب و تنام على السريار تصحى مخصاوص علشان تجهزك الفطارا فأبويا يجي بادري من الشغل علشان يحضرلها الغدا؛ الحب إن لما أبويا يدندن أغنية لأم كلثوم و ينسي منها مقطع فأمى تكمل معاه الأغنية علشان ما تحرجههوش و تحسسله عرضه» ..!

- واحــد صاحبــي كان بيحــب بنــت جــدًا , و في يــوم البنــت دي عملــت like عـلى صــورة عروسـة غاليـة شــوية ..

دخل صاحبي سألها : «عاجباكِ؟»

قالتله : «آه جدًا لكن غالبة أوي و مش موجودة في مصر»..

صاحبي دا كان بيشتغل ٨ ساعات بياضد ٩٠٠ جنيه يادوب مصاريف يومه و الجمعيات و الإلتزامنات إلى عليه , و في الغالب كان بيستلف علشان يكمل آخر الشهر , و العروسة دي على الإنترنت كانت ب ٨٠٠ جنيه ..

مَرَة واحدة لقيت صاحبي ده بيتصل بيا و بيقولي : «شوفلي حد يشتري التيليفون إللي معايا , و معايا كمان كام كتاب ثراث عربي عايز أبيعهم»

أنا حسيت إنّه محتاج فلوس , فسألته : «عايز فيهم كام ؟»

قال لي : «٨٠٠ جنيه لكن في أسرخ وقت»

و لما سألته : «إنت محتاج الفلوس دي لإيه؟»

قالي الوضع و الظروف إلي بيمُر بيها , و إتصرفنا في الفلوس دي , و صاحبي قعد أسبوعين بدون تيليفون , و لما حبيبته سألته : «فين تيليفونك؟»

قال لها : «ضاع» ..

و أول ما العروسة جـت راح إداهالها ؛ يومها كان فرحان إنه جابلها العروسة أكـر مـن فرحتها هـي بالعروسة ..!

- فيه قصة إن راجل مَد إيده على مراته, المهم إن السِت دي وقت عصبيتها سابت البيت و راحت عند أهلها ..

أخوها عرف إللي حصل بزوجها و جابه البيت , بدأوا يتكلموا بعصبية لغاية ما أخوها وصل لمرحلة معينة و كان هيقتله ..

السِـت دي وقفت قدام أخوها و قائتله «لو هتمد إيدك عليه لا إنـت أخويا و لا أعرفك»

أخوها إتعصب جدًا منها و كان هيضربها هي كيمان ، لكين السِت بكل تلقائية راحت إستخبت ورا ظهر زوجها ..

خلص الخلاف و قعدوا يتكلموا , أخوها سألها : «و لما إنتِ بتخافي عليه و بتحبيه أوي كده , ليه جايه تشتكي؟»

السِت قالت: «ده جوزي و أبو عيالي , هو غلط فيا بس أنا مش هسمح إني أشوفه بيتغلط فيه أو حد بيهين كرامته حتى لو إنت , خلافي معاه هيخلص بالكلام , مش بالإهائة و مَد الإيد» ..!

- واحدة ساكنة جنبنا , كل ماتروح مكان حلو أو مصيّف تقول لأمي : «انتِ ما بتخرجيش , إنتِ مش عايشة حياتك!»

أمي كانت بتقلب الموضوع هزار لأنها عارفة طبيعة شغل أبويا إلى على طول برًا البيت ..

المهم أبوبا حس إن أمي بدأت تضايق , و في يوم إتصل بيها بالليل و قالها : «جهزي نفسك بعد ساعتين هاجي آخدك بالعربية و نطلع «مطروح» نقضي أسبوعين هناك»

كنت عيـل صغـير وقتهـا لكـن فاكـر كويـس فرحـة أمـي و هـى بتحـضر الهـدوم و لـوازم السـفر ..

أول ما ركبنا العربية , أمي سألت أبويا : «إنتَ أخدت أجازة إزاي؟ إنتَ مالكش أجازات السنة دي!»

أبويا ضحك و قالها و هو بيبوس راسها : «يا ستي الشغل مش هيطير , و الفلوس بتروح و تيجي , المهم إنّك تعرفي

إن ماحدش أحسن منك في حاجة» .!

«أبو العلا اليشري» كان بيقول: «أنا بتكلم عن الحب المثاني , بعذريته و رومانسيته , بلمسة الطهر إلني فيه , بروح الشاعرية إللي جواه.. زمان كنا نحب زي ما نقرأ الشِعر أو نسمع المَزْيكا , كانت لمسة من الإيد , مُجرّد لمسة تغييبنا عن الوجدان , و نظرة من العين تسهرنا للفجر , و كانت رعشة الكلمة الحلوة على الشفايف تبكينا .. تصوري إن إحنا كنّا بنخاف من القرب أكتر ما بنخاف من البُعد !

و في البُعد نرجع نحِن للقُرب تاني!

- المُلامية :

. مش لاقي شيء مُناسب مُمكن أنصحكم بيه بعد القصص دي الكن قدّروا قلوبكم شوية ، القلوب مش حَقل تَجارب ، و لا هي فُندق كل واحد يدخل يرَيِّح فيه شوية ، قلوبكم ليها حُرمة و مكان مُقدس ما ينفعش أي شخص يدخل فيها ..

. و لو دخَلتُم قلوب أشخاص أحسِنوا فيها , حتى لو نفس المشاعر غير مُتبادلة , انسَجِبوا و سيبوا وراكم ذكرى حلوة..

. القلب إللي حَبِّك ما يستاهلش أبدًا إنَّك تزرع جواه خِنجَر أو سَهم ..

و ربنا يرزقكم بالحب الصالح إلى يدوم و يكمل و يسند للنهاية «

* * *

- واحد صاحبي من بعد الجواز و هو تقريبًا مابيقعدش في البيت ..

كل مانقولـه عايزيـن نقعـد معـاك , يـرُد «أنـا في ال gym , أنـا في مشـوار و هتأخـر» , و هكـذا ..

استمر الحوار لغاية ما قعدنا معاه فعالاً.. فواحد صاحبي بائِس في نَظرته للزواج قال لصاحبي المتجوز ده: «يا ابني إنتَ ما بتقعدش مع مراتك خالص؟ على طول بَرًا البيث كدا؟»

صاحبي ما فهمش قصده , فسأله : «تقصد إنه؟!»

صاحبي البائِس قالـه : «يعنـي إنـتَ يـا في ال gym , يـا عـلى القهـوة ! فـين حـق مراتـك عليـك؟»

التاني ضحك ضحكة سُخرية و قاله : «يا ابني دي على طول معايا , مش بتسيبني غير في الشغل»

بإستغراب شديد سأله : «بتاخدها معاك ال gym و القهوة؟!»

قاله : «آه باخدها معايا ال gym , بخليها تنزل معايا القهوة و نلعب على ال labtop زي ما بلعب معاكم , عادي بنروح نتمشي على البحر , وبروح معاها ال mall لما تحب تشتري هدوم ؛ على فكرة ده إلى المفروض كنا نتربى عليه , إحنا جيل إتحرم من حاجات كتير ؛ أنا متجوز بنت ليها حق تخرُج و تتفسّح و تشوف الناس , الجواز مش أربع حيطان , أنا إتجوزتها علشان بحبها و نبني حياتنا سوا , مش أسجنها و أحبسها و عُمرها يضيع بين أربع حيطان !»

- على الفيسبوك واحد كان نشر صورة لديكورات شقته و كتب «إحنا بنرسم حياتنا» ..

من ضمن التعليقات بنت سَخِرت من الديكور و قالت إنّه «عادي جدّا» ا

و الولد ده رّد عليها رّد عجبني جدًا, قال: «أنا عارف إن رسومات الحيطة عادية, كمان الديكور مش درجة أولى ؛ الشكل مطلوب أكيد, لكن مُتعة الديكور ده إن أنا و زوجتي إلي عاملينه بدون تَدَخُل من أي صنايعي, مُتعة إنّك بترسمي شقتك الخاصة بإيدك مع الشخص إللي هتشاركه حياتك, إحساس العشوائية و الدوشة و الأفكار المجنونة و إصنا بنرسم و نشخبَط, فكرة المُشاركة حتى لو كانت في حاجة تافهة الحاجات دي مش هيحسها إلا إللي جَرّبها و مش هيتناها إلا إللي محروم منها .. الديكور عادي بالنسبة لك لأنّك شايفاه كديكور, لكنه رائح بالنسبة لنا لأننا شايفين مشاعرنا و كل إحساس يطيّب القلب على هيئة الشَخبَطة دي ؛ و هنا الفَرق» .!

- صديقة عندي كانت بتخلل منظورها للزواج, بتقول: «إلَي أختار شخص أعيش معاه حياة طويلة ده مش شيء هَيَن أبدًا, أنا محتاجة شخص يشاركني كل حاجة و أنا أشاركه في كل حاجة .. فكرة

إني أم و مسؤولة عن البيت مسؤولية كاملة و هو دوره بيُختَزَل في إنه يوفر إحتياجات البيت فقط دي فكرة مرفوضة , التربية مسؤوليتنا إحنا , و المادة كمان مسؤوليتنا إحنا .. مش عايزة أحس إن بمُجَرّد ما جمعنا سَقف واحد يبقى حياتي كُبنت إنتهت , بالعكس ؛ المفروض يحسِسني دابًا إلي بنته الأولى حتى لو خَلَفنا عيال كثير ..إني أعيش مع شخص حياة طويلة يعني لازم ماخافش منه , ما اتكسفش منه , و ما اخبيش عنه حاجة ؛ گذلك هو كمان .. الموضوع مش مُعقد , و ما اخبيش عنه حاجة ؛ گذلك هو كمان .. الموضوع مش مُعقد , لكن محتاج شخص بيفهم و يقدر يعني إيه حياة مع شخص تحت



- كنت قاعد مع أبويا ، فَبَقوله إن واحد صاحبي زوجته هاتخَلف قريب ..

قالي : «مبروك , يتربي في عِزُ هـ»

قولتك : «مبروك إنه ؟ ده صاحبي مرعوب , الحاجمة غلّيت و لبن الأطفال غلى , الحياة على الورق صعبة جدًّا!»

أبويا قالي : «يا ابني الحاجات دي بتيجي برزقها»

حاولت أفهم منه يقصد إيه بالرزق ده ؟!

قالي: «يوم ولادتك كنت في ظروف صعبة, لكن مع آخر أيام قبل ولادتك ربنا كرم من وَسَعه, رغم إن الظروف دي ما اتحلّتش و لا حاجة إنتهت و لا حتى مُرتبي زاد, لكن ربنا كان بيحل العُقد و بييسرها, فيه حاجات كتير على الورقة و القلم ممكن تخليك تكتيب , دايًا الحاجات إلى بتحبها ماتحسبهاش بالورقة و القلم علشان بتقل بُرَكِتها, الحُب بُركة و رزق»! - واحد صاحبي بيحكيلي إنّه في وقت كان محتاج مَبلَغ مُعَيّن , فَواحد من أصحابه إللي عايشين بَرًا مصر قاله «أنا هسلّفك المبلغ ده» ..

صاحبي رفض , لكن صاحبه أَصَرٌ إنّه يدّيله المبلغ ده , و قاله : «أنا بحبك , إنت صاحبي و ما ينفعش أسيبك لوحدك في مشكلة»

اتُفَقوا و راح صاحبي يستلم المبلَغ من شركة تحويل أموال , أول ما استلم المبلغ صاحبه إتصل بيه و قاله : «شوفت يا رَيِّس , أنا أول ما بعتلك الفلوس كسبت قضية كانت واقفة من زمان مبلغ كبير ماكنتش أتوقعه أبدًا , الحب بين الأصحاب رزق يا ابنى» !

- لما كنت بستعد إنّ أربي كلب صغير , بدأت أظبطله شوية حاجات في المسكان إلي هيعيش فيه , رغم إنّ كنت بَمُر بِبَعض تعسرات مأذية , لكن كان فيه حاجة غريبة بتحصل ؛ وقت ما كنت بروح أشتري حاجة لنفسي حتى لو مش مهمة كنت بحس فعلاً بقيمة المادة و ممكن النظام إلي بصرف بيه على نفسي يتلغبط نهاتيًا و أضطر أكمن باقي الشهر في أزمة مادية فعلاً .. يتلغبط نهاتيًا و أضطر أكمن باقي الشهر في أزمة مادية فعلاً .. بحس إن اليوم دا فيه فلوس زيادة أو إن القلوس هتكفّي و زيادة .. في البداية أضدت للوضوع بضحك و سُخرية , لكن مع كل مَرد بيان أحس إن فعلاً فيه حاجة غليظ لأن اوقات بيكون معايا مصاريفي الشخصية فقيط فعليًا !

تقريبًا كان سؤال مهم لغاية ما إفتكرت كلام «جدي» لما قالت مَرْة : «إن الحاجة إلى بتحبها بتجيب لَك ٣ حاجات , السعادة و الرضا و الرزق , الجواز بيجي برزقه , إبنك بيجي برزقه , الخير لله بيجي برزقه , الحُب كُلُه بيجي برزقه» !

- الخُلاصة :

لل بتنوي خير إنّك تعمل حاجة بتحبها , ربنا بيكرمَك من وسَعه , بيرزقك بالحُب إلي يشبع ليك رغبتك بالسعادة و الرضا و الرزق , لو معاك فلوس الدنيا و مش راضي و لا مبسوط يبقى كل فلوس الدنيا مالهاش قيمة , لكن لو عايش مع حد بتحبه ربنا بيكرمك بال ٣ حاجات دول , حتى لو مش معاك فلوس تعيشك عيشة كويسة ربنا بيكرمك بالسعادة و الرضا ..

. الحب هو الرزق الحقيقي , سواء فعلاً رزق مادي أو معنوي , لكنه رزق , مش شرط الحب يكون علاقة بين ولد و بنت , الحب عمومًا سواء مع أهلك أو أصحابك أو الحيوان إللي بتحبه , الحب فعلاً هو الرزق الأعظم في الدنيا ..

. رغم إن كلامي واقعيًا هنختلف عليه من ناحية المادة , لكن هنتفق إن رغم كل الظروف إلى بنعيشها أوقات بنسأل نفسنا «هي الناس إلى عايشة في العشش و العشوائيات دي إزاي متحملين بعض؟ إزاي ممكن يعيشوا مع بعض في الفقر و القرف المفروض عليه ده؟» , وقتها بكل تلقائية هتلاقي نفسك بتقول «يمكن علشان بيحبوا بعض!!»

(17)

- رغم خلافي الشديد مع أبويا في أوقات كتير , إلّا أني مقتنع تمامًا إن أجمل تفاصيل قصة حب عرفتها هي تفاصيل علاقة أبويا و أمي , فيه تفاصيل ممكن تكون تافهة لناس كتير , لكن بالنسبة لي سابت أثر جوايا مش قادر أنساها ..

و إحنا صغيرين كان أبويا بياخدنا بالعافية الإستاد علشان نشجع «الإتحاد السَكَندَري», و كنا بنسيب أمي لوحدها في البيت و لما نرجح نحكيلها عن البوم ..

و في يسوم أمني قالبت لأبويا إن «نفسها تروح الإستاد» , أبويا ضحك و قالها : «إنتِ اهلاوية , و بعدين إستاد إيه إللي تروحيه؟ مافيش سِنت بتروح الإستاد» ..

أمي إتضايقت جدًا و قالتله «طيب خلاص» , و إنتهى الخلاف ..

المهسم كنا في رمضان و كان فيه ماتش مهم جندًا للإتصاد , و كان متوقع إن الملعب يكون مليان على آخره , أبويا وقتها قال لأمي «جهزي الفطار علشان هنفطر بَرُا»

أمى سألته «هنروح فين؟» , قالها «لما ننزل هقوللك»

و طول الطريق أبويا كان ساكت لغاية ما وصلنا قُرب الإستاد..

أبويا قالها بالنّص: «أديني أخدتك معايا الإستاد آهـو, وهخليكي تتفرجي عـلى الماتش من الملعـب, لكـن لـو الإتحـاد خـسر هخـلي ليلتـك سودا»

وقتها أمي ضحكت زي الأطفال, و كانت بتدعي إن الإتحاد يكسب, و أول ما دخلنا الإستاد أبويا جابلها عَلَم و قعدها جنبه, و بدأ يحكي لها ذكرياته مع الملعب ده و يشرحلها كل حاجة, و فطرنا و إحنا في المدرجات و كملنا اليوم هناك..

أفتكر أملي كانت هلى أول سِت دخلت الإستاد في الألفيلة الجديدة و حاليًا هلى كل ما تفتكر اليوم ده عينيها تدمع من الفرحة

الغريب إن بعد العُمر دا كله أبويا لسه مستني الجمهور يرجع علشان ياخدها و يتفرجوا سوا ، لكـن المـرّة دي لوحدهم ..!

- من ضمن الحاجات إلى بتعجبني في تفاصيل العلاقة دي , كان فيه مشكلة كبيرة حصلت , و كانت أول مَرْة أمي تطلب فيها إنّها تطَلَق ..

أبويا قالها «هطلقك حاضر»

أمي طلبت إنها تنزل تروح لوالدتها, وقتها أبويا قالها «أنا اللي هنزل، إنتِ مش هتنزلي أبدًا من بيتك, حقوقك هتاخديها و هتوصلك لغاية عندك, لكن إلتِ ما تتحركيش من مكانك و لا تنزلي و لا تتبهدلي لوحدك»

أبويا حقيقي كبر في نظري الوقت ده , و إداني درس مهم جدًا ,

إن «زي ما أخدت بنت من بيت أهلها مُعزَّزة مُكرَّمة لو فيه بينكم خلاف لازم تحافظ على عِزَّة نفسها و كرامتها , مهما كان في النهاية إنت راجل ممكن تنام في الشارع , لكن هي سِت و ده ما ينفعش أبدًا يحصل» ..!

- في العزومات و التجمعات العائلية أبويا ما بيتكسفش ينادي أمي بإسم دلع لبها , ما بيخجلش من إنّه يبوس إيديها قدام الناس , أو يهزر و يضحك معاها ..

أبويا ما بيخجلش من إنّه يسألها على رأيها في موضوع مهم قدامنا عادي ، أو لما يتفقوا على خروجة يقول قدام الناس «مناسب معاكي الميعاد ده و لا لأ؟!»

- أبويا بيضاف على أمي جدًا لدرجة إنه بيرفض تروح مكان لوحدها , حتى لو خارجة مع أصحابها بيوصلها بالعربية و يجيبها , و لو في الشغل و مش عارف يوصلها بيطلب من حد فينا يوصلها , ولو كنا مشغولين تقريبًا بيتصل بأمي كل شوية يتطمن عليها و يعرف أخبار الطريق و حال نفسيتها و عاملة إيه أو مبسوطة و لا لا !!

واحدة من المُقربين لأمني حاولت تقنول إن «ده منش حبب ، الكنّاء شَك»

أمي قالت وقتها بكل تلقائية: «طارق شايفني في عينيه , و طبيعي لما نظرك يغيب عنك تبقى هتتجن علشان ترجع تشوف , و أنا نظره !

- ما افتكرش مَرَة أمي نزلت اشترت حاجة بالليل و أبويا فاعد في البيت, تقريبًا حتى طلبات البيت يا بيشتروها مع بعض يا هـو بينزل يجيبها بنفسه و لكن ما حصلش أبدًا إن أمي نزلت تشتري حاجة للبيت و أبويا قاعد, أضعف الإيان لما بتروح «كارفور» أو أي ماركت أبويا بيستناها على أي «كافيه» أو «قهوة» علشان يشيل منها الحاجات إلي بتشتريها ..

أبويا مقتنع إن مش من الأدب أو النخوة إن مراك تنزل تشتري حاجات للبيت و إنت نايم على المرير و مش في دماغك مثلاً!

دي مُجرد تفاصيل بسيطة افتكرتها من ضمن تفاصيل كتير بشوفها ..

أبويا ماقرَأَش كتب كتبر و لا هو مثقف كفاية , بالعكس ابويا ماكملش تعليمه أصلاً ، لكنه إنسان بيحس ، يمكن دي أجمل حاجة في الدنيا ..

إحنا إتربينا على كتاب مهم إسمه «النضوة و الرجولة و الحنية» , و مهما قرأت و عشت و شُفت مش هشوف و لا هستفاد في حياتي قد ما إستفدت من الكتاب ده, و قد إيه هو ممتع و مفيد في العلاقات الإنسانية ..

بعيدًا عن كل ده , الحُب يَكمُن في أدّق التفاصيل ..

و يمكن مش بستغرب إزاي أمي بتتحمل غلطات كتير أبويا بيعملها ، لأني ببساطة عارف قد إنه أبويا موصلها و معيّشها على أساس إنها «ملكة الكون» و «البنت الأولى» و «طفلته المُدّلَلة» ..!



(31)

في كتب «جُرعة نيكوتين» كتبت: «الحُضن أَضيَـق المياديـن إتساعًا» ..

وقتها كنت حاسس مشاعر معينة , أو كنت حاسس الجملة دي جدًا , بعد فترة طويلة شخص سألني «ليه الحُضن أَضيَـق المياديـن إنساعًا؟!»

في المرحلة دي إجابتي إختلفت تمامًا , و إحساس كمان , لكن همكي لكم عن إجابة الناس إلى سألتها «ليه المُضن أضيَق الميادين إنساعًا؟!»

- المُضن هو المكان الوحيد إللي بتحس فيه بالأمان , بتطمن جواه , مابتفكرش في أي هموم و بتنسى أي مشاكل في حياتك , بتعيش اللحظة بكل عقويتها و مشاعرها , مُسَكُن لطيف بيبعدك شوية عن العالم .. مافيش حاجة إسمها حُضن العيون و حُضن الإبد , ده كلام مش صح ! المُضن هو المُضن بكل تفاصيله , برعشة الجسم , بالتنهيدة , بالطبطبة , بلحظات الهَمس , بإحساس الإبد و هي على ظهرك أو على رقبتك ..

الحُضن أَضيَق الميادين إتساعًا علشان هو المكان إللي بنعرف نبكي و نضحك و نفرح فيه من غير خوف , أو نحُط أي إعتبار لأي حاجة !

- يـوم مـا حسـيت إني كبرت فعـلاً جريـت عـلى أمـي و قولتلهـا «إحضنينـي» , ماكنتـش عايـزة أكـبر و أبـدأ أكـون مسـؤولة , أنـا لسـه طفلـة بخـاف أعـدي السـكة لوحـدي , بخـاف لمـا أكـون لوحـدي في البيـت و النـور يقطـع , بخـاف لمـا حـد يعـلي صوتـه عليـا , مـا ينفعـش أحـس إلي كبرت و أنـا لسـه مـش عايـزة أتعامـل مـع كل ده , مـش عايـزة أحـس إن الطفلـة إلـلي جوابـا إنتهـي أوانهـا و إنيّ كبـيرة دلوقتـي و لازم أتغـيّر !

الخُضن بيوصلك لمرحلة إنّك موجود , إنّك هنا , حَي , بتتنفّس .. خُضن إلى بتحسك بوجودك , بتتمنى الكون ينتهي عند اللحظية دي , بتعيش كل المشاعر الصادقة جواه , هيو لعظية أصدق و أصفى المشاعر..

مابتفكرش في عدوك , مابتفكرش في إلي بيكرهك و بتكرهه ، إنت بترجع طفل مابيعرفش غير إنه يحب.

الحُضن أَضيَـق المياديـن إتسـاعًا علشـان هـو المـكان الوحيـد في العالَـم إلـلي بيرجعـك طفـل ..!

- واحد قالي : «من بعد غيابها ضاقت الدنيا عليا , حسيت إنّي عايش في مَمّر ضَيْق جدًا يادوب بحَرّك جسمي بالعافية و كل حركة بوجع جديد ..

سافرت كتير و لَفَيت كتير ، حضنت و إتحضَنت من بعدها و كأنّي كنت بحضُن صبار، و الدنيا تضيق و تضيق و يزيد الألم ، حاسس إنّي محبوس في الكون العظيم دا و حريتيي معبوسة في حُضنها ..

الحُضن يعني إنك حُر , بيوصلك لمرحلة إنّك «ملك الكون» , بتحس إن العالَم كله ليك إنتَ و بتاعك إنتَ , حاسس إنّك أغنى شخص في العالَم و إنت في جيبك مايكملَش ٥ جنيه ..

الحُّضَى أَضِيقَ الميادين إنساعًا علشان هو المكان الوحيد إللي بتحس فيه إنّك مَلِك الكون, بتحس إنّك خُر! «

- صديقي العزيز «أحمد» قالي: إن المُضن هو التفاء روحين ببعض , مش كل الأحضان بتريّح , فيه أحضان بتوجع و تفرق ؛ لكن المُضن الحقيقي هو إللي بيحسسك بدِفته حتى لو مش موجود فيه , هو إللي بيخليك تحس بالشخص إللي بتحبه حتى لو فيه بينكم مليون مسافة ..

الحُضن هو أضيق الميادين إنساعًا علشان هو المكان الوحيد إلى ما ينفعش يكون فيه روح ثالثة تكون بينكم ..!

* * *

- كلنا عارفين الشاعر العظيم «نزار قبّاني», و عارفين كمان قصته العظيمة مع زوجته «بلقيس», و إزاي عمل المستحيل علشان يوصلها رغم تعانّت والدها و رفضه ل»نزار» أكتر من مرة ..

«نزار» كان دايًا ياخد معاه في الحفلات زوجته «بلقيس», و كعادة الشعراء بيتصوروا مع المعجبين, فكانت «بلقيس» تاخد جنب و تسيبه يتصور علمان تمسك أعصابها و تسيطر على غيرتها, و في الوقت نفسه ما تفسدش الحفلة..

«ثـزار» أخـد بالـه مَـن الموضـوع ده , لكـن إلتـزم الصمـت في أكــر مــن حفلــة و مــا الكلمـش معاهــا أو ســألها عــن الســبـب ..

و لأن الحب مش بس علاقـة بـين إتنـين و قـدام النـاس بتتجنـب مشـاعرك العاطفيـة , فالعبقـري كان فاهـم ده كويـس ..

و في حفلة كان معزوم فيها شخصيات عامة و معروفة, و أثناء حديث الصحافة مع «نزار», وقف «نزار» و ما اتكلمش و بعدين طلب من «بلقيس» إنها تقف جنبه, و قال للمصورين: «من فضلكم التقطوا في صورة مع «بلقيس», فإن وجودها بجواري الآن شرف في» ..!

- فيه قصة في الجاهلية يُقال إن حاكم كان مُعجب ببنت فقيرة من أهل قريته , البنت دي كانت بتحب عبد عنده بيرعى الغَنَم بتاعه ..

الحاكم طلب أبو البنت دي علشان يقوله «هتجوّز بنتك» , الأب ما صدّقش و كان طاير من الفرحة و وافق فعلاً ، و لما راح يقول لبنته رَفَضِت و قالت «مش هتجوّزه» ..

وقتها كانت فكرة إن بنت ترفيض النزواج من شيخص والدهيا موافيق عليله كارثية فعالاً و ممكن يقتلوا البنت دي كمان ..

الحاكم سمع إن البنت مش موافقة , فطلبها في القصر علشان يتكلم معاها , و البنت راحت فعالاً و سألها عن سبب رفضها ؛ قالت له فيما معناه «إني أحبُ «فلان» و لن أتزوج أي رجل غيره»

رغم حكمة الحاكم لكنّه إتعَصّب غصب عنه و قالها إن «ده عبد عنده و راعي غنم و و إزاي ترفيض علشانه؟»

البنت ضحكت و قالتله فيما معناه : «إنني فخورة بعشقي له و بعشقي له و بعشقي اله و بعشقي الله لو كنت تملك كنوز الأرض لم و لن أحبك , إني أحبُ رجل يكفيني عن كنوز الدنيا و جميع الرجال» ..!

- «جــدي» كان راجــل صعــب جــدًا في قراراتــه , مــا بيتقبّلــش المناقشــة و بيرفــض أي شــخص يناقشــه في قــرار ..

و في يوم كان فيه مشكلة كبيرة في العيلة بسبب «جدتي» و سِت تانية في العيلة , و حصل إجتماع للعيلة كلها , و كان لازم «جدي» ياضد قرار مهم و فورًا .. «جدي» قال بالنص: «يكن مراتي غلطانة, و حقكم تكونوا متضايقين من إلي حصل, لكن مش هقبل بأي كلمة زيادة عن الموضوع, أنا مراتي غلطت و حقكم هيوصل, و علشان يكون في علمكم هي إللي إختارت ترد لكم الحق ده علشان هي سِت أصيلة مش بتقبل بالظلم, و هي إللي قالتلي إنها عايزة تعتذر لكن انا رفضت إنها تعتذر لكن انا

اممم , في الحقيقة «جدق» ما طلبتش إنّها تعتذر رغم شعورها بالذنب لكن ما حبتش تعتذر , «جدي» بذكاء عرف يعززها قدام الناس و يطلعها قوية حتى و هى غلطانة , كمان إعتذاره ليهم بالنيابة عنها كان بكثابة قوة ليها و لأن شخصية «جدي» كانت فعلاً حادة لكن كان فضور دايًا بيها و فضور إنّها مراته , و إحترم ضعفها و ما قالش مثلاً «إيه شغل الحريم ده!!»

- الغُلاصة :

. الحب شيء عظيم , إنّك تحب و تتحب ده أجمل إحساس ممكن الإنسان يحسّه , لكن فيه تفاصيل مُعينة في الحب بتتحّس كده و مش بتحتاج لكلام أو شرح أو طلب ..

. إحساس إن إللي بيحبك فخور بيك و فخور بحبُه ليك حتى لو كنت مش لاقي تأكّل و لا بتعرف تقول كلام حلو , فخور إنّك في حياتُه بكل السوء إللي جواك , فيه علاقات بتتدوم بسبب الإحساس ده فقط , حتى لو بينهم مشاكل و خلافات , مُجرّد ما طرف فيهم بيحسس التاني بالفخر , كلنا بنحب و نتحب , لكن قليل إللي بيعيش إحساس الفخر و الشرف في الحب ..

في مرّة سألت «جدني» إيه الحاجة إللي عجبتها في «جدي» لدرجة إنها تعيش عُمرها كله معاه , و لما يموت تحافظ على حُبها و ما تتجوزش راجل غيره , رغم إن سنها وقت ما مات كان يسمحلها إنها تتجوز !!

«جِدتِ» فكرت كأنّها بتستعيد ذكرياتها , وبعدين قالت : «جدك كان راجل حنين القلب , بيفهمني و يراعي مشاعري و يعرف إزاي يقدّرني و يحترمني قدام نفسي قبل ما يحترمني و يقدّرني قدام الناس»

الغريب إنّها قالت حاجات كتير لكن نسيت تقول أهم حاجة , نسيت تقول إنّه كان «بيحبها» !

و لما سألتها إذا كانت إتعمدت ما تقولش إنه كان بيعبها , قالت : «الحب بيتغير مع الوقت , إنت ممكن تصحى من النوم تلاقي نفسك بتحب شخص كنت بتكرهه , و العكس ؛ عُمر الحب ما كان مقياس أو سبب في إستمرار أي علاقة , للراهقين بيعبوا بعض لكن ما بيكملوش في حبهم ده , عُشّاق كتير إتقابلوا و كانوا بيعبوا بعض فعلاً لكن ما كملوش , الحب حاجة بتكمل العلاقة , لكن عُمره ما كان لوحده سبب في إستمرار العلاقة دي .. إيه فايدة الحب لو إلى بيعبك مش فاهمك و لا عارف يحتويك و لا بيحسسك بقيمتك ؟

على أيامنا ما كانش فيه حب بالشكل إلى عندكم دلوقتي , لكن كان فيه إحترام و نخوة و تفاهم و إحساس و رجولة و حياء , و ده إلى إنتم مش عارفين تحسّوا بيه و لا عارفين قيمته»

في مـرّة عمّنا «صـلاح جاهـين» عـن علاقتـه بزوجتـه و إن كان
 بيحبها و لا مُحـرد جـواز و خـلاص ؟

قال: «البنت دي فيها حاجة مختلفة , حب إيه يا عَم؟ فيه ناس خسارة فيهم الحب , و ناس تانية الحب بيكون ليهم مش قد المقام و دي واحدة منهم , مخلوق مختلف و عيب لما الواحد يقول إنه بيحبها , لأ الكلمة دي إنقالت ملايين المَرّات في ملايين السنين عن ملايين من المخلوقات العادية إلى مافيهاش حاجة و لاميزة»!

- بعد إنفصال الممثلة «بوسي» عن «نور الشريف» بدا الإعلام يتكلم عن الموضوع ده و يحاولوا يفهموا سر إنفصالهم عن بعض ..

وقتها التزمت «بوسي» و الراحل «نور الشريف» الصمت التام لغاية ما زاد ضغط الإعلاميين عليهم, و في أحد المؤتمرات إتسألت «بوسي» عن العلاقة , بكل إحترام و خَجَل قالت : «هيفضل «نور الشريف» أستاذي إلي إتعلمت منه حاجات كثير جدًا» ..

«بـوسي» رفضت الحديث أو الكلام عن العلاقة دي , و حافظت على إحترامها لأستاذها و إلى كان زوجها في يـوم مـن الأيـام ..

و بعد سنين بترجع العلاقة تاني و تستمر لغاية ما يهوت الفنان «نور الشريف» ..!

- الغُلامة :

. الحب ده أجمل شيء ممكن الإنسان يحسه , لكن مش كل إثنين بيحبوا بعض هتستمر علاقتهم , فيه حاجات كتير لازم تتعدم العلاقة دي و يمكن أقبوى كمان من الحب , التفاهم و الإحترام و المسؤولية لو مش موجودين مع الحب يبقى مالوش أي داعي و مصيره الفشل مهما كان ..

. أيام زمان ما كانش الحب عامل رئيسي في الزواج, بالعكس أغلب حالات الزواج في الوقت ده كانت «جوازات صالونات», و مع ذلك إستمرت للأبد و السبب ورا الإستمرارية دي كلمتين «الإحترام، التفاهم»..

. العلاقات بتبقى زي لوحة جميلة لو فيها إحترام و تفاهم فقط , لكن بدون الإطار إللي يجملها هتكون علاقة ناقصة شيء , و مع ذلك هتفضل جميلة رغم نقصها ده ؛ لكن لو إطار شكله حلو بدون اللوحة هيفضل إطار و مع الوقت هيفقد معناه و جهاله ..

. إنّـك تحب و تتحب ده ثيء جميـل , لكـن إنّـك تلاقـي إلـلي يفهمـك و يحترمـك و يقـدرك و يحافـظ عليـك مـع الحـب ده أجمـل بكتـير مـن إنّـك تتحـب و بـس ..

* * *

الباب الثَّاني

«الفُراق و توابعه» ..

هنا علاقات إنتهت , إنتهت بسبب الإهمال , الغيرة , الخوف . أيّا كان المُهم إنّها إنتهت ..

و كل طَرَف في العلاقة عاش حياة مُختلفة , لكن إتجَمَعوا على حاجة واحدة و هي «الفُراق» ..! - في مـرّة كنـت قاعـد في كافيـه و في الترابيـزة إلـلي ورايـا كان بنتـين في حـدود ٢٠ سـنة مثلاً !

بنت فيهم حرفيًا كانت بتبكي بحُرقة , و إلى فهمته من كلامها إن حبيبها سابها و خذلها , المُهم أنا ما اهتمتش لغاية ما سمعت صاحبتها بتقولها بالنص : «إبكي.. إبكي عليه كتير علشان تكرهيه»

الجملة دي تقريبًا مأثره فيا جدًا , و كانت سبب مُهم علشان أبحث في علاقة البُكا بالكُرْه !

في بداية الفُراق داءًا فيه طرف بيبكي و طرف مش بيهتم الطرف إلي ممكن يسامح و يغفر في أي حاجة حتى لوعلى حساب كرامته و نفسه الموضوع بيتطور جدًا لدرجة إن الطرف دا بيبدأ يبكي بحُرقة و حياته تقريبًا بتقف اليحاول بشئى الطُرُق إنّه يعرف الطرف التاني إنّه مستنيه و إنّه لو فكر يعتذر هيغفرله بكل بساطة ؛ و لأن أغلب العلاقات بتكون مابين «طرف غبي في مشاعره» و «طرف أهبل في مشاعره» و فالبُكا هـو إليا يبوزن الكفتين ..

طبيعة الإنسان مش بيحب يبكي كتير على أي شخص أيّا كانت مكانة الشخص ده عنده ؛ البُكاء هو أسهل طريق للكُرْه , دايًا الناس إلى بتبكي على غياب شخص مهما طالت المُدّة بتتحول بعد كده لكرْه , ماحدش بيرضى لنفسه إنّه يفضل زعلان على شخص بالطريقة دي أو يعاني من غياب شخص بالقهرة دي ..

تدريجيًا بيبدأ يتكلم مع نفسه و يشوف نتيجة البُكا ده إيه !

خصوصًا لو الشخص إلي بتبي علشانه عارف إنك بتبي و مستني رجوعه و مع ذلك بيتعامل مع الوضع بكل برود و لامبالاة , فيبدأ الطرف «الأهبل» يحب نفسه شوية و يبطل يعذبها ..

صحيح فيه غياب بيخلك عايش باقي حياتك فاقد لجُزء كبير من روحك , لكن مع الوقت هتبطل تهكي و حياتك ترجع طبيعية و تتأقلم على النقص ده ..

البُّ كا عمومًا بيقسي القلب , غصب عنك هتبدأ تلوم نفسك على كل دمعة نزلت منك علشان شخص ما احترمش دموعك , هاتكرهه غصب عنك مهما كنت بتحبه ..

المشكلة الحقيقية لما الطرف التاني يبدأ يتعب في حياته و يرجعلك ا

من قسوة القدر إن دامًا الحاجات إلى بتستناها بتيجي لك بعد ما تبطّل تستناها , و من أطف ربنا إنه بيخلق جواك قوة حتى في أشد لحظاتك ضَعْف ما بتتكسرش , القوة دي سببها «العياط» ..

غصب عنك لما يعرض عليك ترجعوا من تاني بتفتكر الأيام إلى كنت بتبكي فيها علشانه و هو ما اهتمش، بتفتكر حياتك إللي وقفت فترة طويلة و هو ما اتحرّكش , بتفتكر كل الذّل و التعب إللي عِشته علشان ترجعوا و هو بكل غباء كان بيقسى , حواديت الليل , الدُعا في الصلاة , المُراقبة .. وهكذا

فطبيعي بيكون رَدُك قاسي جدًا و رافض تمامًا حتى لو روحك في إيده , بترفض الفكرة و بتقبل إنّك تعيش حياتك بقُقدان سواء ربنا هيعوضك بأفضل منه أو لا ..!

- الخُلاصة :

. لو بعدت عن شخص و في نيتك ترجعله الحقه قبل مايبَطُل يبكي عليك ، الحقه قبل ما ربنا يزرع جواه القوة..

. لو إنت إلي إتسابت و عارف إن مافيش أمل , إبكي. إبكي عليه كتير علشان تبطّل تبكي بعد كده , عشان تفوق لنفسك و تعرف إن إلي بيحبك مش هيسيبك تبكي عليه كتير , مش هيقبل بشوفك بتنهار قدامه و يسكت ..

. الآية دايًا بتتقلب , و إللي بيبكي دلوقتي على شخص بكرة هو إللي يبكي عليه , هو إللي يتعب و يتمنى يرجعله , و وقتها مش هيكون فيه أي طريق للعودة ..

. و إن القسوة إتولدت من عُنُق الجَفا , و إن البُكا إن زاد عن الحَدَ قَطْع الوصول في العودة فَرْض !

- كنت قاعد مع واحد صاحبي على القهوة , و سألته : «تفتكر إحنا ممكن نخسر بعض؟!»

قالي : «آه عادي وارد يحصل»

قولتله : «و إيه السبب إللي يخلّينا نخسر بعض؟!»

قالي: «أنا هحكيلك حاجة عنّي و إفهم لوحدك السبب.. لغاية فترة مُعينة في حياتي كنت شخص أهبل جدّا , ممكن أسامح أي شخص ضايقني أو وجعني , مهما كنت زعلان من حد فبمُجَرّد إني أقابله ويعتذرلي بنسى عادي و كأن شيئًا لم يَكُن ؛ و لأن الدنيا دوارة و زي ماهتنام في ليلة مظلوم لازم هتنام ظالم و يشاء القدر إني أظلم إنسانة بدون قصد , حاولت كتير إني أصالح البنت دي و أراضيها و إستخدمت كل الطرق إلي ممكن شخص يستخدمها علشان تغفر وتسامح , حرفيًا إستخدمت كل حاجة ممكن تراضيها , الكلام إلي بتحب تسمعه مني , نظراتي ليها , كل حاجة لكنّها كانت بترفض بطريقة غريبة , لدرجة إن إلي كانوا يعرفونا وقتها إستغربوا إزاي بترفض كم الإعتذارات دي رغم إن علاقتنا كانت قوية جدًا ..

و في مررة بعد فشل كل محاولاتي في إنّي أصالحها اتعصبت عليها من تعبي و قولتلها «ما ينفعش إن علاقتنا تنتهي ، إغفري و عَدّي و أنا عرفت غلطتي»

وقتها قالتاي: «مش عايزنا نبعد! ماشي مش هنبعد, لكن ثقتي فيك إنعدمت, هكمل معاك إذاي و أنا خايفة منك و حاسة إنك في أي وقت ممكن تأذيني أو تجرحني؟ صدقني ممكن أغفر أي غلطة ليك لأني عارفة إنك بتحبني, لكن غلطتك المرة خليتني أفقد الثقة فيك غصب عني» .. مشيت و سابتني و أنا جوايا بَبْكي, لكن من بعدها إتعلمت إن كل شيء ممكن تعديه و تغفره, لكن فيه غلطة لو دَمّرت ثقتنا في الشخص ده يبقى لازم العلاقة تنتهي علشان ما نظامش نفسنا و لا نظلمه معانا» ..!

- صديقة عاشت موقف كهان عن الثقة مع أعَز أصحابها , قالت : «كنت بحبها جدًا , كانت أقرب لبا من أبويا و أمي , هي الوحيدة إلي كانت تعرف عني كل حاجة , للصايب بنعملها مع بعض , و الحاجات الحلوة كمان بنعملها مع بعض , كانت بئر أسراري و ثقتي فيها عمياء , كتير حصل بينًا خلافات و كتير كنًا بنعديها و و في مرة إتخانقنا خناقة عادية لكن قعدنا أسبوع ما بنكلمش بعض في مرة إتخانقنا عناقة عادية لكن قعدنا أسبوع ما بنكلمش بعض , خلال الأسبوع ده واحدة صاحبتنا إنصلت بيا و سألتني عن حوار قديم حصل بيني و بين صاحبتي دي , إستغربت إنها عرفت الحوار ده خصوصًا إن التفاصيل إلي قالتها ما يعرفهاش إلّا أعَز و أقرب إنسانة ليا !

سألتها: «عرفتِ منين كل ده؟»

قالت : «كنت قاعدة مع صاحبتك و حكيتلي»

حقيقي وقتها أعصابي كلها إتشَلْت , ماكَّنتِش قادرة أصدق إلي حصل , و إزاي أقرب شخص ليا يطلع سر من أسراري؟ , إتصلت بصاحبتي دي و عاتبتها , كانت ساكتة ما عرفتيش ترد ..

و بعدها بيومين جَت لي البيت و حاولت تستعطف أمي علشان تصالحنا على بعض , و أمي قعدت تقولي «العشرة و الذكريات» و غيره ؛ وقتها ما حستش بنفسي إلا و أنا بقولها :»لو أي شخص غيرك عمل إلى إنتِ عملتيه كنت سامحته , مشكلتك إن مكانتك في قلبي عظيمة لدرجة إن غلطتك بتلمس القلب , الوجع إلي بيجي من أقرب الناس بيخور في الروح زي السوس , و الثقة لو إتدَمُرت بتاخد معاها كل حاجة حلوة , أنا كنت بَيْق فيكِ ثقة عَمياء , كنت بحكيلك كل حاجة و بأمنك على كل حاجة ، ممكن أسامحك لكن مستحيل أعرف أرجع أيق فيكِ ، يَعِز عليا إن علاقتنا توصل للمرحلة دي , أنا ماليش غيرك لكن هعمل إيه !! مش هقدر أرجع أثق فيكِ» !

- بنت أعرفها كانت مخطوبة لولد بتحبه جدًا , و الولد كان بيحبها ..

البنت كانت بتثق في خطيبها جدًا رغم إنّها سمعت عنّه كلام كتير, و عارفة إن ماضيه كلّه كان عبارة عن علاقات عابرة..

الولد كان بيغلط في حقها كتير و هي كانت بتعَدّي عادي , لغاية في مرّة كانوا قاعدين في كافيه , و خطيبها دخل الحمام و ساب تيليفونه , بالصدفة التيليفون رَن , فالبنت بتلقائية رَدت , خصوصًا إن الخط إتقَفَل.. وَضُح لها إن الرقم ده لبنت , و أول ما فتحت و قالت «ألو!» الخط إتقَفَل..

الولد خرج من الحمام , فسألته عن الرقم !

و قالها «عادي دي زميلتي في الشغل»

البنت قالتله «وهي زميلتك في الشغل تقفل الخط ليه أول ما تسمع صوقي؟»

الولد بَرَر الموقف عادي , لكن البنت ما اقتنعتش , بس عدِتها , و لأن عقل البنت و إصرارها إنها تدور على الحقيقة و تعرف كل حاجة أوقات بيكون أقوى من جهاز ال fbi فالبنت قعدت أسبوع تدور على صاحبة الرقم ده و عرفت توصل لمعلومات كتير عنها , من ضمن إللي عرفته إنها مش بتشتغل أصلاً و إن سمعتها مش كويسة ..

البنت راحت لأهلها و قالتلهم إنّها مش عايزة خطيبها ده, أهلها سألوها عن السبب لكن هني رفضت تقول ..

الولد راحلها و معاه بوكيه ورد من إللي بتحبه علشان يعتذرلها و يشرحلها سبب علاقتهم .

البنت أول ما شافته قالتله: «مالوش لازمة إلى هتعمله و هتقوله , إنت كذبت , و لو ماكنتش بتعمل حاجة غلط إيه يخليك تكذب؟!»

الولد إعترف إنّه غلط و قالها «ربنا بيسامح و كلنا بنغلط»

البنت قالتك: «أنا من ربنا , كلنا بنغلط لكن غلطة عن غلطة ثفرق , و غلطتك دي هَزّت فيا الثقة , من هعرف أآمن لك من تاني , هشك في كل تصرفاتك و تحركاتك , و هييقى عندي دايًا شك إنك بتكذب عليا أو بتخوني , لأني ببساطة وثقت فيك جدًا وعلى قد ثقتي فيك على قد خذلاني منك , صدفني ده الجحيم إللي مش هقبل أعيشه معاك و لا أعيشه أبدًا» ..!

«زياد الرحباني» في مرة قال : «في غلطة تستاهل فرصة تانية , و في غلطة يتقالها فرصة سعيدة» ..

«أم كلثوم» بكل الجبروت إللي ممكن تحكي عنه في أغنية من أغانيها كانت بتقول لحبيبها : «لسه فاكر قلبي يدّيلك أمان!! , و لا فاكر كلمة هتعيد إللي كان !! و لا نظرة توصل الشوق و الحنان !! كان زمان ، كان زمان ، كان زمان » ..

- الخلاصة :

. مش كل الغلط ينفع نعديه , الثقة لو إتهزّت بتدّمر كل حاجة حلوة حصلت بين الطرفين , الشك لو وصل للعلاقة بتبقى جحيم ..

. مـش كل الغلطــات ينفــع تعــدي و تتغفــر , فيــه غلطــات لــو هنمــوت مــن غيرهــم لازم نبعــد .. . الأمان والثقة مسؤولية كبيرة , ليو حد إداهاليك لازم تبقى قدها , إلى قبلنا قالوا «من أمنك لا تخون حتى لو كنت خاين» ..

. إحساس الثقة لو راح ما بيتعَوَّضش , حتى لو غفرت و سامحت هيفضل الإحساس ٥٥ مفقود دايًا ..

* * *

- كنت قاعد مع واحد صاحبي و طلبت منه يحكيني تجاربه و مغامراته النسائية ..

المهم إنّه قعد يحكي تجارب و حوارات كتير و في وسط الكلام قالي : «إوعى في يوم تبقى شخص أناني في مشاعرك!»

حسيت الكلمة دي وراها لُغز أو سر, فسألته «يعني إيه أناني في مشاعري؟!»

الولد قال : «يعني ما بتشوفش غير إنك الشخص الوحيد إللي بيتوجع ، الشخص الوحيد إللي بيحس ، الشخص الوحيد إللي محتاج إهتمام»

عدى اليوم و أنا بحاول أترجم الجملة دي ..

سألت ناس عن مفهوم الأنانية بالنسبة لهم , و إتصدمت من الإجابات و المواقف ..

- بنت قالت: «أنا كنت مرتبطة بشخص ما بيفكرش غير في نفسه , إرتبط بيا علشان أحفظله مواعيد شغله , أفكره جواعيد خروجاته , أسمعه وقت مايكون متضايق , و أكون جنبه وقت ما

يحتاجني ؛ لكن في مرّة كنت تعبانة جدًا و رُحت المستشفى , كنت معتاجة له جنبي لكن ما لقيتهوش , و غصب عني ما عرفتش أتصل بيه اليوم ده , و هو كمان ما اتصلش بيا ..

و بعد يومين إتصلت بيه , و قبل ما أتعابه على غيابه كان هو عاتبني على غيابي و إتهمني بالتقصير و الإهمال..

وقتها ماعرفتش غير إنّي أصرخ في التيليفون و أقوله : «أنا كنت مرمية في المستشفى , و إنت ما فكرتش ترفع سهاعة التيليفون وتسأل عليا!!»

بكل البرود إلـلي في الدنيـا قـالي : «و إيـه يعنـي ؟ مـا أنـا يامـا بتعــب كـمان!»

وقتها بـس عرفـت إن دي النهايـة , و إن الشخص ده أنــاني و مــا بيفكـرش غُــير في نفســه و تعبـه و وجعــه هــو ..!»

- بنت تانية قالت: «أنا كنت متفوقة في الكلية و في آخر سنة حصلت مشاكل كتير بسبب رفض أهلي للوك إلي بحبه, لكن أنا كملت معاه و إتحديتهم لأني كنت مؤمنة جدًا إنه بيحبني، و أنا كنت بحبه جدًا ..

لكن بسبب المشاكل دي ما عرفتش أركز في الإمتحانات و لما النتيجة ظهرت إكتشفت إني هدخل summer course في مواد , يومها قعدت أبكي جدًا و إتصلت بيه أحكيله , إتصلت كثير لكن ما رُدُش عليا , و بعد أكثر من ٤٠ مكالمة رَد , و قبل ما أنكلم قالي : «أنا في المعالي عليا , وقفل !

إستغربت جنّا ، حتى ما سألنيش عملت إيه في النتيجة مع إنّه عارف إنّ رايحة أجبها !

رُحت البيت , و بدأت ثورة عليا في البيت و إن علاقتي بالولد ده هي السبب , كان أول مرة أبويا عد إيده عليا , و أنا أول مرة أحس بالفشل ده ..

دخلت أوضتي أبكي و حرفيًا منهارة ، إتصلت بيه و قولتله إللي حصل ، قالي بالنص : «بُصي أنا أصلاً مخنوق لوحدي , أنا في الطريق للساحل هقعد أسبوع و لما أرجع نشوف حل للموضوع ده»

غصب عنى سألته «إيه خانقك؟»

رد بكل جدية «عادي , هنزل شغل الأسبوع الجاي و لسه ما المتعتش بالأجازة»

قولتله : «لا إنت بتهزر أكيد , أنا موت و إنت متضايق علشان ما استفدتش من الأجازة؟»

قفلت السكة في وشه و أنا مش مقتنعة و لا مصدقة , أخدت من صدمتى و الكابوس إلى بعيشه ..

و أول ما صحيت فتحت «إنستجرام» عنده و فعلاً لقيت صور ليه في الساحل ..

اتصلت بيه و سألته «إنت بجد في الساحل؟»

قالي «آه, و مش عايز أحكي في أي مشكلة, أنا بغَيْر جو قبل ما أنزل شغل جديد»

يومها بس اتأكدت قد إيه الشخص ده أناني مابيفكرش غير في نفسه و مصلحته و حياته فقط ..

و أخدت قرار إنّ هبعد و لو كان البعدده هيكلفني حياتي , أهون من إنّ أعيش مع شخص ما بيحسش و أناني .»!

- شاب لما سألته قالي : «أنا فاكر يوم ما اتخانقت مع أبويا و سيبت البيت يومها و ماكانش في جيبي غير ٣ جنيه يادوب ..

اتصلت بالبنت إلى كنت بحبها و حكيتلها اللي حصل و كل ظروفي , قعدت تهون عليا شوية , فحسيت إن فيه حاجة غلط أو مخبية عني شيء !

سألتها «انتِ مخبية عنى حاجة؟»

قالتلي «لأ» , أصريت إن فيه حاجة !

فقالت أي : «هو إنت ما ينفعش تستلف فلوس من أي حد و تيجي معايا بكرا السينيما ؟ أصحابي كلهم رايحين مع المرتبطين بيهم و أنا مش عايزة أروح لوحدي»

استغربت من رد فعلها و قولتلها «حاضر» و قفلت السكة ..

أفتكر بعد المكالمة كسرت الخط و قطعت علاقتي بيها تمامًا , لأنها ببساطة إنسانة ما بتفكرش إلا في نفسها» .!

الشاعر «هشام الجخ» بيقول في أحد قصائده: «مش عدل تبقى في طرف و أنا بطفح الكوتة , ما يا إمّا نقسمهم وخذة قصاد وخذة , يا إمّا لامُؤاخذة توثة يا حدوتة»..

«أم كلثوم» قالت في مرّة: «مين إللي قال عِزْك في ذُل خضوعي , و لا غلاوتك في الهوا بدموعي!!» ..

- الخلاصة:

الشخص الأناني في العلاقة ده ألعن شخص ممكن تتعامل معاه , ما بيشوفش نفسه غلطان و ثو إعترف بغَلَطه فعنده دايًا تبرير لكل غلطة , ما بيعترفش أبدًا بأي عذر لو شخص قَصَر في حَقّه , وعنده مليون مُبَرر لتقصيره و إهماله , شايف نفسه الوحيد إللي اتوجع و تعب في الدنيا و إن ماحدش غيره يستاهل الإهتمام و الحب , مش عايزك تسأله عن أي تصرف بيعمله لكن عادي هو يسألك , ما بيفكرش غير في همومه حتى لو بتموت قدامه و هو بس إيده بتوجعه , هيتضايق إنك مش جنبه و هيعاتبك و ما يفكرش حتى في اللي بيموتك ده ..

إبعدوا عن الناس دي , شكلهم حلو من بعيد لكن لما تقربوا منهم بتشوفوا كم الأنانية إلى في طبعهم , إبعدوا قبل ما تكتشفوا إنكم مسجونين مع شخص ما بيفكرش غير في نفسه و بس , في حياته هو و بس .

ابعدوا و لو هتعیشوا حیاتکم کلها من غیر حب , ده آهوَن ملیون مرة من إنکم تعیشوها مع شخص بیستنفذ کل طاقتکم و مشاعرکم ..



- في رواية «باريس لاتعرف الحبب» الفصل الثالث تحديدًا «ليندا» كأنت بتحب «سامر» جدًا لكن لظروف معينة اضطروا الإنت يبعدوا عن بعض ..

تتجوز «لیندا» من شخص ما بتحبهوش، و الشخص ده کمان کان بیحب بنت تانیة لکن و لظروف عائلیة ما کملوش..

«لينـدا» خلفت ولـد مـن زوجها «فرحـات» , و تخـاي إسـم إبنهـا «سـامر» عشـقًا في حبيبهـا الأول ..

«فرحات» کان عارف ده کویس و و کان بیحترم ده , لکنه ما یقدرش یعتبر «لیندا» خاینهٔ لأنها کانت مخلصة جدًا معاه و کانت بتحترمه ..

بعد فترة تخلف «ليندا» بنت و زوجها يسميها «شاهندة» بإسم حبيبته الأولى ..

و تستمر العلاقة على هذا المنوال , عايشين مع بعض لكن جوا كل شخص فيهم شخص تاني محتفظ به .. بتختصر «لينـدا» علاقتها و حياتها فبتقـول : «أحببتـه و أحبنـي , و لكـن لم تحينـا الحيـاة» !

- من سنة جَت لي رسالة في ال inbox من ولد عايـز يقابلني ضروري , كبّرت دماغي و ما اهتمتش فلقيته بعت رسالة تانية بإلحاح شديد إنّه لازم يقابلني و فيه مسألة حياة أو موت و إنه على إستعداد يجيلي أي مكان حتى لو تحت البيت عندي , في الحقيقة حسيت للحظة إن فعلاً فيـه موضوع مهـم عايـزني فيـه , الفقت معاه على معاد و فعلاً إتقابلنا ..

أول مرة شوفته كان معاه بنت في العشرينات مثلاً !

قعدنا نتكلم عن كتاباتي على social media منع شوية مدح منهم ، وكان واضح من تصرفاتهم إنهم مرتبطين ..

سألت الولد عن سبب الحاجة الشديدة علشان نتقابل!

قالي: «بصراحة هي كانت نفسها تشوفك و وفرحها نهاية الأسبوع ده و حبيت إنّي أحقق أمنيتها قبل ما تتجوز»

حاولت أستوعب الموضوع فسألته «فرح مين؟»

ردت البنت و قالت : «فرحي أنا»

باركتلها لكن كان واضح عليا جندًا إني متلغيط لأني فكرت إنهم مرتبطين .. النت حست بكنه فقالتاي: «شوف , أنا و هو بنحب بعض جدًا و هو اتقدملي مرة و اتنين و تلاتة و أبويا رفض في ال ٣ مرات , شافني كذا مرة معاه و بندأ يستخدم معايا أساليب العنف , و بندأ يهدده في حياته كمان , كان قدامي حل من اتنين يا إمّا أكمل معاه و أنا عارفه إن في أي لحظة ممكن أبويا يقتله , يا أوافق على العريس إللي أبويا فرضه عليا في سبيل إني أبعد عني و عنه الأذى , إخترت القرار التأني , و آديني آهو معاه و في آخر الأسبوع هكون في حضن راجل غيره» ..

البنت بتحكي بكل قوة , و انا شايف الولد متماسك بشكل كبير..

انتهات المقابلة بدون ما أسمع رأي الولد في الموضوع , لكن تابعات الموقف من بعيد ؛ تتجوز البنات من العرياس إلي اتفارض عليها , ويشاء القدر إن الولد دا يسافر مع قريبته في نفس المكان إلى حبيبته فيه مع زوجها ..

قمة المعاناة إنهم يتقابلوا في مكان واحد, و تضطر البنت تعرّف زوجها على حبيبها و تقوله إنه كان زميل ليها في الكلية و و يضطر الولد يعرّف قريبته على حبيبته و يقول إنها كانت زميلة ليه في الكلية ..

بعد فترة رجعت أتكلم مع الولد ده , بسأله «حسيت بإيه و هي قدامك مع راجل غيرك؟!»

قالي: «كنت أتمنى أموت قبل ما أشوف اللحظة دي, شايفه بيأكلها بإيده, بيحضنها, بيهزر معاها, بيقولها «يلا نظلع الفندق علشان ننام», عارف كل إلى بيحصل و متخيل كل اللي بيحصل بينهم, ومع ذلك مش عارف أرفض او أعترض, إحساس لعين, عَجز

و ضعف تقدر تقول كتير عنه, لكن مافيش أصعب من إنك تشوف حاجة ملكك في إيد غيرك و مبش عارف تتكلم»..

البنت خلفت من زوجها فسألتها عن إحساسها, ضحكت و قالت: «أنا فقدت الإحساس من أول لمسة من زوجي, حسيت إني إندفنت, الطفل الجديد ده مبش مني, مستحيل أتغيل إني أخلف من راجل غير حبيبي, بقيت خايفة أكره طفلي, خايفة أقسى عليه, بس أنا ماكنتش عايزة الطفل ده من زوجي, كنت عايزاه من حبيبي, صدقني إحساس صعب تحسه أو تفهمه, لكن لو كنا كملنا كانت الحياة قسيت علينا أكتر ماهي قاسية, كان ممكن هو يحوت أو يوتون أنا, صدقني أوقات من الحب إنبا نبعد عن بعض» ..!

- الخلاصة:

عجيب القدر و قاسية جدًا الدنيا, و إحنا صغيرين كنا بنتخيل الحياة بسيطة لدرجة إن اللي بنحبهم هنتجوزهم, كنا متخيلين إن الخلفة بنيجي من البوسة، و إن الجواز بسيط لدرجة إن العائق الوحيد فيه هو إن سننا لسه صغير.. كبرنا و اكتشفنا إن الحب حاجة و الجواز حاجة تائية خالص..

. القدر ما بيعرفش دايًا الحب , الحياة مش دايًا عادلة مع العشاق , مليون قصة حب انتهت لكن الحياة ما وقفتش عند الحب ده .. في مرحلة النضوج هتعرف إن عادي إتنين بيحبوا بعض و ما يكملوش , و هتكتشف إن أوقات من الحب فعلاً إنكم تسيبوا بعض ..

الحياة مش عادلة و مش طيبة و مش وردية , لو بتحبوا بعض حاولوا تقاوموا و تعافروا , لأن إستسلامك للظروف وللمعوقات اللي حواليك هتعيّشك في سجن أبّدي مهما حاولت تخرج منه هتفشل ..

منا أُمْنَاش أَبِنًا إِنْ حَدْ يَعِيْش فِي السَّجِنْ دَهُ , لَكُنْ لُـو حَصَلُ مَشْ شَرَطُ طَرِفَ فَيَهِم يَكُونَ مَسْؤُولُ عَنْ كَنْدَه , مَمْكُنْ فَعَلِاً الْعِيَاةُ تُكُنُونُ أَقْنُونَ مِنْهِم ، و القَّنْدَرُ فَـرَضْ سَيْطِرَتُه ، أُوقَـاتَ فَعَلاً بِيكُنُونُ إِخْتِيَارُ خَتْمَنِي إِنْ «مَـنَ الْحَـبِ إِنْنَا نَسْبِبِ بِعَضْ»..



- علاقات كتير بتنتهي نهاية غير متوقعة ، الناس الي كنا بنقول إن مستحيل اليوم يعدي من غيرهم بعدوا عادي و اليوم عدى ، صحيح مافيش شخص بيموت بسبب غياب شخص تاني ، و الحياة ما بتقفش على شخص ، لكن بنضطر غشيها بعكاز!

النهايات مختلفة في الطريقة , سواء الخوف , القسوة , الخيانة , عدم التفاهم , الإهمال .. أيّا كانت أسباب النهاية لكن المضمون واحد «فيه إتنين مش هيكملوا مع بعض» ..

النسيان نعمة , لكن النسيان بيقف عاجز أمام حُب صادق ..

أصعب جملة ممكن شخص يقولها بعد إنتهاء علاقته بشخص ما «مش كان زماننا مح بعض!»

- بعد سنين من إنفصال «أنور وجدي» عن «ليلى مُراد», ظهرت المُطربة الجميلة في الإعلام..

و لما سألوها عن أسباب الإنفصال ، ابتسمت ابتسامة حُزن و قالت : «كان عصبي ، عصبي جدًا ما عرفتش أتفاهم معاه ، كتت عارفة إنه بيعاني من مرض خطير في الكلى ، لكن وقتها كنت صغيرة و ما عرفتش

أتحمل ده , و بعد ما انفصلنا عرفت ان المرض ده بيأثر على أعصابه غصب عنه , كنت عارفة إنه بيحبني , لكن عصبيته دمرتنا , للأسف مش كل الأمنيات ينفع تتحقق , و لو رجع بيا الزمن كنت استوعبت و فهمت إزاي أتعامل معاه , ببساطة ماڭناش سيبنا بعض»

المذيعة سألتها : «لسه بتحبيه؟!»

الجميلة «ليسلى مُسراد» ضحكست و قالتلهسا: «و هسو مسن إمتسى الحسب بيخلس ؟ إحضا بنتجنّب وجعله بسس علشسان نكمسل حياتشا» .!

- صديقي مُمثل معروف ، أغلبكم عارفينه ..

صاحبي ده قبل ما يتشهر كان مثال للشاب المهمل , هدومه مش بتتكوي , شعره على طول منعكش , مش بيهتم بنفسه , لا عنده حلم و لا عنده هدف و الحسنة الوحيدة اللي في حياته هي البنت اللي كان بيحبها ..

و بعد ۵ سنین من فراقهم , حیناة کل واحد إتغیّرت , هی اتخطبت و عاشت حیاتها , و هو بقی مُمثل معروف و لیه أفلامه ..

كل منا نخرج معناه يفضل واقيف قندام المراينة بالسناعة و أكثر , يظبيط شنعره , يخُسط perfume , و يكنوي القميس منع البنطئنون , وهكذا ..

في مرّة من المرّات اتقابلنا عنده في البيت قبل ما نخرج

, فواحد من أصحابنا قاله: «إنجنزيا عم النجم, مش لازم تذنبنا ساعة علشان نخرج معاك!».

صاحبي ده قاله بكل غرور : «إنتَّ خَارِج مع نجم معروف , ممكـن في أي لحظـة حـد يتصـور معايـا , لازم أكـون جاهز و شـكاي حلو» .

صاحبي قاله: «على فكرة إنت كذاب و عارف إنك بتكذب علينا , إنت با حبيبي بتهتم عظهرك دلوقتي مش علشان المُعجبين و لا علشان حياتك الجديدة , إنت بتهتم علشانها هي , مع إنك عارف إنها مش بتراقبك و لا متابعاك , و ممكن تكون كمان ما تعرفش أخبارك إيه , لكن بتقول عكن صدفة تشوف صورة ليك فتحسسها إنك اتغيرت في حاجة حتى لو بسيطة زي شكلك مثلاً» .

صاحبي سمع الكلمتين دول و ضعك ضحكة صفرا, ويعدين قاله: «بس يا شاطر, ربنا يهدي عقلك».

رُحنا «كافيه» و في وسط الهزار و الضحك صاحبي المشهور ده كان لسبه متأثر شوية , فواحد من اللي قاعدين سأله : «انت لسبه بتحبها بعد كل ده؟»

بدأ صديقي يتأثر بزيادة و قاله: «بعبها!! بعبها إيه يا ابني؟ الحب ده للناس العادية , الناس اللي بتصنف «الحب الأول» و «الحب التاني» , الحب كلمة ممكن تتحول في لحظة لرفض و كُره , ما إحنا بنحب أصحابنا , بنحب الكورة , بنحب المرّيكا , بنحب الكتب , بنحب القهوة , بنحب الأكل , بنحب السينيما , و بنحب حاجات كتير.. كلمة حب دي كلمة عامة تشمل كتير .. مشاعري ليها كانت أصدق حتى

من كلمة حب, خليني أقول إني كنت حاسس إني في أمان و طمأنينة زي طفل في رحم أمه و أنا معاها, كنت بقعد معاها ماعييش جنيه و فاعدين على الرصيف لكن كنت حاسس إني مالك الكون, كنت في عَز همومي و مشاكلي أقابلها و أنا مكشر, هي تضحك من هنا وتغلس عليا و أنا أنسى همومي و مشاكلي من هنا, اممم لولا إنه حرام كنت قولت إني بقدسها مش بحبها و كانت حاجة في حياتي لا تُقارَن بأي شيء في الوجود مهما كان, كانت بترويني الحياة في وجودها» ..!

- «جدي» الله يرحمه كان كل ما يسمع «أم كلثوم» وهي بتقول : «و إن كنت أقدر أحب تاني همبك إنت , دا مستحيل قلبي مميل و يحب يـوم غيرك أبدًا , و إزاي تقول أنساك و أتصول , و أنا حبي ليك أكتر من الأول»

يدندن معاها بتأثر شديد ..

و في مرزة بقوله: «إيه يا راجل يا عجوز ناوي تعملها و تتجوز تاني و لا إيه؟!».

ضحك و قالي : «بس يا دغُوَّف , أَتْجُورْ إِيه؟ ربنا يخليلي جدتك» .

قولتله: «امال مالك متأثر أوي كأنّك بتحِن لواحدة أكيد دلوقتي عجوزة شبهك و لا زمانها ماتت»!

قالي: «طيب اقفال الباب أحسن جدتك تسمعنا و تعالى أفهمك «أم كلثوم» قصدها إيه ، أحسن لو سمعتني و أنا بقولك الكلام ده هتقول إن بعد العُمر ده كله ما بحبهاش و إنت عارف الحريم دماغهم على قدهم و مش كل الكلام بيفهموه».

ضحكت و قفلت الباب ..

«جدي» قال: «الحب ما بينتهيش يا ابني , لو حبيت بجد مستحيل تنسى الحب ده , ممكن علاقتك بالشخص اللي بتحبه ده تنتهي , و حياتكم بعد كده تمشي عادي و كل واحد يشوف حياته , لكن هيفضل جواك جزء ضلمة , لعظة حنين , لحظة ضعف , لحظة شوق .. ممكن تعيش ٧٠ سنة و انت متجوز واحدة تانية و عندك منها عيال و أحفاد , و بتحبها و بتتمنى رضاها , لكن للحظة مُعينة بتفتكر أول علاقة في حياتك حتى لو كانت من ٥٠ سنة مثلاً ؛ تَخَيِّل بقي!» ..

- «أنيس منصور» كتب: «الحب لا يموت , لكنه يبقى مُعلَقًا بين الحياة و الموت» ..

الأديب الإيطالي المعروف عنه إنه عَربيد من الدرجة الأولى «كازانوفا» في كتاب بيحكي عن حياته , كتب مُلَخص لعلاقاته النسائية فيها معناه : «أنه عافَرَ جميلات العالم , و قضى ليال ساخنة مع فاتنات و شخصيات عامة , لكن كان فيه بنت ما حصلش بينهم حاجة إلّا إنه انحنى و باس إيديها -التحية وقتها كانت كذا- و مع ذلك هو نسى كل الفاتنات ماعدا البنت دي ,

- الخُلاصة :

بعد تحلیلات کتیر و قصص کتیر عیشتها و سمعتها و قرأت عنها , کونت وجهة نظر غربیة شویة ..

. مافيش حاجة إسمها «الحب الأول» أو «الحب التاني» ، الحب هـو الحب اللي بيدوم و يكمل..

لو أول شخص حبيت علاقتك بيه انتهت يبقى ده «الوجع الأول» مش «الحب الأول»..

. كمان مافيش حاجة إسمها «أنا نسيت الشخص اللي حبيته» و طبيعة الإنسان ما بينساش المشاعر اللي عاشها بصدق لو فعلاً حَبْ بجد ..

. في الغالب الوقت هو اللي بيخلينا نكمل حياتنا, بنصط «لَصْق» على وجعنا الأول من العلاقة علشا نعيش و نكمل عادي, نحب, نتجوز, ننجح, و يبقى عندنا أسرة, لكن يُجَرّد ما شخص يقرب من الوجع ده بيظهر و نرجع نحِسٌ بألَمُه تاني و لو بعد ٢٠ سنة ..



- أيام الثانوي كان لينا صديق مُتسامِح جدًا , أو معنى أصَح «الحيطة المايلة» لكل واحد فينا , أي حد مخوق يطلّع خنقته عليه , أي حد متضايق يطلع ضيقته عليه , بيتحمل كَمْ إهانة و سُخرية لا يُطاق , مع ذلك كان بيعدي و عادي ..

لغايته في مرّة واحد من أصحابي قال لصديقنا ده كلمة تعبتُه جدًا ، عدى الموضوع عادي ، و في مرّة كنا كلنا قاعدين و فجأة صاحبنا ده قال للي سَخَر منه : «أنا مش عايز أعرفكم تاني!»

كلنا سخرنا من الكلام و كملنا القعدة عادي ..

و بعد فترة اكتشفنا إن صاحبنا ده فعلاً بيبعد عننا , اتصلنا بيه و قُلنا نفهم فيه إيه !

صاحبنا وافق و قعد معانا , و لما حاولنا نستفرّه علشان يعديها , و خصوصًا إننا متعودين منه يكبر دماغه يعني , فقال : «أنا مش عارف أسامحكم كلكم , اتحملتكم بها فيه الكفاية . عديت حاجات كتبر علشان ما اخسركُمش , و غمضت عيني عن غلطات كتبر حصلت منكم علشان ما تقولوش إني بكبر الدنيا , لكن فعلاً أنا مش عايز أعرفكم تاني» !

- صديقتي كانت بتحكي عن قصة مرّت بيها , بتقول « كنت بحب ولد جدًا و كنا مُتفاهمين بشكل كبير , كان قابلني بكل عيوي و كنت حابّه و جوده بكل عيوبه , لكن في مرّة قال كلمة وجعتني جدًا و اتضايقت منه جدًا , و قولتله «الكلمة دي بتوجعني ياريت ما تقولهاش تاني» , و كأنه عرف نقطة ضعفي و في مشكلة كان يقولها , و بعدين كان يصالحني , و أنا علشان بحبه غصب عني بتجنب زعلي و وجعي و أغفرله ..

استمرت العلاقة و استمرت المشاكل , و كل مانتخانق يقولها في تاني و بعدين يصالحني , و أنا كالعادة أغفر و أعديها ..

لكن في مـرّة عمـل موقـف تعبنـي جـدًا , جيـت أعاتبـه قلـب الترابيزة عليا و طلعني أنا اللي غلطانة , مـش كده وبـس , ده كـمان اصر يقـول الكلمـة الـلي بتتعبنـي و تمادى فيها , يومها فضلت أعيـط بهيسـتيرية و أخـدت قـرار إني هقطـع علاقتـي بيـه..

أول ما صحبت اتصلت بيه و قولتله «أنا علاقتي بيك انتهت» ما صدّفش كلامي و قعد يضحك ، فقفلت السكة في وشه و وقعدت أسبوع قافلة الموبايل ، وبعدها رجعت الكلية علشان كان عندي امتحانات ؛ أول ماشافني قدملي ورد و اعتذر و كان معاه أصحابي ، قعد يقول إن دي آخر مرة ومش هيكررها تاني ..

كنت مُتقبلة كلامه لغاية اللعظة الذي قال فيها «أنا واثق إنك هتسامحي زي عادتك»

و لغاية اللحظة دي مش عارفة أنا جبت منين ولقيت نفسي بقوله : «مش هسامحك و مش هنرجع لبعض و لو انت آخر راجل في الوجود مش هرتبط بيك انت وأنا تعبت من كُثر مابتحمل وأعدي و انت زي القطر بتفرم فيا رايح جاي و مش هَمْك و بتعمل كل الغلط علشان عارف إني بحبك و هتحمل و هعدي و دايس على كرامتي علشان واثق إنك يوم ما هتحس بالذنب أنا مش هقبل أخليك تحس الإحساس دا و هغفرلك و من كُثر ما سامحتك كرهت نفسي و كرهت حبي الضعيف ليك و كرهتك»..

كلهم الفاجئوا من كلامي ، و أنا لغاية دلوقتي مش عارفة جِبتُ القوة دي منين ، لكن اللي أعرفه إني نهيت علاقة قبل ما أنا أنتهى ..!

- في برنامج إذاعي على معطة القرآن الكريم, كان فيه واحد بيقول لشيخ إنه في شبابه كان عاصي جدًا وعلى طول مزَعَل أمه و في مشاكل معاها, كان بيغلط كتير و بيغلط فيها, و علشان هي أمه فكانت داجًا بتغفرله و تعديها و تسامحه ..

و في مرّة غلط في حقها و راح يعتذرلها, فقالتله: «أنا سامحتك علشان بحبك, لكن لو فاض بيا أنا مش هعرف أسامحك».

الراجل بيقول إنه ضحك من كلامها , وبعد فترة حصلت مشكلة كبيرة بينهم , و ساب البيت , بعدها عرف إن أمه في المُستشفى و جَت لها جلطة في القلب , الراجل جرى زي المجنون على المستشفى , و فضل ببوس رجليها علشان تسامحه , لكن أمه كانت رافضة حتى تبُص في وشه , فضل قاعد معاها و يترجاها علشان تسامحه لكن هى رافضة ؛ لغاية ما شاء ربنا و مانت أمه و هو بيترجاها .. الراجل بيكمل و هنو بيبكي: «من بعد ما أمني ماتت و أنا حياتي متدمرة , كل حاجة اتدمرت , ماكنتش متخيل انها ممكن تموت و هنى غضبائة عليا , حتى مافيش فرصة انها تغفرلي , أنا على استعداد أعمل أي حاجة بس تسامحني , و كل شوية أسأل أي شيخ أقابله إيه ممكن أقدمه على روح أمي في سبيل إنها تغفرلي حتى لو في قبرها , لكن للأسف مش لاقي , فقلت أتصل أسألك إنت» .

الشيخ بيسكت شوية و هو بيبكي , وبعدين قال : «ربنا بيسامع في حقه , عكن يغفرك على تقصيرك في الحاجات المفروضة عليك , في أي وقت ممكن يسامحك و لو كان عندك بحر من الذنوب , لكن مش بيسامح في حق عباده إلّا لو هما سامحوا , يعني بإختصار ربنا يسامحك لو إنت غلطت أو قصرت في حقه , لكن مش بيسامح لو غلطت في حق شخص من عباده إلّا لو الشخص ده هو اللي سامح» ..!

- الخلاصة :

. الشخص الطيب اللي بيسامح و يغفر ده بشر زيك زيّه , زي ما إنت ليك قوة تحمل هـو كـمان عنده قوة تحمّل , مش معنى إنه بيغفر و يعدي إن شخصيته ضعيفة أو مش هيقدر يتنازل عنك , و مش معنى إنه بيحبك إنه هيفضل مستمر في علاقة حاسس فيها إنه بيعبك .

. كلنا بنغلط , لكن تكرار نفس الغلط مع شخص بيحبك و بيسامحك هتوصله لمرحلة إنه يكُرَه حبه ليك , و هيكرهك مهما كنت إيه بالنسبة له ..

لو في حياتك شخص من اللي بيسامح كتير لازم تاخد في عين الإعتبار إنه ممكن في لحظة يتغيّر عليك غصب عنه حتى لو أمك ، في الآخر هي بَشَر ..

. راجعوا نفسكم و تعاملكم مع الناس دي علشان ما تتصدموش بعد كده لما يتغيروا , و لا ترجعوا تحسّوا بالندم في وقت لا ينفع فيه عتاب و لا ندم , و تكون الجنة لإبليس أقرب من إنهم يسامحوا أو يغفروا لكم , و فعلاً غصب عنهم ..

أغنية «بحبك وحشتيني» ل «حسين الجسمي», رغم إنها العرفت كأغنية وطنية, لكن أنا و أصحابي شايفينها أغنية رومانسية حزينة من الدرجة الأولى..

المهم اتفقنا ان كل واحد هيوصف مقطع من وجهة نظره و بحسب تحليله هو ..

- أول مقطع «لفيت قد إيه لفيت و ما لقيت غير في حضنك بيت ، و بقولك أنا حنيت بَعلُو الصوت» ..

صاحبي الأول قال: «بعد الغياب كل طرف بيبدأ يعيش حياته بشكل طبيعي , بيركنز في حياته و بيحاول بكمل عادي , حتى في مشاعره بيحاول بحب من جديد ..

الاغنية هنا بتوصف الناس اللي بتفشل في أي علاقة بعد الغياب ده , بيحاولوا يندمجوا وسط الناس و يعيشوا حياتهم بشكل طبيعي , لكنهم بيفشلوا , بيفشلوا إنهم يحسوا أو يستقبلو أي مشاعر من شخص جديد , فيكابروا و يكذبوا و يعافروا علشان يحسوا , لكن في النهاية بيخضعوا للحقيقة و بيعترفوا إنهم فشلوا في الإحساس بأي حاجة من أي شخص آخر» ..!

- صاحبي التاني اختار مقطع «و كأن الوقت في بُعدك واقف ما بيمشيش , و كأنك كنتِ معايا بعدتِ و ما بعدتيش , في دمي حبيبتي و أمي» ..

و بدأ يحلل: «أجمل حاجة في الدنيا, ربنا وصى في القرآن بالأم و الزوجة, و أجمل إحساس تحسه السِت لما حبيبها يحسسها بحبُه ليها فيقولها «يأحبيبتي», و لما يحسسها إنها طيبة و أصيلة و جميلة فيقولها «يا أمي», الكاتب اختار أصدق وصف فعلاً..

من ناحية تانية فيه ناس لما بتغيب عننا , حياتنا بتكون باهنة , ماسخة , مالهاش معنى , الوقت ما بيمشيش و الوقت ما بيتغيّرش , الكون كله عادي مافيش أي جديد , و العالم ضَيّق عليك لدرجة إنك مش عارف تتنفس أو تتحرك براحتك , كل حاجة تقليد و مُزَيِّفة , بنضطر نتوهم إن اللي سابونا مجودين لسه معانا علشان نعرف نكمل و نعيش حياتنا» ..!

- آخر مقطع كان «بعدت وكنت هعمل ايه؟ مين اختار غُربتُه بإيديه؟ لكن حبك دا ما نسيتهوش وعاش فيا, ليه هتأسف على الغيبة؟ ما غيبتيش لحظة وقريبة» ..

«مين قال إن القلب اللي حَبُّ مرَّة يعرف يحب تاني ؟

ده فيه قلب بيصب لحد ما يتنصل في الحُب ده, و في الآخر ما بيكملش الحب, طرف بيسيب و اللي اتنحل و اتعجَن في مشاعره ما يعرفش يحب تاني, ده فيه قلب حقيقي بيموت من الغياب .. الغريب بقى ان الشخصيات دي هي أصدق ناس في الحب, عندك

قصص كتير ممكن نستشهد بيها , «غسان مع غادة» , «كامل الشناوي مع نجاة» , «أحمد رامي مع أم كلثوم» , و غيرهم .. ده غير اللي نعرفهم في حياتنا ..

فيه ناس بتعيش فعلاً حياتها على حُبُ واحد, ممكن يتجوزوا و حياتهم تحشي عادي, لكن بيتفضحوا بينهم و بين نفسهم, مثلاً في آخر ٥ دقائق قبل النوم, في فنجان فهوة معاه شوية ذكريات, في صورة أو اسم عابر, في آخر نفس في السيجارة, في مَزّيكا بيسمعوها لوحدهم.. بيستخبوا من كل الناس و يخضعوا قدام حبهم ده في صمت..

فيله وجع يعَلَم فيك , و فيله وجع مُوّتك , لكن أقسى الواع الوجع هـو الـلي يعَجَّزَك , وقتها فعلاً بيكون الموت أهـوَن ليك مـن العَجـز , و ربنا مايكتـب عـلى قلـب حـد العَجـز» ..!

* * *

- في أغنية «خايف» ل ال king «محمد منير» كان بيقول لحبيبته «أنا عُمري ما قولت إن أنا خايف غير بعد ما قلبي إتمناكِ , محتاج أتطمن مش عارف , الخوف جوايا و جواكِ» ..

«مُنير» تقريبًا لَخَص قصص حُبُ كتير بالمقطع ده , ناس كتير عُبُرد ما بتقع في الحب بيبدأ الخوف يسكن قلوبهم , بيفكروا دايًا في النهاية الحزينة اللي ممكن تكون في انتظارهم , الوسواس بيبدأ يستوطن عقولهم و يصورلهم إن العلاقة دي العلاقة مصيرها الفشل مهما كانت , بيتخيلوا ما بَعدَ الفُراق , و ده بينعكس على تصرفاتهم , بيبدأوا يتغيروا أو يتصرفوا بطريقة عكس حبهم ده غصب عنهم , بيهملوا و يبعدوا عكس رغبتهم الحقيقية في الاهتمام و البقاء , الخوف هنا بيسيطر على كل حاجة جواهم و بيخليهم يتعاملوا كأن علاقتهم هتنتهي ..

في الغالب سبب الخوف ده بيكون من تجارب سابقة أو وجع سابق, و ده البُعبُع اللي بيظهر ليهم مع كل خطوة في العلاقة, بيفتكروا التجارب اللي مَرّوا بيها أو الحاجات اللي سمعوها وشافوها من تجارب اللي حواليهم, إضطراب نفسي صعب جدًا بيمرّوا بيه و بيخليهم دايًا خايفين من القُربُ غصب عنهم.

و لأن صعب حد يفهم سِر الخوف ده , أو حتى اللي عارف مش قادر يحس بالشخص ده , فبيبعد عنه يا بيتهمه إنه مش بيحبه من الأساس , و دي مشكلة تانية , لأن الشخص اللي خايف من القرب ده بيَعجَز عن وصف اللي جواه من الأساس , و بالتالي بيسكت , وسكوته بيعتبر إثبات عليه إنه مش بيحب أصلاً ..

كلمة «مُضن» هنا بتشمل حاجات كتير جدًا, في الغالب الشخص اللي بيعاني من الخوف ده بيعتاج إنه يتطمن أكتر من احتياجه لكلام الحب, هو معتاج يتطمن بحاجة تعتوي خوفه, يعني معتاج لكلمة «أنا معاك» أكتر من احتياجه لكلمة «أنا بعبك» . معتاج يضمن وجود الشخص اللي بيعبه, وقت مايعتاج يتكلم أو يبكي يلاقيه بيسمعه, معتاج يعس إن له سَنَد و ظهر أكتر من إن له حبيب و بس, احتياجه للونس بشكل عام كصاحب و عاشق و أسرة كاملة في وجود شخص واحد, معتاج ألى يكسر كل الحواجز و يتمود العتمة اللي جواه و يطمن خوفه ده ..

أكيد الحب مهم لكن مع الناس دي الأمان و الطمأنينة أولويته عن الحب عراحل و يعني هو بيحتاج ينام بدون ما يفكر الشخص ده هيسيبه و لا لأ , ما يبقاش خايف إن بكرا يجي أحسن يتساب , هو فاقد الثقة في الجميع و في نفسه , و محتاج اللي يرجع الثقة دي و يفضل موجود , يحكن أكتر من احتياجه بإحساس الحب ذات نفسه ..!

- في مسرة جمدتي قالت ان «القلب زي الوردة ، لو سقيتها مايُه زيادة بتموت ، ولو أهملتها بتموت» ..

كل اللي قاعدين و انا منهم سأننا عن مغزى الجملة, فقالت ان: «القلب عبارة عن الشخص اللي بتحبه, لو حبيته زيادة عن اللزوم هتموته, و لو أهملته زيادة عن الحد هيسيبك»..

بدأت أسأل مجموعة من أصدقائي عن رأيهم في الكلام ده, و بدأ كلٌ يحكي قصته ..

- صديقتي كانت فسخت خطوبتها, فقالت: «صحيح مافيش شخص ما بيحبش الإهتمام, إنه يحس إنه مهم في حياة حد, لكن فيه خيط ضعيف بين الاهتمام و بين إنك بتتحكم في حياتي!

كان بيحبني و بيهتم بيا جدًا , و مع الوقت اتصول الإهتمام ده لسُلطة منه عليا بدافع الحب أو الخوف ..

طلبت إنّي أشتغل , وافق في البداية و ما اعترضش , و مع أول مشكلة في الشغل لقيته رافض إني أنزل أشتغل , و كان بدافع إنّه خايف عليا من وجع الدماغ و مش عايزني أفكر , وافقت و احترمت رأيه ..

بعد فترة بقى يرفض أي حاجة عايزة أعملها ؛ أقوله «أنا مسافرة» , يقولي «لأ البلد فيها مشاكل»

أقوله «خارجة مع أصحابي» , يرفض لأسباب بردو بدافع الخوف ..

كل مـا أحـكي لـه عـن مشـكلة في حيـاتي مـع أصحـابي تــاني يــوم يقــولي «اقطعــي علاقتــك بيهـا أو مِنعنــي منهــا»

و كان الحل الوحيد ما احكيش له عن حياتي أي شيء, و طبعًا الملك دخل في العلاقة, و مع الوقت طلبت إننا نبعد لأني حسيته ممكن منعني من الحياة بحُبُه الزائد عن الحد»

ļ.,

- صديقتي التانية في علاقة مضطربة مع صديقها, قالت: «مش عارفة إذا كان الاهتمام مقياس للعُب و لا لا , لكن لو مقياس للعب يبقى هو ما حبنيش ..

ما افتكرش فيه أجمل من إن البنت تحس حبيبها بيحبها أو بيخاف عليها ، هو بيقول انه بيحبني , لكن عمره ما شافني مخنوقة و سألني «مخنوقة من ايه؟» , أوقات بتحصل مشاكل معايا في البيت و أحكيه عنها , و في الآخر بكتشف إني بحكي لشخص مش مهتم أصلاً و لا في باله , سواء المشاكل دي اتحلت أو لأ ..

و في مرزة أغمى عليا و رُحت المستشفى , أصحابي قالوا له إني في المُستشفى , ما اتصلش غير بعدها بيومين و قالي «حمدلله على السلامة» , حتى ما سألنيش كان عندي إيه, أو باخد أدوية و لا لأ , و كأن اللي حصل شيء عادي !

و دلوقتي كل واحد فينا عايش في وادي بعيد عن التاني , لا هو يعرف عنّي حاجة و لا أنا أعرف عنه حاجة , و حتى أغلب مكالمتنا و مقابلتنا بنكون ساكتين مش عارفين نتكلم في إيه , و الاسم مرتبطين «!!

- الخلاصة :

. العلاقة بتحتاج لذكاء في التعامل, طبيعي اللي بيحب بيخاف على الشخص اللي بيحبه, الفكرة بقى في «إزاي أحكم و أسيطر على حسي ده؟» علشان ما يبقاش ضرر في العلاقة ، و يتحوّل الخوف و الغيرة ده لروتين سخيف كفيل إنه يدمر العلاقة ..

. أوقات الحياة بتجبرنا إننا ننشغل شوية عن نفسنا قبل الشخص اللي بنحبه , لكن بردو فيه وقت لازم فعلاً تحسس الشخص ده بحُبّك ليه , بإهتمامك بيه و بخوفك عليه ..

. ما ينفعش تغرق الشخص اللي بتحبه بالحب و الاهتمام الزائد اللي يخنقه و يتعبه و يخليه يبعد عنك , لأن في الغالب ده بيدَمُ العلاقات حتى لو بإسم الحب ..

و في نفس الوقت ما ينفعش تهمله و تسيبه لوحده على طول و تبرر إهمالك ده بالمشاغل اللي في حياتك ، علشان مع الوقت هتكتشف انه بعيد عنك جدًا حتى لو كل يوم بتشوفه ، فيه حاجز بينكم اتحط بسبب الاهمال ده ..

- «هاني الدقاق» في أغنية «عطشان» قال لحبيبته: «شوفيك حل ويايا, تعبت من الغُنا ليكي, بشوفك ساكنة جوايا, ما اشوفش صورتي في عينيك , و أنا مطحون مابين هجرك و بين شوقي , مابين البُعد و عشق بيجري في عروقي» ..

فيله حاللة كلدا اسلمها «ملش هينفاع أرجعلنك ، و ملش عبارف أبطال أحلن للك» ..

العنين شبه طفل عصبي و عنيد بيزعق علشان ياخد حاجة معينة مهما كانت الحاجة دي مستحيلة , لكنه بيفضل يزعق و يعيط في سبيل انه ياخدها ..

في الحقيقة الطفل ده ما بيكبرش زي ما إحنا بنكبر, أو بعنى أصح «ماب ينتهيش» ، كل الفكرة انه بيهدى للحظات أو لأيام ، لكن مُجرد ما حد يحاول يفكره بيها , أو مجرد ما يحس انه فعلاً مُفتقد الحاجة دي بيرجع تاني يكسر و يحطم و ينهك كل حاجة جوانا ..

مُشكلة الحنين انـه مـا بيعترفـش بنهايـة العلاقـة , مالهـوش دعـوة ب»انـث الـني اخـترت الهَجـر و لا اتفـرَض عليـك؟» , مالهـوش دعـوة بفكرة «انت بعدت علشان كرامتك و لا لأن الشخص ده مش مناسب!!», و مش هيغفرلك لو كنت شخص ساذج و اتضحك عليك و اتسابت بسبب انك طيب زيادة و لا غبي مثلاً, مش بيعترف بإن الغياب ده ممكن يكون خير ليك و انك بعدت علشان ده الصح ..

هـو بیحـن بـدون اعتبارات أو قواعـد ، صعـب جـدًا تسيطر عـلى حنينـك ، حتى لـو كان الحنين ده لشخص وجعـك و ظلمـك ، أو العكس..!

- «أم كلثوم» و أصعب وصف قرأته و سمعته لغاية دلوقتي و هي بتقول: «و حنيني لك يكوي أضلُعي» ..

ماحدش بيحس بقسوة الحنين غير اللي جربه , الحنين نوع خاص من الألم اللي مش مسموح لك بإنك تكابر عليه , و مهما كابرت قدام الناس بتعجز إنك تكابر قدام نفسك..

نوبات الحدين لعينة , ممكن تؤدي للإكتئاب فعلاً , فكرة انك بتحن لشخص مابقاش موجود , شخص مش عارف تقوله انه وَحَشَك , أو ما ينفعش تروح تطمن عليه , مش عارف تكون معاه لإعتبارات الفُراق و الهَجر و الغيبة ..

بتبدأ تنهار بالبطيء و و يتسلل جواك إحساس بالعجز إنك مش عارف تعمل إيه !!

يا تعيش بالحنين ده لحد ما تستهلك كل الطاقة اللي جواك و تكمل حياتك من غير روح , بدون هدف أو شَغَفْ , بدون احساس بالحياة عمومًا ! يا تعمل زي ما «شيرين» قالت : «مع السلامة يا حبيبي و في أمان ، عمري ما هقول يوم عليك ماضي و كان ، عُمري ما أنسى مهما طال بيا الزمان» ..

و هنا بقى انت بتعترف ان الشخص ده وجعك , و انسبب لك في مُشكلة حقيقية , و مع ذلك بتخضع لحنينك , و ترفض انك تطوي صفحته و بالعكس ؛ بنستسلم و تقول أنك هتعيش على نوبات الحنين ..

في الغالب الحالة دي مش مُستحبه من الأساس, فكرة انك خلاص هتعيش حياتك لشخص مابقاش موجود معاك, سواء الشخص ده موجود مع غيرك أو أصحاب و اتفرّقتوا, أو حتى شخص مات ..

هنا بقى اللي بيسمي الحنين ده ضعف , و اللي بيسميه وفاء ؛ فيه اللي بيمجده و فيه اللي بيهاجمه ..

إختلفنا أو الفقنا على العنين القاسي اللي بيخلينا نعيش على ذكرى شخص مابقاش موجود ، لكن لازم نتفق إن الشخص اللي بيوصل للمرحلة دي مش بيكون بإيده نهاتي ، و لاهو حابب الوضع دا ، لكن الحنين أقوى من الظروف ، و أقوى حتى من رغبتك أنت ..

على العموم ؛ أي شخص بيحن و بيتعب و بيعاني من الحنين لازم نعرف إن الموضوع مش بإيده ، و لا هو بيتدلّع ، و لا ضعف و لا كل العَبَط ده ..

كنت بتناقش مع أصحابي في مَقولة «اللي بيحب مابيكرَهش» ..

مُجرد ما قولت الجملة اللي أنا مش مُقتنع بيها أصلاً كلهم ضحكوا , و بدأنا نتكلم عن مواقف بسخافة الجملة دي و معناها السطحي جدًا , و بدأ كل واحد يحكي موقف يثبت عكس الجملة ..

- أول واحد قال إن : احساس انك بتتـذل علشـان خاطـر شـخص ده إحسـاس بيخليـك تكرهـه غصـب عنـك ..

بعد ما سيبنا بعض و لأسباب ما عرفهاش لغاية دلوقتي , طلَبْت اننا نتقابل عكن أفهم فيه ايه .. كانت بترفض بشكل غريب , بَعَتْت ناس من طرفي يكلموها أو يقنوعها بالمقابلة دي لكنها كانت بترفض , كلمت كل أصحابها علشان أقابلها و مع ذلك كانت بترفض اننا نتقابل ..

و في مرزة استنيت تحت بيتها لغاية ماتنزل و أقابلها , أول ما شافتني عملت نفسها ما تعرفنيش , وقفت قدامها و قولتها لازم نتكلم ؛ قالتاي «لو عندك دم و فيك نخوة و رجولة ياريت تنسى انك تعرفني» .

مش عارف إزاي بكيت بالطريقة دي في الشارع ا

ان «الراجل ما بيبكيش» ده غباء, أنا كنت ببكي وسط الشارع زي العيل الصغير ..

رَوُحت البيت و أنا مش شايف قدامي , وبعدما اتنقلت على المستشفى , جا لي الهيار عصبي و من الزعل جا لي السكر..

بكل غباء كنت لسه بفكر فيها, وطلبت اني أشوفها ..

التمست ليها ألف عُـــذر إنها ما سألتش عني , ولما خرجت سألت عنها ..

واحد صاحبي قالي انها كانت عارفة و قالت «ايه المطلوب يعني؟»

وقتها فعلاً حسبت إني بكرهها , جسيت إني بكرّه اسمها , و بلعن اليوم اللي قابلتها فيه ..

و مع الوقت و رغم إني كنت بحبها لكن اتحوّل كل الحب ده لكره , بقيت أتخنق لما صع عنها أي شيء , و بقيت أتخنق لما حد يقول اسمها قدامي , و سبحان القلب اللي داب فيها هو هو القلب اللي بيتألم كل ما يتقال اسمها ..

ببساطة اللي قال «اللي بيحب ما بيكرهش» ما اتوجعش من الحب ..!

صديقة معانا ضحكت و قالت : أسهل حاجة تخليك تكرة
 الشخص اللي بتحبه هي «القسوة» ..

بعد ماسابني بفترة تعبت جدًا , ما دخلت ش الامتحانات و خسيت , و شكلي كأني سِت عندي ٦٠ سنة ..

قابلته بالصدفة في الشارع و اعتذر إنه سابني بدون مُبرر, وقتها كنت محتاجه له جدًا, غصب عني وافقت نرجع ..

بعد ما رجعنا حسيته متغّبرٌ معاياً , حسيت إني عاقبت نفسي برجوعه ده , لكن كنت بحبه ..

و في مرّة كنت في مشكلة في البيت و محتاجة أتكلم و أفضفض معاه , اتصلت بيه كتير ما رَدّش عليا غير في الآخر , عاتبته إنه ما رَدّش بسرعه و أنا بعيط , لقيته بيزعق و بيقولي «انتِ كل يوم فيه مشاكل و نكد و بتعيطي و تعبانة , و أنا جِبتْ أخري, إحنا مرتبطين علشان نتبسط و نعيش حياتنا و لا علشان ننكد على بعض؟»

وجعني جـدًا بكلامـه و خصوصًـا إني كنـت فعـلاً محتاجـة لـه , قولتلـه «آسـفة» و قفلـت السـكة ..

و للحظة مُعيِّنة لقيتني عايشة ليلة كثيبة بالمعنى الحرفي للكلمة و بعيط وبصرُخ و بتعب ، و ما لقيتش حد أحكيله أو أكلمه ، و أقرَب شخص ليا زهق و اتخنق من تعبي اللي هو أساسًا حصل بسببه ..

تاني يوم قطعت علاقتي بيه , و مسحت و رميت كل حاجة ليها علاقة بينًا , و من بعدها بقيت أكرَهه ، و بكرَه حتى إني أسمع اسمه , و لو شوفته بيموت قدامي قدامي مش هتهز أبدًا ..

على قد حبي له , على قد كُرهي له ..

و اللي قال «اللي بيحب ما بيكرَهش» ما حَبُش من قلبه ..!

- بنت تانية قالت أن: احساس إنك بتموت علشان تفضل مع شخص إنت مش فارق معاه ده ألعنن إحساس في الدنيا ..

لأسباب مادّية زي ماهو بيقول يعني سبينا بعض , احترمته لأنه ما حَبّش يلعب بيا , و كنت مقتنعة انه راجل ..

وافقت على الفراق و أنا بَدَوَر على حل , فضلت أدَوَر له على شغل مناسب حتى و هو مش معايا , و بقيت أقنع أهلي إني اتجَوَز واحد بعبه أفضل من اني أتجوز شخص غنى و خلاص ..

كلمته بعد فراقنا بشهر و قولتله اني لقيتله شغل مناسب , و كمان أهاي ! أهاي مس معترضين عليك أساسًا ؛ رفض الشيغل و رفيض كلام أهاي !

استغربت , فقولتله «هو انت بتشتغل فين دلوقتي؟»

ما رَدِّش عليا , فضلت أزِن عليه علشان أعرف نظام حياته , لكن قفل السكة في وفي , فضلت أتصل بيه كتاير و أقلول «يمكن جرحات كرامته أو مَسّيت برجولته!»

أسبوع كامل بتصل بيه لكن ما بيرُدُش ..

اضطریت اروحله البیت , استقبلتنی أخته , و قالتای انه مش موجود لکن هی عایزة تتكلم معایا .. دخلت و اتكلمت معاها و اكتشفت ان الأستاذ اتعین فی شركة بترول و حیاته ماشیة كویس , لكن

اللي صدمني ان أخته قالتلي إن والدته مش موافقة عليا , و إنه قرأ فاتحة من يومين على بنت أمُه هي اللي اختارتهاله , ضحكت بشكل هيستيري و ما صدّقتش لولا إن أخته وريتني الصور !

من الصدمة مشيت , و أنا نازلة على السلم لقيته طالع مع خطيبته , و عمل نفسه ما يعرفنيش !

فضلت أمشي في الشارع زي المجنونة, و مش متخيلة إن كل ده حصل, و قعدت ٣ شهور في إكتئاب ..

بعدها عرفت إنه فسخ خطوبته , و تعب هو كمان ..

و في يـوم كنـت مـع صاحبتـي في «كافيـه» , لقيتـه جـاي عليـا و بعتـذر ؛ أول مـا شـوفته لقيـت نفـسي بشـتمه و بقولـه «لـو انـت آخـر راجـل في الدنيـا مـش هتجـوزك»

كرهته !!!

ده اسمه دايًا بيتقال بعد كل «حسبي الله و نعم الوكيل» بقولها ..

أنا الدمرت بسببه, و بتمناله من كل قلبي إنه يشوف حاجة بسيطة من التعب اللي سببهولي ..

«اللي بيحب ما بيكرهش» ده كلام روايات يا سيدنا ..!

- الخلاصة :
- . إزاي اللي بيحب ما بيكرهش؟

ده على قد المحبة على قد العداوة , بتختلف من شخص لشخص للكن عمرها ما كانت قاعدة ثابتة ..

الخذلان بيخليك تكره , الذل و الإهانة و الإهمال بيخليك تكره , القيوة بتخليك تكره , و الوجع و الإكتثاب أسباب كافية ..

- . فيه ناس كرهت من حبها , لكن مافيش ناس حَبِّت من كُرْهها..
- . فيه حكاوي كتير و مواقف كتير تخليك تكّره أي حد , لكن انتم اللي عاطفيين شوية مش أكتر ..

* * *

(11)

ما تراهناش عبلي غيابك منع شنخص اتوجيع من الغيباب , خصوصًا لنو من الخيباب المُفاجِيعُ ..

ببساطة إنت ممكن تكون قريب من الشخص ده , لكن هو مش عارف يثبتلك إنك قريب منه , وارد تكون أقرب شخص له و مع ذلك هدو مش عارف يكلمك كل شوية أو يتطمن عليك حتى , ممكن يشتاقلك جدًا و مع ذلك خايف يعبرلك عن مشاعره دي , انت ممكن تكون أهم شخص في حياته فعلاً و مع ذلك تلاقيه بيعاملك عادي و كأنك مُجرد شخص عابر في حياته ..

ممكن بيحبك بصدق لكن بيدفعك عنه من خوفه إنه يتعلق بيك و في الآخر تسيبه , أو هو عاجز عن إدراك المشاعر اللي جواك له , و في الوقت اللي هتقوله إنك خلاص هتبعد هيظهر قدامك وَتَدُ مش فارقق معاه أي حاجة , رغم إنه بيموت من جوا لكن هيظهر قدامك قوي ..

- صديقة عندي قالت في مرّة ان «أكبر غلطة في حياتها إنها حبت واحد مجروح من علاقة سابقة» ..

الكلمة أثرَت فينا , يمكن لأن ليها حق تقول كده , و يمكن لأني بشفق على الشخص ده !

ببساطة ؛ الغياب المُفاجئ بيحولك لشخص تاني خالص , بيفقدك القدرة على التعبيير , بيسلُب منك إحساس الإطمئنان , بيخليك دامًا خايف و قلقان من كل اللي حواليك , وبيحبسك في كوخ صغير محتفظ بكل مشاعرك غصب عنك , بيخليك حتى عاجز عن إنك تقول كلام حلو , أو حتى تقول للشخص اللي بتحبه انك بتحبه ..

الموضوع بيحصل غصب عن الشخص ده , و لأننا أجهل من إننا ندرس و نحلل الشخصيات اللي في حياتنا , فبنعتبر الناس دي أنانية ما بتحبُّش حد و لا بتهتم بِحَدْ و لا بيفرق معاها حد , و بنبعد عنهم ,..

الموضوع مش مُعقد , لكنه موضوع بيتحَس ما بيتفهمش ؛ يعني صعب حد يحس بالشخصيات دي غير اللي عاش نفس ظروفهم ..

و ببساطة ؛ الشخصيات دي صادقة في حبها جدًا رغم كل الصمت الي بيظهر عليها , لكنها بتظهرُه في حالتين فقط :

«الحالة الأولى» بعد ما تطمئن فعلاً إن الشخص اللي بتحب هيكمل معاهم ..

و «الحالة الثانية» انها بتظهره غصب عنها بعد ما الشخص ده يبعد عنها و تتأكد إن خلاص مافيش أمل لعودتهم..

- ما تستعجلوش بالحكم على الناس اللي في حياتكم , احترموا ماضيهم و احترموا حرمته , و راعوا التغييرات النفسية اللي بتحصل بسبب الصدمات و الخذلان و الغياب المفاجئ , بلاش إصدار أحكام علشان ترضوا غروركم ..

حطوا دايًا قدامكم إن الحياة مش طيبة , و مش عادلة , و أقسى و ألعن الشخصيات اللي ممكن تُسر عليكم وارد جدًا يكونوا شخصيات فعلاً صادقة , لكنهم مش عارفين يعبروا عن ده ..

- «هشام الجخ» في قصيدة «ما تزعليش» قال لحبيبته: «صدَّفيهم لو قالوا لك إني عصبي أو فلاقي, و إني بعرف أي واحدة و قلبي بيغَيِّر يوماتي .. صدقيهم لو قالوا لك أي كدبة عن حياتي , بس إوعي تصدقيهم لو قالوا لك إنه كان كذاب معاكِ و ما حبكيش .. و إن جُم قالوا لك إنه مش باين عليه أثر الفَراق ما تصدقيش» إ

* * *

كنت قاعد مع أصحابي في «كافيه» و المفروض إننا بنضحك و بنهزر عادي ..فجأة ظهر على ال TV مشهد نهاية فيلم «حبيبي دائمًا» ؛ واحد صاحبي اقترح إننا نحكي عن مواقف «الغياب و الفراق» اللي حصلت في حياة كل واحد فينا ..

- بدأ واحد صاحبي يحكي عن يوم ما ساب حبيبته: «مش عارف مين غلطان لكن ماكانش ينفع تكون النهاية كده , أنا كنت محسسها انها على الرق , و ان وجوده مش مهم و مش مؤثر في حياتي , مع ان عصري ماضحكت من قلبي إلّا في وجودها , لكن ماكنتش كمان بطلع إكتئابي غير معاها , هي كانت فاكرة إني بكتئب علشان هي موجودة , ما فهمتش إني لما بكتئب معاها ده علشان أطلع أي طاقة سلبية بحر بها في غيابها .. ما فهمتش ده !

و يـوم مـا إتفقنـا نبعـد كنـت بعيـط حرفيًـا مـن القـرار ده , قولتلهـا «بعبـك» مـا صدّقتـش و يمكـن لغايـة دلوقتـي مـش مصدقة ..

اللي تاعبني أكتر إن لحد اللحظة و بعد غيابها ده أنا حبيتها أكتر و إتعلقت بيها أكتر و أكتر لكن مهما قولت مش هتصدق , و مع ذلك لسه مستنبها ..

غيابها شوكة طَلْسَمِت على قلبي !»

«كاظم الساهر» قال هنا: «لانزيديه لوعّة فهو يلقاكِ لينسى لديكِ بعض إكتئابه, و انظري في غضونه صرخة اليأس, أشباح غابر من شبابه, لهفة تسرق الخطأ بين جفنيه و حلم يحوث بين أهدابه»

- بنت قعدت تضعف بشخرية و كان دورها علشان تحكي ، أخدت تنهيدة و قالت : «خذلني؟! لا لا ما افتكرش , أنا يمكن اللي كنت مسنودة عليه بزيادة ..

أنا اديته كل حاجة و كنت بس مستنية منه كلمة حلوة , كان بيقول كلام حلو لكل الناس إلا أنا , كنت زي كتاب مركون عنده في المكتبة يادوب بيشوفه بالصدفة كل فترة..

يوم ما تعبت من الوضع ده اتصلت بيه كتير و ما رَدَّش عليا , بعتله رسالة على الموبايل و ما اهتمَّش , اتصلت بصاحبه و قولتله يقوله «إني جـوت»

أتاري الأستاذ كان قاعد جنب صاحبه ، اخد التيليفون منه و قال «عاوزة إيه؟»

بكل قوة قولتله «لازم نسيب بعض»

قالي بكل برود «ماشي , ما ترجعيش تعيطي و تقولي ارجعلي» .

أنا حبيته كل الحب اللي ممكن يتحب, و هو حتى ماهانش عليه يطَيْبُ خاطري بكلمة تفرحني .. غيابه وجعنبي , لكـن قسـوته عليـا تخلّينـي أدوس عـلى قلبـي مليـون مـرّة لـو فكـرت أرجعلـه !»

«أم كلثوم» قالت هنا: «و إختارت أبعد, و عرفت أعند, حتى الهَجْر قدرت عليه.. شوف القسوة بتعمل إيه؟»

- تستمر اللعبة و يجي دور واحد صاحبي بيحكي عن البنت الله سابته و مش عارف ينساها ، فقال : «أنا بستغرب من الناس اللي بتعرف تنسى دي ، أنا و هي سيبنا بعض من ٥ سنين و لسه مش عارف أحب غيرها.

الغريب إن لغاية دلوقتي مش مُقتنع بفكرة غيابها من الأساس , يوم ما سابتني كنت واجعها بزيادة غصب عني أو عن تعَمُد! مش مهم , المهم إني حاسس بغلطي و ندمت ..

كل ما أحاول أشوفها تبعدني عنها ..

عارفين اللي واجعني !! إني لسه لغايبة دلوقتي بتسأل عنها بقول في سِري «هترجع والله هترجع تاني، هتحس إني اتعلمت من غلطتي و هترجع تاني»

لما بتسأل عنها عيني بتلمع و برتعش , بحس إنها ملك ليا أنا حتى في غيابها ؛ لو يرجع بيا الزمن أكيد ماكنتش هعمل كل ده , لكن أنا غلطت و ندمت و اتعلمت , و لسه مستني اليوم اللي هترجعلى فيه «! «فيروز» قائت عن نوع الغياب ده: «سألوني الناس عنك سألوني , قِلْتِلَـن راجع , إوعى تلوموني .. غمضت عيوني خوفي لَنَـاس يشوفوك مخَبِّى بَعيوني , و هَـب الهـوا وبكّاني الهـوا و لأول مـرّة مابنكـون سـوا» ..

- البنت الوحيدة اللي كانت مُرتبطة في القاعدة دي قالت : «أنا هكسر ال mood الكثيب ده .. بعد ما سيبنا بعض قعدنا فترة طويلة ما نتكلّمش , و بالصدفة في يوم كنت بشتري حاجات من «الماركت» و لقيته واقف جنبي , على قد ما كانت أسباب فراقنا قوية لكن للحظة مُعيّنة لقيتني بضحك في وشّه ؛ سنة كاملة ما شوفتهوش ..

للهم مسَـكت أعصابي أعصابي و خرجت من الباب و أنا مخنوقة إني ضحكت في وشِّه , و مبسوطة إني شوفته ..

الْهَشَيت شوية ، لقيته وقف قدامي و بيقولي بكل عفّويّة «الحاجات دي تقيلة عليك ، مش هتعرفي تشيليها لوصدك»

أخد الشنط مني و أنا متلصّمة في مكاني , و مش عارفة أعمل إيه !!

طول الطريق ما بنتكلمش , كنت عايزه أحضنه علشان وَحَشْني ، أو أضرب علشان سابني كل ده ؛ لكن أفتكر إن أفضل قرار حصل إننا بعدنا فترة , و لما شوفته غصب عني نسيت كل اللي حصل ..

و أول مأطلعت البيت لقيته بعتلي رسالة على ال phone من كلمة واصدة «وحشتيني», و دي كانت النهاية الجميلة للغياب, والبداية الجميلة لرجوعنا, لغاية ما اتخطبنا و هنتجوز قريب»! «أم كلثوم» قالت في أغنية «دارت الأيام»: «قابلني و الأشواق في عينيه ، سلّم و خد إيدي في إيديه ، و همس لي قالي الحق عليه ، نسيت ساعتها بعدنا ليه ، فين دموع عيني اللي ما نامت ليالي؟ بإبتسامة من عيونه نسّاها لي» ..

- الخلاصة:

- . مافيش حد ما بيتوجعش من الفراق حتى لو كان الفراق ده من اختياره ..
- ، مش كل الناس بيتنسوا , فيه ناس غيابهم حرفيًا بيمَوّت في الروح بالبطيء ..
- ، أوقات كمان بيكون البُعد هو الحل المؤقت علشان ترجعوا أفضل و أحسن من الأول ..
- ، حاولوا تقدروا قيمة الناس اللي في حياتكم , فيه ناس لمو راحت مستحيل تتعوض أو ترجع تاني ..
- . ياريت لو فيه مجال انكم ترجعوا لبعض حاولوا و عافروا ولو بسيط , افتكروا الحاجات الحلوة اللي بينكم , ولو حاجة واحدة ممكن تبني علاقة جديدة ..

(18)

- في مـرّة كنبت بتكلـم مـع «أمـي» عـن الحـب , فبحكيلها عـن قصـة واحـد صاحبي كان بيحـب حبيبته جـدًا و حصلـت مشـاكل بينهـم فـكُل واحـد راح لحالـه ..

المهم إن صاحبي دا عمل كل حاجة علشان يرجعلها , لكنها رفضت , و بدل يتحمل إهائة و ذُلُ علشان يرجعلها , لكن بردو هي رافضة ..

«أمي» قالتلي : «وفين كرامتُه؟»

زي مـا سـمعت عـن الحُـب و بـكل حـماس قولتلهـا «الحُـب مـا فيهـوش كرامـة يـا أمـي!»

قالتاي: «الكلام ده مش صح, لو الحُب ما فيهوش كرامة يبقى إيه اللي فيه كرامة ؟ احنا بنحب و نتحب علشان نحس بقيمة الحباة و قيمة نفسنا ، مش علشان نشذّل !»

 أعرف بنت كانت بتحب صبيبها جدًا , و في موقف مُعَين كذبت عليه , فالوليد قبرر يبعيد عنها .. البنت حاولت مرة و اتنين انها ترجعله و تعتذرك , و آخر مرة كان واقف مع أصحابه في الجامعة , فالبنت بكُل جُرْأة راحتك و اعتذرتك قدام أصحابه , و جابتك هدية كنوع من الاعتذار ..

صاحبنا ده رفض الهدية ، و قالها «انتِ ما عندكيش كرامة؟ بقولك كل شيء بينًا انتهى!»

البنت ضحكت قدامه , و رَوِّحِت على طول و هي مش حاسه بالدنيا ..

و تُمر الأيام و تدخل البنت في حالة اكتئاب حاد ، يحاول الولك ده انه يصلّح غلطته و يرجعلها ، و تتحول الآية من مظلوم لظالم ...

فيروح يكلم صاحبتها علشان يخليها توافق انهم يرجعوا ..

البنت سكتت شوية و بعدين قطعت كلام صاحبتها و قالت : «مش هرجعله ؛ أنا غلطانة آه , لكن مش هرجعله علشان أنا عندي كرامة , أنا اعتذرتك و هو ذلّني و داس على كرامتي « ..

- فيه واحد راح اتقدم لبنت ..

قبل ما يتفقوا على أي حاجة والد البنت قال للعريس: «لو هتعيّشها في عِشّة و هي مسبوطة معاك أنا هكون مبسوط.

قبل ماتهتم بالأكل و الشُرْب و العيشَة ، تهتم بكرامتها ، علشان لو بنتي قالتلي انك قَرْبت من كرامتها هطلقها منك و أهينَك و لو كنت ابن مين !

كرامة بنتي فوق راسك !» ..

- «جدي» كانت بتحكيلي عن مشاكلها مع «جدي», فبتقولي: «طول عمرنا في مشاكل و خناقات, لكن على قد ما كان فيه خناقات عُمر ما حد سمع بيها, و لا حتى الجيران..

و في مرّة اتخانقنا خناقة كبيرة ، و كنت هسيب البيت و أمـشي مـن تعبـي و خنقتـي ..

سمعت جدك بيقول لأبوك من الأوضة «اقفل الباب و إياك تنزّلها»

دخلت عليه الأوضة و أنا بزعق و بقوله «سيبني أنزل أنا مش عايـزة أعيـش معاك»

جدك وقتها قالي جملة لسه فاكراها بعبد العُمر ده كله , قالي «لو عايزة تطلقي هطلقك , لكن أنا أخدتك من بيت أهلك مُعززة مُكرّمة , و وقت ماتحبي ترجعي يبقى لازم ترجعي مُعززة مُكرّمة , أنا مش متجوزك علشان أهينك و أذلك , خلافاتنا حاجة و كرامتك حاجة»

وقتها جدتي سكتت و دخلت تنام و هي مش عارفة تضحك و تفرح من كلامه, و لاتبكي و تحزن من المشاكل !!

- الشاعر «أحمد شوقي» بيقول: «هجرت بعض أحبّتي طوعًا لأني رأيتُ قلوبهم تهوى فراقي , نعم أشتاق , لكن طريق الذُلُ لاتهوى ساقي» ..
- الشاعر «هشام الجَخ» قال لحبيبته: «ما عرفتش أترجاكِ و انتِ بتدبحبني , الطبع غلاب و انتِ عارفة و كنتِ لازم تعدُّريني , رَبُونِي على الهبية و على الحُب بقيامه « ..
- «أم كلثوم» بتقول في أغنية «اسأل روحك»: «أنا يا حبيبي صحيح بتسامح إلا في عزة نفسي و حبي , و لما يفيض في ما بعرف أسامح و آجي كتير على قلبي» ..

كبان سألوها عن مقطع «و عزة نفسي مانعاني»

و هل الحب فيه عزة نفس ؟!

«كوكب الشرق» قالت: «لو المُحب ما عندوش عزة نفس ما يتحبّش» ..

- الخلاصة :

. اللي يقول لك الحب ما فيهوش كرامة و لا عزة نفس ، ده واحد ما عندوش كرامة ولا يعرف حاجة عن عزة النفس..

- . الحب بيعززنا أكتر و يحسسنا بقيمتنا و كرامتنا أكتر ، عُمر اللهانة ما كانوا ضريبة للحب ..
- ، انت ممكن تخسر حد بتحبه و تندم و تتعب , لكن صدقني خسارتك لكرامتك دي أكبر خسارة في الكون و مش بتتعوض أبدًا , فما تجيش على كرامتك علشان حد ..
- . كلنا ممكن نتعوض و الدنيا ما بتقفش على حد ولكن كرامتك و عرة نفسك لو راحت ما تتعوضش تاني أبدًا ..

في مرة كنت بتناقش مع أصدقائي في موضوع بعنوان «شخصيات لا تصلح للحب» , و بـدأ كل واحد يقـول تجاربه , من ضمن الـني انكلموا :

- بنت مسؤولة علاقات عامة في شركة خاصة و ليها شغل خاص في مجال الديكور , قالت : «كنت مرتبطة بولد بيحبني , كان بيحاول يوفرلي كل حاجة عايزاها , و كنا متفقين على كل شيء ..

لكن بعد الكلية جا لي شغل في شركة كبيرة , وقتها هو رفض , سألته «ليه؟!»

قالي «مش مناسب»

حاولت أقنعه لكن أصر على الرفض ، و بعد فترة اشتغل هو في مجال الدعاية و طلبت منه يشغلني معاه لكن بردو رفض وطلبت منه إني أشتغل وكل مرة يرفض ، وأنا كنت بوافق و بخضع لكلامه بعجمة الحب ..

مع الوقت نسيت الفكرة , و حياتي اتحوّلت لنوم و أكل و شُرْب و إني أهتم بشُغلُه ؛ كان عندي موهبة إني أصمم ديكورات بسيطة , فقُلت أنسلي شوية , و بدأت أصمم ديكورات صغيرة و أنشرها على الانترنت , لغاينة منا جَنتُ لي فكنرة إني أبينع الديكورات دي , و آهنو شغل و في الوقت نفسه قاعدة في البينت ..

عرضت عليه الفكرة , و عرضت عليه اللي بعمله , أول ما شافهم قالي «ايه العلك ده؟!»

حَطَّمني في كل شيء , و أنا زي الهبلة بخضع لكل كلمة بدون أي مُبَرر أو سبب غير إني بحبه , كسرت الديكورات دي و انتهى الموضوع على كده ..

في يـوم لقيـت علاقتـه ببنـت في شـغله اتطـورت , سـألته عـن العلاقـة دي , قـال «شُـغُل و بـس»

مَرَّة مع مَرَّة و أنا شايفة العلاقة بتطوَّر , لغاية في مرَّة اتصلت بيه و طلبت منه يقطع علاقته بالبنت دي !

قالى «لأ»

قولتله «أنا مش مرتاحه ليها!»

يومها قال «انتِ بتغيري منها علشان هي ناجحة في شغلها مش أكتر, علشان هي ليها هدف و ليها حلم, انتِ ما بتعمليش حاجة و قاعدة كده و خلاص»

حسيت و كأنه بيزرع خنجر في قلبي ..

قولتك و أنا ببكي: «على فكرة أنا اتغليت عن كل حاجة على عادة أنا الخليث عن كل حاجة على الله عل

ما عرفش يرُد عليا و بعد المكالمة دي لقيت نفسي ببعد عنه و أنا واخده قرار إني هشتغل و أنجح و أدوس على أي حاجة في الدنيا ممكن تقف قدام نجاحي حتى لو كان قلبي ..

و بعد سنتين بقى عندي بدل المعرض اتنين و بقيت راضية جدًا عن نفسي , بالعكس ؛ يمكن كمان ندمت إلي ضيعت سنين من عمري في الحب ده « ..!

- واحد صاحبي قال: «في مرة كنت مخسوق جدًا و كنت محتاج أتكلم معاها , اتصلت بيها كتير و في الآخير ردت..

قولتلها: «أنا عندي مشاكل في الشغل و البيت ومحتاج أشوفك دلوقتي!»

قالتلي إنها «مع أصحابها و مش هتعرف تسيبهم»

قولتلها «طيب أنا هجيلك لأني محتاجلك فعلاً»

رُحت و قابلتها , غصب عني كنت سخيف شوية مع أصحابها , فضلت أقولها «يلا أمشى علشان عايزك»

و هي مُصِرّة نقعد علشان اليوم ما يبوظش ..

عدى اليوم و رُحنا قعدنا لوحدنا في «كافيه», بدأت أحكي لها اللي حصل بدون ما أستنى إنها تسمعني, و بعد ما خلصت لقيتها متعصبة جدًا, وقتها فكرت إنها متعصبة بسبب اللي حكيته و انها متضايقة من اللي بيحصلي,

بكل العُبَط اللي في الدنيا قولتلها « ما تزعليش أنا بس حكيتك عئشان محتاجك جنبي»

رَدُها كان صادم بالنسبة لي , لقيتها بتاعتبني إلي كنت سخيف مح أصحابها , و إن ماكانش ينفع أبقى سخيف كده !!

سكتُ شوية و أنا بستوعب انها فعلاً زعلانة علشان كدا بس!

وقتها اكتشفت فيها ألعين صفة ، اكتشفت إنها ما بتهتميش غير بوجعها و مشاكلها هي بيس !

اعتذرتلها علشان أمشي , و فعلاً قررت إني أمشي لكن مش من الكافيه بس , لا أمشي من حياتها كلها , و دي كانت آخر مرة أقابلها فيها « !

بنت تانية قالت: «كنت بحبه لدرجة إنه بيوجعني و أغفرله
 يبعد فألتمس له ألف عنر, يتعصب فأقول «مكن الضغوطات»
 مهما يعمل بعديها لأني بحبه, و هو كان واثق جدًا في اني بحبه.

و في مـرّة فتـح ال account بتاعـه مـن الموبايـل بتاعـي , و لمَـا رُحـت البيـت بفتح الموبايـل لقيـت ال account بتاعـه مفتـوح , جيـت أقفلُـه فظهـرت رسـالة قدامـي مـن بنـت ، مـا حبّتـش أفتحهـا لأني بثـق فيـه , فألاقـي رسـالة تانيـة مـن بنـت تانيـة !

بصراحة الفضول و الغيرة أخدتني أعرف «مين دول؟»

فتحت ال chat و اكتشفت إنه بيكلم أكثر من بنت في نفس الوقث , و كل بنت عامل معاها علاقة عاطفية !

انهِّرْت من البُكا و ماكنتش مصدقة عيني ..

اتصلت بيه و طلبت أقابله , و حكيتله كل شيء ..

قالي «لكن أنا بحيك و انتِ بتحبيني ، و انتِ عارفة إن انتِ اللي في القلب»

قولتله «لكن ده مش مُبَرر إنّك خاين بردو !»

قالي «وانتِ هتعديها و أنا مش هعمل كده تاني»

سألته «و ايه يخلّيني أعدّيها»

قال «علشان انتِ بتحبّيني!!»

و هـو بيقـول كـده حسـيت قـد ايـه أنـا رخيصـة و عبيطـة , هـو الحـب بيـذُل للدرجـة دي؟!

رفضت و قولتله «علاقتنا انتهت ، و مش عايزة أشوفك تاني»

رغم إني كنت بحبه , لكن هو استغل حبي ده , و بقى يلعب كويس على النقطة دي , و مـن بعدهـا أخدت قرار إني حتى لو حبيت تــاني عُمـري مـا هخـلي الـلي بحبـه يتطمـن بشـكل كامـل لإني بحبـه ؛ عُمـري مـا هظهِـر كل مشـاعري للشـخص الـلي بحبـه مهـما حصـل « !!

- الخلاصة :

في حياتك هيمُـر عليك ٣ شخصيات شكلهم حلـو مـن بعيـد , لكـن إيّـاك ترتبـط بيهـم :

. أول شخص اللي بيحبطك و بيدفن حلمك و يخلي حياتك كلها في وجوده و بس ، لأنه في الآخر هيتهمك بالفشل و العجز ..

. ثاني شخص هـ و اللي ما بيفكُرش غير في وجعه , لـ و بتمـوت قدامـه مـش هيتأثـر و لا هيهتـم , لأنـه ببساطة ما بيحسـُـش غير بنفسـه ...

. ثالث شخص هو اللي بيوجعك و عارف انك بتحبه فهتغفرله اللي عارف كل نقط ضعفك و بيستغلّها ضدك اللي متمكن من قلبك ومتظمن انك بتحبه فيخليك تكرّه حبك ده و يعمل كل حاجة غلط و يبقى عارف انك هتسامحه لمُجَرّد انك بتحبه ..

الشخصيات دي لعينة و لا تصلح للحب , هيستهلكوا طاقتك و يتعبوك , و يخلّوك تفكر مليون مرة في الانتصار , صدقني الك تعيش وحيد أهوَن من الله تعيش مع شخص من دول ؛ الله الغني عنهم .. بسمع «أم كلثوم» ومندمج في أغنية «الأطلال», و فجأة تتنهد «كوكب الشرق» و تقول بكل القوة التي تهزم أي إشتياق في الكون, وبكل ضعف ممكن تحكي عنه

«و حنيني لك يكوي أضلُعي»

كارثة الجزء ده بالوصف و التفاصيل و المعاني , حنين ايه ده الله يكوي ضلع العاشق؟!

- اتنين أعرفهم سابوا بعض و بدأ كل طرف فيهم يتأقلم على الوضع الجديد عادي جدًا ، البنت اتخطبت و الولد سافر برًا مصر و استقر هناك ، انقطعت كل شبُل الوصل بينهم ..

بعد ٥ سنين صاحبنا ده رجع يقعد شهر أجازة , و خلال الشهر ده البنت عرفت من أصحابها إن حبيبها القديم رجع مصر ..

البنت كلمت صاحبتها و قالتلها «حاولي تخرجي معاه و تقولياي هتتقابلوا فين»

صاحبتها استخربت من طلبها و سألتها عن السبب!

البنت قالت بكل بساطة «حنيت , حقيقي أنا لسه بجنله جدًا»

زي عـادة الأصحـاب في المواضيـع العاطفيـة , البنـت شـتمتها و اتهمتهـا بالضعـف !

فالبنت قالت «أنا ما قولتش هَرجعله , أنا بس بحِنله , بحِن لضحكتي معاه لهزارنا سوا , لمواقف كتير لا هعرف أشرحها و لا أقولها , أنا بس حنيت لملامحه و لصوته و ضحكته , مش معنى كده إلنا هارجع , ده مستحيل يحصل , أنا بس حنيت و ده غصب عني» ..

- كنت في حفلة تَخَرَّج واحد صاحبي , كلنا كنا فرحانين باليوم .. ده , بعد ما خلَّصنا طلعنا على القهوة و بنحكي عن تفاصيل اليوم ..

صاحبي ده كان قاعــد ســاكت , واحــد في الــلي قاعديــن قالــه «شــكلك مــا اتبســطتش!»

فصاحبي رَد «لا عادي , كان يوم حلو»

واحد تالت رَد عليه «انت الحنين فاضح ملامحك»

الجملة عجبتني , فقولته «مش وقته خالص»

صاحبي قال «بالعكس , الحنين ما بيظهرش غير في الوقت ده , الصنين ألم من نوع ضاص جدًا , ما بيظهرش في الصالات العادية أو الأيام العادية قد ما بيظهر في المواقف الإستثنائية , بيظهر في أشد و أقوى المواقف الني بيكون واجب علينا نهنع أي إحساس أو شعور ممكن يفكرنا أو يعَكّر مزاجنا , الحنين كفيل إنه يفسدنك أي لحظة حلوة مهما كانت , يزود كآبة و حزن موقف سودوي بيمُر عليك .. انت ممكن تكون ملك

الكون لكن الحين يخليك أضعف من في الأرض, ممكن تنجح و تحقق كل حاجة لكن الحنين يخليك تسيب كل ده و تفكر في لحظة فشل معينة مرت عليك بس كان جنبك فيها شخص معين بتحبه و بيحبك, الحنين قامي جدًا مأفيش عليه سلطان»..

- بنت كانت تعبانة جدًا و راحت المستشفى , أصحابها على ال social media كتبوا انها تعبانه و ياريت تدعوا لها ..

بعدما خرجت البنت دي كتبت post «شكرًا لرسايلكم الجميلة , وشكرًا للرسالة اللي استنيتها و ماجاتش»

بعدها بيومين كتبت post تاني يتقول «أول حاجة عملتها بعيد ما خرجت من المستشفى فتحت ال inbox علشان أشوف الرسابل .. جَـت لي أكتر من ٢٥٠ رسالة و كلهـم كلام جميـل بشـكركم عليـه , لكن أفتكر مافيش أصعب من انك تدور وسط كل الرسايل دي على رسالة واحدة بيس مين شيخص معين .. شعور قاسي حِدًا لما تصحي كل يبوم و تشبوف مين بعتليك رسالة , مين اتصل بيبك ,ميش علشان تعرف مين اهتم , لاً ! لكن علشان انت بتجن لكلمات شخص بعينه , بتحن و بتشتاق لصوته ؛ ممكن تكون عارف انه مش مهتم و واثق في كندا , و منع ذلك بتندور ينكل غياء يمكن تلاقى حاجة ترجع فيك الأمل .. الفترة اللي فاتت جَت لي رسايل كتير حلوة , ناس كتير راحوا المستشفى و زاروني , إلَّا الشخص الوحيد اللي كنت مستنية فعلًّا إنه يتطمن عليا .. جالى جوابات و قصايد شعر و كلام يفرّح أي حد ، لكن أفتكر «ألف سلامة» بس من الشخص دا كانت هتكفيني عن كل ده .. مكن ده غلط , لكن أنا بحِن لكلامه و مافيش بإيدي أي حاجة» ..!

في مشهد من مسلسل عربي , بطلة المسلسل بتقول : «هو ما وحشنيش , أنا اللي وحَشني نفسي اللي كانت معاه ؛ مش بقول عايزة أرجعله , لكن على الأقل مش عايزة يوحشني» ..!

«فيروز» قالت عن الاشتياق و الحنين : «رغم الحاصل من زمان ، الوقت الـكافي للنسيان , عنزة نفسي كإنسان , اشتقتلّك»

- الخلاصة :

مش معنى إن فيه حد بيصِن لشخص قديم في حياته يبقى عايز يرجعله .. الفكرة إنك بتصِن لموقف عِشته معاه , لذكرى بينكم , لرسالة منه أثرت فيك , لصوته , لضحكته , لكل تفاصيله , لكن مش معنى كدا انك عايز ترجعله .. قرار الرجوع ده بإيديكم , لكن الحنين مالهوش علاقة بالحسابات و النهايات , ده بينور لوحده بدون أي مقدمات , و بيهدى بدون سبب ..

. الحنين صعب , لكن أقسى أنواع الحنين اللي بيحن لشخص هـو عـارف إنـه مـش هيشـوفه ..

أعان الله قلوبًا تتألم من الحنين و الاشتياق

* * *

(17)

- «ربنا مايزرع في قلبك حب لشخص أعمى»

دعـوة دايًا بسـمعها مـن «جـدتي» و مـش بسـتوعبها , لغايـة مـا في مـرّة سـألتها تقصـد ايـه بشـخص «أعمـي» ؟!

قالت: «يعني شخص ما بيشوفش الحاجبات الحلوة اللي بتعملها , ما بيشوفش حيرتك و غيرتك و مشاعرك , ما بيشوفش حبك من ملامحك و لا من كلامك , شخص مش شايف و لا مقدر حبك ده , ربنا يبعد عنك شخص بتحبه و هو مش بيحبك»

قصص كتير بتتكلم عن الحب من طرف واحد ..

- الشاعر «كامل الشناوي» كان بيحب «نجاة الصغيرة», و كانت «نجاة» ما بتحبه وش رغم إنه صنع نجوميتها, لكن كانت شايفة ان «كامل» مُجرد شاعر كويس مش أكتر, و رغم كل الرفض اللي شافه «كامل» إلا انه فضل يحبها لغاية ما مات ..

و يُقال ان الشاعر دخل في حالة اكتئاب بسبب الموضوع ده قبل ما يحوت .. - أعرف بنت اسمها «إيان» بتعب ولد حرفيًا هو مش مهتم عَامًا .. أصحاب الولد ده راحوا قالوا له «فلانة بتعبك «

الولد قال بالنص «لكن دي أختي مش أكتر»

يوم عيد ميلاد الولد ده راحت البنت و جمعت كل أصحابه و عملتله مفاجأة , الولد فرح جدًا بالمُفاجأة دي , و وسط الحفلة طلب انه يتكلم شوية ..

أصحابه كلهم سكتوا و توقعوا انه يشكر البنت اللي بتحبه و عملتله المفاجأة ..

الولى قال «بالمناسبة دي أنا بعزمكم على خطوبتي من صديقتي هاجر»

كل اللي في الحفلة اتصدموا للحظة و بعدين استمرَّت الحفلة ..

بعد شهر إيمان راحت خطوبته فعلاً ، فصاحبتها بنسأتها «ربحه ليه؟»

قالتلها «مهم جدًا إني أشوفه مبسوط»

عدى اليوم و تعدي سنة و الولد يحصل مشاكل مع خطيبته , وبكل الغباء اللي في الدنيا يطلب الولد ده من «إيمان» إنها تدخل بينهم ..

و فعيلاً «إيمان» ترجعهم تناني لبعيض رغيم انها بتعشقه لكن قالتله «منا اقدرش أرفضك طلب» .. أخينا يتعب بعدها و يتحجز في المستشفى فتكون» إمان» أول واحدة معاه و جنبه ..

صاحبتها اتضایقت منها ، فسألتها «هـو عملـك ایـه بالظبـط؟ انتِ ازاي بتعملي ده ؟ افهمـي هـو مـش بيحبـك»

«إيان» ضحكت بسخرية و قالتلها «بس أنا بجبه , بحب أشوفه فرحان ومبسوط , ما بحبش أشوفه بيبكي , و لو مع غيري هفضل جنبه و وقت ما يحتاجني هيلاقيني , أنا بحبه و الحب ده غصب عني مش بإيدي» ..

- في يـوم كنـت بايـت عنـد واحـد صاحبـي , بالصدفـة و أنـا نايـم عـلى السريـر لقيـت ورقـة جنبـي , بـكل الفضـول الـلي في الدنيـا فتحتهـا علشـان أعـرف «ايـه دي؟» , خصوصًـا ان صاحبـي مـش مـن هـواة الكتابـة

اكتشفت إنه جواب غرامي لبنت معانا في الكلية ..

تاني يوم اتكلمت مع صاحبي و حكيتله اللي حصل, قالي «و انت مستغرب علشان الجواب و لا علشان بحيها؟»

قولتله : « لأ أنا مستغرب لأن ماحدث يعرف أصلاً انكم بتحبوا بعض» !

الولد ضحاك و قالي «ومين قال إننا بنصب بعيض؟ أنا بس اللي بحبها» قالي «أنا بحبها , بكتبلها كل يوم جوابات و هى ما تعرفش حاجة أصلاً , بحتفظ بيهم لنفسي , بحكيلها كل حاجة و ببكي و بفرح معاها على الورق , و هى ممكن تكون بتفكر في غيري أصلاً , بس أعمل ايه !! بحبها» ..

- «أحمد رامي» كان مجنون ب «أم كثوم», «أم كلثوم» كانت بتحبه لكن م احبيتهوش أكتر من نجاحها و تقدَّمها ..

«أحمد رامي» كان رجل غَيُور جدًا , لدرجة ان لو كانوا اتجوزوا كان هيمنعها من الغُنا , و ده اللي رفضته «أم كلثوم» ..

و استمرّت قصة خُب من طرف واحد بين الشاعر و كوكب الشرق , بيشوفها بتنجح فيفرح معاها بمشاعر شريك العمل , و بيشوفها حزينة فيهًون عليها بمشاعر الصديق , يشوفها من غيره فيشور من الغيرة , لكن يمسك أعصابه لأنه ما يقدرش يتكلم أو يعاتبها ..!

«أم كلثوم» في أغنية «صيرت قلبي» قالت: «حيُرت قلبي معاك و أنا بداري و أخبي ، قولي أعمل إيه ويّاك و لا أعمل إيه ويّا قلبي؟ بدّي أشكيلك من نار حُبي ، بدّي أحكيلك على النّي في قلبي ، و أقولك على اللي سهَرني ، و أقولك على اللي بكّاني ، وعزة نفسي مانعاني «

الشاعر «هشام الجخ» قال في قصيدة «إيزيس»: «إيزيس إزاي بتتحمل , أنساها و تجيني , أسقي بنات الدنيا إلّاها , و لما العَطش يكويني ألقاها هي اللي تسقيني .. تهديني وردة أهديها لفُلانة , تجري على حضني أحكيلها عن نانا»

الشاعر «محمود درويش» قبال : «هي لاتحبك انتَ , يُعجبها مجازك , أنتَ شاعرُها , هـذا كل مـا في الأمـر»

- الخلاصة :

. الحب من ظرف واحد بيعصل غصب عن الانسان , حرفيًا لعنة بتصب النسان , حرفيًا لعنة بتصب القلب ما بتمرّش بسهولة , ما تستغربوش لو لقيتم ناس بتعشق ناس مش مهتمة بيهم , القلوب مافيش عليها سلطان , و القلب لو غرق في عشق حد صعب جدًا يخرج منه ..

(1A)

- أغرب حاجمة سمعتها بعد القُراق كانت من صديقة عندي بصديق ليا و سابوا بعض من كذا سنة ..

المهم , بقولها «يا ترى لسه فاكرة؟»

قالتلي «آه لسه فاكره لكن عادي يعني»

قولتلّها «مش ناوية ترجعيله؟»

قالت «لأ طبعًا كل شيء إنتهى من زمان»

قولتلها «لكن هو لسه بيحبك»

البنت ضحكت و قالت «هـو حبّني بَعـد ما سيبنا بعض ، لكـن عُمـرُه ما حسسـنى إنّه بيحبني»

في الغالب أنا أعرف ناس كتبر من نوعية صاحبي ٥٥ ، فيه ناس بترفض التعبير عن إلي جواها غصب عنها ، الأسباب مُختلفة في الموضوع ٥٥ ..

فمثلاً إلى بيضاف إنه يعترف بحُبه أو يظهر مشاعره دايًا علشان الشخص إلي قدامه ما يزهقش منه أو يعتبره over فبيضطر يخبّي مشاعره علشان ما يتضايقش بيها ..

كذلك فيه ناس بترفض تعبر عن مشاعرها لإحساسها الدائم إن مُجرد ما حد يعرف حقيقة مشاعرك العاطفية يستغلها ضدك و يبدأ يلعب معاك القُط و الفار, مهما يعمل فيك هتسكت و هرض و هتحمل نفسك إنتَ الذنب لأنك اعترفتك بحُبك ده ..

و فيه ناس بترفض لأنها خايفة من الوجع , عندهم قناعة إن الشخص إلى بيعرف كل مشاعرك الحقيقية همو أول شخص مكن يوجعك , بيخافوا من الوجع و بيحصنوا نفسهم و يستقبلوا إتهامات بالبرود و الإهمال بإبتسامة لأنهم مش قادرين يعبروا و دايمًا خايفين من الوجع البعيد , فيفقدوا الحب القريب.

يُقال إن ٩٠٪ من علاقات الصداقة بين الوليد و البنت فيهم طرف بيحب التاني بطريقة عاطفية لكنّه بيرفض الإعتراف بِدَه ، هو قابل وجوده مهما كان و مش عايز يخسره ، فبيضطر يقبل إنه يسمع و يهون على الطرف التاني نحت مُسَمّى «الصداقة» ، و بيضطر يخبي غيرتُه و ممكن كمان يكون أول واحد موجود يوم فرحُه ، و يتحمل كم الألم اللي بيحسّه و قتها لمُجرد إنهم أصحاب مش أكتر ، مع إنّه في الحقيقة مش كده لكنّه في البداية خاف يخسره ..

و فيه ناس تانية ما بتعرف ش تعبر بالكلام فبتلتزم السمت , في الغالب الناس دي حبها صادق جدًا لأن تصرّفتها العاطفية بتظهر على استحياء في لمسة إيد مثلاً في موقف عابر , في نَظرَة ؛ و بتكون المشكلة لو المرتبطين بيه ما بيرتّزش في التفاصيل , على طول إنطباع إنّه ما بيحبوش , و الطرف التاني بيسكت لأنه حتى

ما يعرف شيدافع عن نفسه , و ممكن علاقات تنتهي بسبب إن واحد ما بيعرف شيقول الكلام اللي جواه مع إنه ممكن يكون بيعب أكثر من التاني , اكن مافيش حل !

الناس دي اتكلم عنهم أدباء و شعراء كتير ، منهم «أبن سهل الأندلُسي» لما قال : «لما رآني في هواه مُتيَّمًا ، عَرف الحبيب مقامله فَتَدَلَلُ « ..

العظيم «ديستويفسكي» كتب: «إن في أصحاب النفوس الحساسة المُرهفة الرقيقة نوعًا من العِناد ، فَفي بعض الأحيان ترى أحدهم يأبي أن يعبر للشخص الذي يحبه عن حبه ، لا بين الناس فحسب ، بل و في خلوته أكثر مما بين الناس , و يَندُر أن تُفلتَ منه مُلاطفة ، و لكنها إن أفلت كانت عنيفة قوية عارمة على قدر إنعباسها مُدُة طويلة من الزمان» ..

* * *

كل ما أسمع «نجاة الصغيرة» و هى بنقول لحبيبها «كل شي، راح و إنقضى و اللي بينًا خلاص مضى ، بس و حياة اللي فات و اللي أصبح ذكريات عُمري ما حبيبي» ، أتخبّل رد فعل حبيبها لما سمع الأغنية دي ، إيه إحساسُه و هي بتعاتبه بالطريقة القاسية دي ؟

إذاي إستقبل الكلمات؟ و إزاي عاتب نفسه إنه خسرها بعد كل اللي حكيته في الأغنية؟

و إيـه الحـب الـلي يخـلي «نجـاة» تقولُـه «بكـرة تنـدم , لا يـارب في يـوم مـا تنـدم حِـب و إفـرح بـس إوعـى تـاني تجـرح» ؟!

بدأت أسأل اللي حواليًا عن مواقف زي دي إ

- واحد صاحب كان بيحب حبيبته جدًا ، و يوم ما انقدملها أبوها رفض ..

صاحبي قعد مع البنت و قالّها «إحنا لازم علاقتنا تنتهي على كده»

حاولت تقنعه إنه لازم يكمل و يعافِر علشان يكونوا لبعض و لكن صاحبي رفض وشاف إنهام مُستحيل يتجَمَّعوا في بيت ، و انتهت العلاقة على كده ..

تمر الأيام و بعد فترة طويلة ، صاحبي يصحى من النوم على رسالة من البنت دي بتقوله : «النهارده خطوبتي ، هكون لراجل غيرك.. هش دي المشكلة ، انت ممكن تكون مش فارق معاك أصلاً ، لكن اللي عايزه أقولهولك إلى عمري ما حبيت و لا هحب حد قدك ، لو كنا كملنا كنت هنزل أشتغل علشان أساعدك ، كنت هجارب أهلي علشانك و أستخدم معاهم كل أساليب الضغط لغاية ما يوافقوا ، كنت هقنعهم بيك على قد ما أقدر ، لكن للأسف إنت ما فكرتش حتى تحاول ، خسرتني و خسرت حبي العظيم ليك ، و آهو فات الوقت و ما عادش ينفع نكون مع بعض .. ليه كده؟!»

صاحبي بيقول إن دي ألعَن رسالة قرَأَها في حياته , وقتها حَس إن الكون كله واقف ضده , إحساس إنه ندمان عليها و إنه ما فكُرش فيها لما قرر يسيبها , و إنه خسر إنسانة كانت مُستعدة تحارب الكون علشانه ..!

- واحد تاني قال: «في مرّة كنت قاعد في «كافيه» مع خطيبتي و المهم و إحدًا قاعدين تيليفونها فضل يرِن و هي ت cancel و سألتها «مين بيتصل؟» و قالتالي «واحدة صاحبتي» عديتها مع إني كنت شاكك في الإجابة دي لأن ملامحها إتغيّرت و هي بتجاوب ..

المهم دخلت الصمام و نسيت تقفل ال phone , لقيت رسالة على مخلت الرقم اللي بيتصل مكتوب فيها «أنا قدامي نص whatsapp من الرقم اللي الفقنا عليه , ياريت ما تتأخريش»

ما كُنتش مصدق إنها بتخوني بالطريقة دي , ما كُنتش لاقي مُبَرر بصراحة , حتى رقم الشخص ده مش مسجلاه ! يبقى أكيد فيه حاجة غلط !

المهم ، أول ما طلعت بصيتلها و قولتلها «أنتِ إنسانة ما الربتش و خاينة , و أنا ندمان إني عرفت إنسانة قدرة زيك»

البنت ما استحملتش كلامي و فضلت تعيط , سيبتها و مشيت و أنا عارف إني وجعتها , لكن هي كهان وجعتني بغيانتها ..

بعد يومين اتصلت بيا و طلبت تشوفتي ..

أول ما قابلتها مسكت موبايلي و عملت search على رقم الشخص اللي كان بيكلّمها , و اكتشفت إنه «مُنظم حفلات» و كانت هتقابله علشان تشوف المكان اللي هيعملوا فيه حفلة عيد ميلادي بعد شهر !

كملت و فتحت المحادثات اللي بينهم من ال account بتاعها و كأنها أصرّت تقتلني بالعتاب ! بَصَت في و قالت «كان ممكن تسألني عن الرسالة, كان ممكن ثدوّر بنفسك على صاحب الرقم, كان ممكن تفهم منّي مين الشخص ده !!, كان ممكن أي حل إلّا إنك تتهمني بالخيانة ح ببساطة كنت هقابله علشان أشوف المكان بتاع الحفلة, و ببساطة أنا عُمري ما فكرت أبّص لراجل غيرك, كان ممكن أغفرلك أي عصبية أو أي إتهام ممكن تتهمُه ليا, إلّا إنك تقول عليا خاينة و قذرة! ؛ مش عايزه أشوفك ثاني لكن كان مهم عندي أثبت لك إني مش خاينة و بحبك و مخلصة ليك لكنّك إنسان هبي , مع السلامة» ..

صاحبي قبال إن بعد كلامها فضل يترجاها علشان تسامحه . لكن كان فبات الوقت و حباول يصلّح لكن مش كل حاجة بتتكسر ينفع تتصلّح ..

و انتهت العلاقة على كده!

- الخُلاصة :

. العتاب بيختلف.. فيه عتاب بنكمل بعده علاقتنا مع الشخص ده عادي , و فيه عتاب بننهي بيه علاقتنا , لكن أقسى أنواع العتاب اللي بيكون مافيش منه فايدة أو غرض , العتاب اللي مهما كانت قوته و كلماته مش هتفيد بعاجة , هو عتاب فقط علشان نطلع اللي جوانا فيه ..

. مـش دايًــا كل الــلي بيعاتبــك بيبقــى بيعبــك , ممكـن علشــان يطلعـك غلطـان ! لكـن أكيد الشـخص الـلي بيعاتبـك بعـد إنتهاء العلاقة ده حبّـك بصِــدق و بيعــاني جـدًا مـن غيابـك , لكـن مـا باليـد حيلــة ..

. نقول تاني: المُسْكوا ببعض شوية , حافظوا على بعض , و اغفروا لبعض على قد ما تقدروا ؛ الحياة صعبة و كلّنا بنعاني , و إننا نلاقي شخص يحبنا بصدق ده شيء نادر بالاش نخسره وقت غصب أو وقت عصبية , بالاش نخسر الناس دي , كفاية إننا خسرنا حاجات كتير غصب عننا ..

صدقوني العتاب بعد العلاقة ده مُرهق جدًا, ربنا يبعدنا عنه و عن قسوته !

* * *

- أغرب دهوة سمعها واحد صاحبي كان في يوم و هو قاعد مع أصحابه على القهوة و بيحكيلهم قد إيه هو مبسوط و مرتاح في علاقته مع البنت اللي بيحبها , فجأة واحد قاله «ربنا يستر عليك و منك في الحُب دا» ..

بدأ صاحبي يحبكي : «استغربت من كلامه , و سألته عليًا و مني إزاي؟

قالي «ربنا يستر «منك» لأنك لما بتحب بتغرق حرفيًا في الحب مش بتستوعب فكرة إن وارد الشخص دا يتعب من أفعالك و يمشي مش بتحط إحتمالات للنهاية الغير مُتوقعة , بتتخيّل إن الشخص ده هيفضل موجود و بتتعامل و تبني حياتك و أحلامك و مشاعرك كلها على الأساس ده.. إنت مُتطرّف جدًا في مشاعرك, و بترفض حتى وجود نسبة بسيطة للظروف و الواقع و لعيوبك و لشخصية الشخص اللي قدامك ..

و «عليك» لأن الحب ده لو انتهى أي نهاية غير اللي انت عايزها هنتعب جدًا ، لأنك رغم كل السوء اللي فيك لكن بتحب جدًا ، تطرّفك في مشاعرك هيضربك في مَقتُل لو كملت بالطريقة دي ، لازم تتغير علشان ما تتعبش ، أو على الأقل علشان تحافظ عليها» ..

مسرَت الأيام و انتهات العلاقة بالفعال النهاية اللي ماكُنتاش أَمناها أبدًا , و إتحولت الحياة للمُحرّد أيام بتفوت على الفاضي .. الموبايل دايًا مقفول , مافياش أي إندهاش أو إعتبار أو شَغَف لحاجة , بشوف كل حاجة عادية مها كانت جميلة في عيون الناس ..

بحاول أغيّر و أعافرلكن في النهاية بفشل قدام وجعي العظيم من العلاقة دي , بحاول أرتبط , بحاول أحب , بحاول أشغل بنالي و أنجح في حياتي ؛ بنجح في كل حاجة بعملها لكن ما بعرفش أنجح في إني أحب جديد أو أعتبر العلاقة دي شيء و انتهي !

بقيت أشوف أي شخص بيقرب إنه هيقرب علشان يعودني عليه و في الآخر يسيبني , هيخليني احبه و مع الوقت مش هيتحمل طبيعة شخصيتي و هيبعد ..

بقيت زي الصبار بيوجع اللي بيلمسه غصب عنه ، لا هو عارف يحضن حد و لا حد عارف يحضنه!

و تَمُر الأيام و أعافر و أعافر و أعمل كل حاجة إلّا إني أحب تاني . يمكن لأني من الناس اللي «بتعشق حتى تتنجل» على رأي «الجخ» .. فكان وجعي على قد حُبي و طرّفي في مشاعري , و مش كل الوجع بيهون حتى بالحُب!

- الخلاسة :

. فيه ناس مُتطرفة في مشاعرها بتتعلاب من حبها و بتعلاب الله عداب الله عنها و العالم عن الله الله عن الله الله عن الناس دي ..

بتعب تطرّف , بتلخص الكون في وجود في وجود الشخص ده , و حياة بتتعوّل لمُجرد حياة لحُب الشخص ده و بس و لو بيعملوا خير فبيعملوه علشان الشخص ده , و لو عملوا شر فبيعملوه و يندموا و يعالبوا نفسهم بأقسى أنواع اللوم و العتاب ..

الغريب إن التطرف ده ما بينتهيش بإنتهاء العلاقة , بالعكس أوقات التطرف ده بيزيد حتى لو الشخص التاني أصبح مع غيرهم . هما بيحبوا غصب عنهم , و مالهُمش دخل أو إرادة في الموضوع ..

يمكن أصدق حاجة سمعتها من أمي عن الناس دي «إن فعلاً فيه ناس بتعتاج تذعي ربنا علشان يشيل من قلوبها حُب لناس مُعينة مابقاش ليهم وجود في حياتهم «..

أمثال كتبر عانب من التطرف في المشاعر .. «نزار قبّاني» ، «أحمد رامي» ، «غسّان كنفاني» ، «كامل الشناوي» ، و غيرهم كتبر قصص و حكاوي و ذكريات حافظينها صَمَّ حتى بعد غياب سنين و يكن عُمر بحاله ..

الشخص اللي انت بننصحه إنه يكمل حياته و يتجاوز نهاية علاقة ما ممكن فعالاً حياته نكمل و ينجح في ده جدًا قدام الناس . لكن هيفضل فيه ركن خاص ماحدش يسمعه أو بيشوفه أو بيحس بيه ، و ده ألعَن شيء في الوجود ..

التطبرف في المشاعر هيخليك تشبوف الدنيبا كلهبا خبب لبو علاقتنك كمليث بالنجباح , لكبن لازم تاخيد خيلًار مبن تصرفانيك ..

و ممكن يخليك تشوف الدنيا باهتمة و كثيبة و مالهاش داعي الو علاقتك انتهت عكس ما الهنيت .

* * *

(٢١)

في فترة طلبت من متابعيني على «الفيسبوك» إن اللي عنده قصة عايز يحكيها يبعتهالي ..

- بنت من ضمن اللي بعتوا قعدت تحكيلي عن قصتها, في الآخر سألتها «بتحبيله؟»

قالتلى «آه»

سألتها «بيحبنك؟»

قالتلي «آه , هو بس مشغول شوية»

عِـدت سـؤالي تـاني , قالتـي «هـو يمكـن علشـان عنـده مشـاكل فمقـصر شـوية !»

كل مرزة أعيد نفس السوال , و كل مرزة البنت تقول إجابة مختلفة , لغاية ما قالتاي : «أنا مش عارفة هو بيحبني و لا لأ , أوقات بيحسسني إني أقرب شخص في حياته , و أوقات بيثبتاي إني أبعد شخص عنه ؛ ساعات بيهتم بيا و يتصل بيا و يهتم بأدق تفاصيلي , و أوقات بيهملني بالأيام و الشهور ؛ بحس إنه بيحبني جدًا و بحس

إنه مش عايزني جدًا , يا ترى فعلاً أول ما تحصل مشكلة هيكمل و يعافر علشاني و لا هيتضل عني؟!

هیماول یسعی و تعمل المستحیل سوا علشان تعیش مع بعض و لا هیتضلی و ینستحب من أول مشکله ؟!

يا ترى فعلاً بيحبني علشان بيحبني ؟ و لا بيحبني علشان أنا بحبه ؟! مليون سؤال مالهُمش أي إجابة , مش عارفة دا حُب و لا إيه !!

مش قادرة أحدد بالظبط أنا إيه في حياته !!

بنت بيحبّها ! و لا بيضيّع وقته معاها ! ولا بيحبني علشان أنا بحبه ؟! مش عارفة أقول أنا في علاقة أصلاً و لا لا !

أوقات بيحسسني إننا مُرتبطين ، و أوقات بيحسسني إننا أصحاب ، و أوقات بحِس إننا اتنين نعرف بعيض و بس !

كل حاجة واقفة و مش عارفة أحدد أي حاجة غير إني بحبه ، و مش عارفة لو كان فعلاً بيحبني و لا لأ !»

- بنت تانية سألنني «تفتكر ممكن أتجوّز واحد بيزهق من الكلام معايا؟»

بصراحة ما عرفتش أرد عليها , فسألتها «إزاي بيزهق من الكلام معاكِ؟!» البنت قالت: «بحب ولد كل كلامنا «إزيّك! .. إزيّك! « و نفضل طول المكالمة ساكتين ، مع إن حياته و حياتي فيها حاجات كتير ممكن تخلينا نتكلم ، لكن مش بنتكلم ..

بدأت أحس إن فيه حاجة ناقصة , المُلل وارد يدخل في العلاقة لكن ما يطوّلش لشهور !

ما يوصلش لمرحلة إنك تشُك في إحساسه ليك !

اتكلمت معاه مرة و اتنين , و سألته «بتصبني و لا لأ؟»

كانت إجابته «آه بصبك»

بصراحة مش عارفة أقتنع و لا أصدق , بدأت أحس إنه معايا علشان مش عاين أتعب بعد غيابه , بدأت أحس إنه بيحبني شفقة مش أكتر , ده إحساس ألعن من إنه يكرهني !

إنه يحبني علشان ما اتعبش بعده ده إحساس مُقرف ..

أكتر من مردة قولتك «لو إنتَّ هنا علشان ما اتعبش من بعدك امشى و سيبني أهون إحساسي ده»

لكن مافيش فايدة .. أنا حقيقي من مرتاحة و من عارفة أحدد أنا إيه عنده أو أنا بالنسبة له إيه بالطبط , و ده تاعبني جدًا . و مخليني دايًا عايزه النهاية سواء هنتجوز أو هنسيب بعض , المهم أعرف مصيري إيه بدل ما أنا واقفة زي البيت الآيل للسقوط , لا هو صالح إن حد يسكن فيه , و لسه ما اتهدش علشان يتبني من جديد , الإحساس ده مُتعب أوي جدًا !»

- الخلاصة :

. من ألعن العلاقات اللي ممكن أمر بيها هي العلاقة اللي مش عارف تتكلن عنها بشكل صريح مع نفسك ، مش قادر تحدد إذا كان الشخص إذا كنت مرتاح فيها و لا تعبان! , مش قادر تحدد إذا كان الشخص ده بيحبك فعلاً و لا إنت سَد خانة! , بيهتم بيك علشان عابز يهتم بيك و لا بيهتم علشان يقولك إنه بيهتم!

بتقف في النُص محتار في إذا كنتم فعالاً هتكملوا مع بعض و لًا مع أول صدمة أو تعَلِّر العلاقة هتنتهي على كده!

. العلاقات اللي بتكون متعلقة دي مالهاش أرض ثابتة في الغالب بتستنفذ مشاعرك و بتستهلك كل طاقتك و مجهودك ، و ممكن في الآخر تلاقي نفسك ضبعت وقت كتار على الفاضي ..

حاولوا تهربوا من العلاقات دي , منش مفيدة و نهايتها في الغالب مأسناوية ..

. مافيش أي ظرف عنع الشخص اللي بيعبك إنه يعترفك بحُبّه ، اتقابلوا و واجهوا بعض و حددوا كل حاجة ، قبل ما تكتشفوا إنكم بتحبوا ناس هنى مش في دمافهم أصلاً !

. إرسوا على شط مهما كان حزين أو مُفرح , المهم إنكم عارفين انتم فين مش تايهيين ؛ إنكم متعلقين بالشكل ده إستهلاك لمشاعركم و طاقتكم و عياتكم و عُمركم , إنضجوا علشان ما تتوجعوش بزيادة ..

(27)

- شباب و بنات العيلة كانوا متجمعين عند «جدي», و بنت من العيلة كانت مخطوبة وسط مجموعة بنات و شباب لسه في علاقات مُختلفة ..

المهم ، كلنه قعند يتكلم و يقنول رأينه في الحنب إلَّا البنيت دي , مانيت سناكتة ..

و فجأة «جدتي» و بدون مناسبة قالتلها : «إفسخي خطوبتك يـا بنتـي ، إنـتِ عجـزي!» ..

ناس كتر بتقول إنها بتحب أو في علاقة , مع إن ملامعهم عكس كلامهم ده ..

الحب بينور وَشَك مهما كانت ضغوطات الحياة , بيخليك مُبتسم غصب عنك حتى لو في حالة حزن , بيجبرك تضحك من قلبك و يخليك مرتاح نفسيًا , لما بتتكلم عن الشخص اللي في حياتك عينيك بتلمع لوحدها , بتضحك بشكل تلقائي و روحك بتحسها بترفرف في السما من السعادة و الإنبساط..

زي بالظبط لما الإعلامية «مُنى الشاذلي» سألت الفنان «هاني عادل» في لقاء تيليفزيوني :

- إنتَ بتحب ؟!
 - أكيد ..
 - ليه أكيد ؟!
- مش شايفاني مبسوط !! يبقى أكيد بحِب !

الإكتئاب و الحب عمرهم ما اتفقوا مع بعض , مستحيل تلاقي شخص بيحب و مبسوط في علاقاته و عايش حالة إكتئاب , بالعكس ؛ علميًا «الحُب هو المادة المُضادة للإكتئاب حرفيًا بكل حذافيره»

الحب بيساعدك إنك تعدي أي أزمة في حياتك مهما كانت صعوبتها و مشكلتها ..

حتى ألعن الأمراض الحب قدر يتجاوزها , و هو ده اللي قالته «أنجلينا جولي» قبل إنفاصلها عن «براد بيت» لما سألوها عن علاقتهم بعد إصابتها بالسرطان , فقالت : «يدعمني لشخصيتي و ذكائي و يؤمن بكوني إمرأة جميلة و قوية , إنه دومًا يساعدني على تجاوز التعثرات التي أمُر بها» ..

- الخلاصة ؛

. مـش مرتاحـين ! إبعـدوا ، بـلاش مُكابـرة .. مـش بايـن عـلى ملامحكم إنكم في علاقة عاطفية ! إبعـدوا ، هنتعبـوا شـوية أهـؤن بكتـير مـن تعـب طـول العُمـر ..

. بلاش تكمل مع شخص مش عارف يفرحك و لا قادر يسعدك , بلاش تكمل مع شخص مش عارف يعيدلك الحياة على ملامحك و لا عارف يرجع في عينيك لمعة العشق , إبعدوا لو بتكملوا في ده علشان هو واجب أو فرض , ما تظلموش قلوبكم و مشاعركم مع الشخص العلط ..

العُمر بيتعاش مرة واحدة, ما ينفعش تضبّعوا في علاقة
مش مريّحاك أو مش مخليّاك مبسوط و فرحان, بلاش العلاقة
اللي بتستنفذ طاقتك و تستهلكها ؛ الحب بينوّر الحياة مش بيزيد
عتمتها و ظلامها ..



(۲۳)

كنت بتناقش مع أصحابي في فكرة «الحب الأول» مُقارنة ب «الحب الثاني», و أيّهُما أفضال و أصدق ؟!

- وأحد منهم قال إن: «الحب الأول صادق لأننا بنتعامل بفطرتنا ، بنيني أحلام وردية من غير ما نهتم بالواقع أو الفلوس أو الشغل أو الحباة الإجتماعية عمومًا ، بنتخيّل

إن الحياة كلها مش هتقدر توقفنا أو عايزين نعيش مع الشخص الي بنعبه , ممكن نهرب معاه , ممكن نسافر . ممكن نتصدى أي عائق في الدنيا في سبيل إننا نعيش مع بعض ، دي مُتعة وللذّة الحب الأول ..

اُفتكر اللي عاش الحب الأول بكل تفاصيله صعب جدًا ينجح في أي علاقة بعيد كنده لو الحب الأول ما كمُلش! ﴿

- صديقة ضحكت من الكلام ده و قالت: «أنا عِشت الحب الأول ده و أخدت أول صدمة في حياتي , إتخبّرت ١٨٠ درجة , يمكن إنطفيت بسببه !

الطفلة اللي جوايا إندمرت , بقيت إنسانة عدوانية لا حاجة بتعجبها و لا راضية عن حاجة , باكل علشان أعيش و بنجح علشا ما ازعَلَى أهاي , لكن أنا من جوا متدمرة حرفيًا ..

لغایثه ما قرّب منی شاب , کنت رافضهٔ وجوده و رافضهٔ حتی سؤاله عنی , و هنو کل مرّهٔ یقرّب و یهتم آگتر ..

لحد ما في مرّة صارحتي بحُبه ليا !

وقتها قولتله «يا ابني أنا عجزت , إبعد عني و روح شوف حياتك» الولد قالّي «هكن انتِ بقيتِ رماد , لكن أنا حبيت الرماد ده»

عجبني كلامه لكن رفضت العلاقة دي , و اتفقنا نكون أصحاب , بقى معايا لأنه عايز يكون معايا , ضيّع طاقة و مجهود معايا لمُجرّد إنه يفرحني ..

نجعت ، اهتميت بنفسي تاني ، لقيت نفسي بضحك و بغني في وجوده بعد ما كنت بموت و خلاص مش عايزه حاجة من الدنيا ..

دلوقتي إرتبطنا , حبيته! آه حبيته جدًا , حبيته علشان إختارني من وسط مليون بنت , عرف إزاي يرجعني أفضل من الأول ..

أفتكر اللي حبني و أنا تعبانة و مُكتئبة يستحق الحب عن اللي حبني و أنا حياتي طبيعية , أنا متأكدة إن الحب التاني ده أصدق حُب « ..! - آخر واحد قال: «مافيش حاجة إسمها «الحب الأول» و «الحب الأول» و «الحب التاني», الحب هو الحب اللي بيدوم .. التجربة لأولى بتكون أصدق يكن , لكن ما نعترهاش حُب حقيقي إلّا لو كملت بالعلاقة الأبدية , غير كده لأ ..

صعوبة أول تجربة ممكن تكون قي الطاقة و المشاعر اللي إستهلكناها , في الأصلام و الطموحات اللي بنبنيها بدون أي أساس ..

لكن في التجربة التانية بنعيش بالقلب و العقل مع بعض , و ده اللي يُعتبر حُب , عمومًا من وجهة نظري إن أي تجربة ما نجعتش يبقى لا تُعتبر حُب أصلاً , الحب هو اللي بيدوم بالحياة مع بعض , غير كده لأ « ..!

(YE)

في مرّة كنت مع أصدقائي بنلعب «الإزازة» .. فواصد سأل «إيه هو مفهوم الجواز», فكل واصد طلب إنه يجاوب على السؤال ده..

- أول شخص إتكلم كان ولد معروف عنَّه إنه «بتاع بنات»..

الولد قال بسُخرية «الجواز بيحصل قبل الجواز»

طبعًا كلنا علشان عارفين أخلاقة الغير مُستقيمة صاولنا ناخد الموضوع بهزار علشان نداري إحراج البنات اللي كانت معانا ..

الولد ده قال : على فكرة أنا بتكلم جد , الجواز بيحصل من أول ما تحب الشخص اللي هتتجوزه .. الجواز ده يا سيدي إني بمُجرد ما أحب بنت أشوفها سِت البنات كلهم , لا تعجبني واحدة حلوة ولا تشدّني واحدة عيونها ملونة , مش الوفاء ده من الجواز بردو ؟!

طيب الجواز إن يكون حواليًا مليون بنت و كلهم يتمنوا يحصل حاجة بينًا , و تكون البنت اللي بحبها مش بتخليني حتى أمسك إيديها و مع ذلك أنا معاها و بحبها علشان شايفها أحسن بنت في الدنيا , و هو الإخلاص ده مش من الجواز بردو ؟!

الجواز إني أتجوزها علشان حبيتها مش علشان إشتهيتها ، الجواز إني أتجوزها علشان حبيتها ، الجمال و كل ده بيروح مع الوقت ، الحاجات دي ليها وقت و تنتهي ، لكن اللي بيحب الطبع و القلب و الروح بيفضل يحب فيهم لحد ما يحوت ..

بالنسبة لي الجواز يعني مليون وردة ريحتها حلوة في بستان كبير , لكن أنا حبيت آخر وردة في البستان , و بقيت شايف كل الورد الحلوده «صبار» ..

«كافكا» ماكانش وسيم , و ماكانش كاتب مشهور بنفس الشهرة اللي أخدها بعدما مات ؛ «ميلينا» قالت عنه : «و إن كنتَ مُجرّد جُثة في هذا العالَم فأنا أُحبُكَ «

الفنان «آسر یاسین» لما نسزّل صورته مع مراته إستقبل كَمْ تعليقات سخيفة عن شكلها , «آسر» رَد بكل بساطة و قال : «أنا بحبها و دي شريكة نجاحي , و شايفها أجمل بنت في الننيا كلها» ..

- كان الدور على بنت , فقالت : «أنا عايزة أعيش متطمنة , صدقني حلو إنك تنام متطمن , مش خايف من بكرة , و عارف إنك لو وقعت هتلاقي شخص بيعبك هو أول واحد بيمدلك إيده , عيزه ما خافش من الظروف .. هناكل في أفخم مطعم النهاردة , بكرة هناكل عيش حاف عادي , المهم إني مبسوطة و متطمنة .. إني أستخبى من الكون في الشخص اللي هتجوزه ده , لو ليّا حق عارفة إنه هيعمل المستحيل علشان يجيبهولي , و لو الدنيا كلها بتحاربني عارفة إنه أول واحد هيدافع عني , لو الناس كلها شايفاني غلط هو الوحيد اللي عُمري ما هفكر إنه ممكن يشوفني غلط ..

الجواز إني أعيس مع شخص أبقى متطمئة إنه عُمره ما هيتخلى عنى و لا هيسيبني و لا هيخذلني مهما كانت الظروف ..

الجواز يعنى «الإطمئنان و السند» .!

بنت تانية قالت: «أنا مش عايزة أعيش مع راجل يادوب بيفكر إزاي يأكلني و يشرّبني و كل أحلامه مُتلخصة في عيّل صغير منّي و بس ..

أنا مسش عايزة الراجل اللي شافني حلوة و اتقدملي و الموضوع كده إنتها أ

أنا عايزة أتجوّز شخص بحبه ، شخص أنا حابّه أكون موجودة معاه ، ما اتكسفش منه و لا أهتم برأي حد فيّا ..

نتجنن سوا كأننا لسه مُراهقين ، شخص بيحلم يسافر و يلف الدنيا ، شخص بيفهم في المَزّيكا و الرسم و بيقرأ و عنده مبادئ و وجهة نظر ..

اللي هو يفهم سكوي، وما احتاجش إني أبررك كل أفعالي و· أحتاج وقت طويل علشان يفهم وجهة نظري ..

شخص يقدر يحتويني علشان يطّمنّي , و يكون عَون و سَنَد ليّا , مش يحضّنّي علشان أكون معاه بالليل و ضلاص على كده !

أنا محتاجة أتجوز شخص عارف أنا بفكر إزاي و بحلم بإيه . شخص يكون صاحبي قبل ما يكون جوزي .. أفتكر أنا إنسانة أنانية شوية لدرجة إني شايفة الجواز «مُجرّد خطوة في طريق الحُرية» ..!

«أنيس منصور» كتب: «لا أعرف إحتقارًا للإنسانية أبشع من أن تجعل المرأة نفسها مصيدة «!

- الخلاصة :

. مفهوم الجواز بيختلف من شخص لشخص .. اللي شايفه أمان و اللي شايفه حُرية و اللي شايفه حياة ..

ممكن نختلف في الحاجبات دي , لكن منش ممكن نتفق إن الجنواز «سِنجن» !

إتجوزوا الناس اللي محتاجة تحس بالحياة و الحرية علشان هيعيشوها معاكم , إتجوزوا الناس اللي بتفكر زيكم و إهتماماتها نفس إهتماماتكم , حتى لو مختلفين فالمهم

إنكم متفاهمين و بتسمعوا بعض كويس ، هتحسوا بحاجات كتير حلوة ..

. إياكِ تقبلي كُبنت إنك تتجوزي علشان خايفة من «العنوسة» و لًا من كلام الناس !

و إياك تتجوز علشان بنت شكلها حلوة و خلاص, و لا علشان ترضى أبوك و أمك و خلاص!

- الجواز مسؤولية كبيرة , حياة جديدة , و عيلة جديدة بتتكّون..
- . إتجوزوا لو هتستمتعوا بالحياة و لو بأقل الإمكانيات المادية , لو بتحبوا بعض حاجات كتير هتهُون عليكم ..
- . كمان بالاش «الجواز الإضطراري» ده علشان حرفيًا هيطلُع أجيال تانية بائسة و عندها خلل نفسي و فجوات في تكوين الشخصية ..
- . إتجوزوا لو جوازكم ده هيكون خطوة تستحق الفخر و الحياة بسببها. مش علشان تتحبسوا و لتعقدوا!



(40)

- كان فيه مشكلة كبيرة في العيلة عندنا بسبب إن إنسانة متزوجة راحت لأهلها و بتماول تقنعهم بفكرة إنها عايزة تطلق !

طبعًا إستقبلوا الطلب ده بحالة رفض و إستهجان, كأنها بتطلب حاجة مُحرّمة, أو بتطلب شيء مش من حقها كإنسانة عمومًا!

أهلها حاولوا يفهموا منها أسباب الطلب ده ، لكن إحترامًا لزوجها رغم خلافها معاه قالت «أسباب خاصة» ..

طبعًا الأهل فكّروا إن فيه مشاكل في علاقاتهم الزوجية الخاصة لكن البنت رفضت الكلام ده و أقسمت إن الموضوع أعمق من كده لكن هي مش هتقدر تشرح ..

إستمر الموضوع زيادة عن ساعتين و هما رافضين مبدأ الطلاق ، و هي مُصِرَّة على الطلب ده ..

لغاية ما والدتها قالت : «يا بنتي ده ربنا كارمه و مش حارمك من حاجة» !

البنت صرخت فيهم و قالت: «بخيل دفا يا أمي , بخل حنية , حضنه مش بيساعني , مش بيعرف يحتويني» !

«هشام الجخ» في قصيدة «طبعًا ما صلّتيش العشا» إن «أُمُه» قالتله: «البعاديا وَلَدي مش بالمكان ، البُعاد لو جَبّ في خُضنك و إنتَ بَخلان بالعنان» ..

«الأميرة ديانا» قالت بعد إنفصالها عن «الأمير تشارلز»: «أُحَبُني البيض و السُّود و المِثليون و اليهود ، لكن الرجل الذي أحببته لم يُبادئني الحُب» !

بعد إنفصال العلاقة الشهيرة بين عارضة الأزياء «إيرينا شايك» و اللاعب «كريستيانو رونالدو» , خرجت «إيرينا» لوسائل الإعلام و قالت : «لا أوْمن بالرجل الذي يجعل حبيبته تشعر بالتعاسة , هذه ليست تصرفات مُحِب , بل تصرفات شخص أناني» !

في فيلم «أحلى الأوقات» ؛ المُمثلة «هند صبري» صاحبة المشهد الشهير الذي بتطلب فيه من جوزها «وردة» !

جوزها بيسخر منها و من طلبها الغريب , لكنها أَصَرُت على الطلب بالجملة الشهيرة «عايزة ورديا إبراهيم»!

و كان المقصود بيه هنا هو «الإهتمام» و «المَوّدة» ..

- الخلاصة :

. عُمر ما كان الكرم في المال فقط!

إنتَ ممكن تكون راجل فقير لكن في عيون الإنسانة اللي يتحبك أغنى راجل في الدنيا لمُجرُد إنك بتحاول تفرحها بكلمة حلوة أو ببوسة على الجبين و الإيد كل يوم ..

ممكن تكون راجل ما بتعرفش تقول كلام حلو, لكن بتعرف تضحكها في عِرْ خنقتها, و بتعرف إزاي تحتويها و تحضنها وقت ضيقتها و تعبها.

ممكن تكون راجل شكلك عادي جدًا, لكن هى شايفة إنك أجمل راجل في الدنيا ، يعني بتتغَرَّل في جمالها بتلقائية ، ما بتقارئش جمالها بأي جمال بنت تانية , بتحسسها دايًا بأنوثتها و جمالها ..

ممكن تكون شخص عادي جدًا, لا بتعرف تقول كلام حلو، ولا عندك إمكانيًات ماديّة, لكن لمسة إيديك ليها بتطمنها و تهوّن عليها, بتحسسها بعنان الدنيا في حُضنك ..

كهان ممكن إنت مش راجل مُثقف و لا مُتَعَلَّم تعليم عالي , لكن بتعرف تسمع حبيبتك و تناقشها و تصاول تشجعها على أحلامها و تهتم جدًا برأيها و تحافظ على كرامتها و شخصيتها معاك قبل ما تحافظ عليهم قدام الناس .. العلاقات محتاجة راجل حنين , و سِت قلبها طيب و أصيلة تتحمّل و تكمّل ؛ لو إنتَ بقيت الراجل الأوحد في حياة السِت دي هنفضل طول عُمرك في نظرها أغنى و أصدَق و أجمل راجل في الدنيا.. و لو ماعرفتش تكون الراجل ده يبقى ما تحاولش علشان لو معاك مال الدنيا عُمرك ما هتعنوف تشتري ليها «الأمان و الدفا و الحنيّة» ..



(۲٦)

- حضرت خطوبة صديقة مُقربة ليًا ، كان بيعجبني في البنت دي إنها إنسانة مُثقفة جدُّا مع هوايتها في تصميم الملابس و الإكسسوارات ..

البلي عرفته من الناس إن خطيبها ده راجل مُتَحَفّر ، مركزه المالي و الإجتماعي دليل و إثبات واضح إنه شخص ناجح و متحضر ..

بصراحة ماكنتش مُقتنع بكلامهم لأن التحضُّر أو النجاح مش شرط يكون بالشغل أو الفلوس..

المهم باركتلهم و إنهنيت من كل قلبيان صديقتي تنجح في الإرتباط و تبدأ في أول طريق لتحقيق أحلامها العملية ، خصوصًا بعد إرتباطها بشخص إلى صدما هيوفرلها الإستقرار النفسي ، يعني على الأقل هيبعدها عن ضعط البيت في فكرة «هيجيب شبكة بكام؟ و الشقة إيه نظامها؟» و غيره من متطلبات الزواج إللي بتأثر على الطرفين ..

إنقطع الوصل بيني و بينها بحُكم مشاغلنا ..

و بعد مرور سنتين , لقيت رسالة منها بتعزمني فيها على حفل إفتتاح محل ملابس و فساتين خاص بيها ؛ إعتذرت عن الحضور و وعدتها في أقرب فرصة هروحلها ..

فعلاً رُحت المحل و فرحت لما شوفتها ناجحة و مبسوطة..

بدأنا نتكلم عن التطورات في حياة كل واصد فينا , و لأني تَوَسَمت ضير في علاقتها بخطيبها سألتها عن أخباره ..

سكتت شوية , و بعدين قالت : «با ابني إحنا كُنا هنتجوّز السنة اللي فاتت أصلاً , لكن الخطوبة إتفركشت و كل واحد راح لحاله» ..

ما حبيتش أسأل عن أسباب الإنفصال ده ، لكن هي حَبّت تكميل :

«بعد فترة من الخطوبة لقيت نفسي مُرتبطة بشخص ما بيفكرُش غير في شكله و مظهره قدام الناس ، مس عايزني أشتغل علشان عيب أكون مُرتبطة بيه و بشتغل أحسن الناس تفكّر إني مش لاقية آكُل !

منعني من حضور الندوات الثقافية علسان مُفتنع إن ده كلام فاضي ا

شايف إن تصميم الملابس عبارة عن «مَكَنَهُ و خياطه» و ده شغل الناس اللي محتاجة للمادة بس !

لقيت نفسي ما بقرأش ، ما برسمش ، ما بفكرش في أي تصميمات جديدة ، بقيت إنسانة عايشة علشان أحفظ مواعيده و أسمع مشاكله و أكون جنبه و هو بينجح ..

لكن أنا ماليش حلم , ماليش هدف , كياني مُرتبط بنجاحه فقط ! و و و عصل ..

الناس كلها كانت فاكرة إني هتدمر و أنكسر بعد ما فسخت الخطويـة دي , أنا كـهان كنـت متوقعـة ده ..

لكن لقيت «أمي» بتقولي إن «السِت ما بتنسكرش, و لو وقعت مرّة بتقوم أقوى من المرة الأولى» ..

مَرَيت بعالة إكتئاب حادة تقريبًا , أنا فعلاً كنت بعبه , لغاية ما فكرت شوية في «إيه فايدة الحب لو بيحولنا لناس مالهاش هدف؟ إيه فايدة الحب لو أحلام شخص تاني؟ إيه فايدة الحب لو الحب لو منعنا عن الحاجات اللي بنحبها؟ إيه فايدة الحب لو حرمنا من الحرية و الإبداع؟ «

إتعافيت بسرعة و قدررت أبدأ من الصفر تباني و أنا سامعة كلمة «أمي» ..

إشتريت كُتُب تاني , و حضرت دورات في تصميم الملابس , إستلفت فلوس من أهلي علشان أجيب مُعدّات و خامات , و أصمم ملابس و أسوّقها على الإنترنت , لغاية ما ربنا كرمني و فتحت المحل ده .. و قبل الإفتتاح بيومين خطيبي طلب يرجع تاني و كلّم أهلي , ما انكُرش إني للحظة ضعفت و فكّرت , لكن شُفت كل اللي عملته بعد ما فسخت الخطوبة , إفتكرت كل لحظات التعب و الفشل , و شُفت لحظات بدايتي تاني من الصفر و نجاحي من جديد ..

رفضت قبرار إننا ترجع و كملت طريقي , و لسنه هكميل و هكميل و هكيون أنجّح سيدة أعبمال في منهر ..

الأحلام بتتحقق بإرادتنا مش بإرادة شخص تاني , و صدقني إحنا ممكن نتعب و نتوجّع و لكن لو قرأت السيرة الذاتية لأي سيدة نجحت في العالم هتكتشف إنها مَرّت بتجارب مأساوية لكن ما بتنتهيش ..

«السِت بتقع علشان تقوم أقوى من الأول» فهمت بقى أنا نجحت إزاي ؟!»

* * *

(YV)

- أعرف اتنين سابوا بعض لأسباب ماحدش يعرفها ..

بعد فترة الولد كان بيصكي عن حبيبته اللي راحت , فقال :
«ليلة إمتحانات الثانوية العامة بتاعتها قحدت معاها ساعتين علشان
أذاكرلها و أراجع معاها , رغم إن كان عندي شغل و إمتحاناتي كانت
شغالة في نفس الوقت لكن ماكنتش بفكر غير في إنها لازم تنجح و
خلاص ..

تاني يوم و هي داخلة الإمتحان اتصلت بيا , حسيت إن صوتها مخنوق , سألتها «مالك؟!»

زي كل البنات قالت «مافيش»

وقتها كنت مُتأكد إنها مش كويسة , فسألتها تاني «مالِك؟!»

قالت إنها متضايقة لأنها متعودة من صغرها حد يستناها بعد الإمتحان!

وقتها قعدت أضحك من السبب ده , و لقيت نفسي بلبس بسرعة و جايبلها شنطة كلها حاجات حلوة زي الأطفال ..

مِكن كنت شايفها طفلة , أو طفلتي أنا ا

اتصلت بيهم في الشغل و قولتلهم إني هنأخر شوية ..

و وقفت قدام باب المدرسة وسط أولياء الأمور, كنت أنا الشاب الوحيد وسلط الأهالي ..

و أول ما طلعت من اللجنة اتصلت بيا «أنا خلصت الإمتحان , هكلمك لما أروح»

قولتلها «طيب و أنا في الشغل , لو ما ردتش على الموبايل ابعتبلي رسالة طمنيني عليكِ , المهم حد مستنيكِ؟»

قالتلي بصوت حزين «لأ , يلَّا سلام»

خرجـت مـن البـاب لقيتنـي واقـف قدامهـا , يومهـا شُـفت في عينيهـا نظـرة مـا شـوفتهاش في حيــاتي !

كنت شايفها بتضحك و ترقص و هي واقفة في مكانها و إحساس إن دي مش حبيبتك و لأ دي بنتك واحساس إنك شايف بنتك فرحانة و مصدومة ..

قالتلى «إنتّ مجنون والله»

مسكت إيدي جامد كأن الكون كله بيعضني , و أنا شايفها مبسوطة و هي بتجُر إيدي علشان نجري .. امممم كانت بنتي .. كانت بنتي فعلاً قبل ما تكون حبيبتي !»

- عُناسبة الإحساس ده .. بنت بتحكي ذكرياتها القدمة , بتقول : «بعد ما علاقتي بالشخص اللي حبيته إنتهت , عرفت إنه هيتكرّم من الدولة في مجال كان نفسه ينجح فيه من زمان ..

لما عرفت الخبر ضحكت و دَمّعت ..

«ضحكت» لأني فرحت بنجاحه , أنا عارفة قد إيه هو كان بيحلم باليوم ده ..

و «دمعت» علشبان وجعنبي منه لدرجة منا سنابليش فرصة حتى إني أروح أباركله و أهنيه , أننا كنت بشوفه «ابني» و أصعب حاجة لمنا الأم تصرن من إبنها و تفرحك في نفس الوقت !

أخدت قرار إني مش ههتمم بالموضوع أصلاً ..

لكن يوم حفلة التكريم بتاعته لبست و رُحت القاعة , غصب عني رُحت «النهاردة فرحة ابني و حبيبي , إزاي ما اكونش موجودة في يوم زي ده؟»

فضلت واقفــة بعيـدة مســتخبية وسـط النــاس ، كنــت مرعوبــة يشــوفني ..

أول مـا أخـد الجايـزة و النـاس سـقفت فضلـت أسـقف و أنـا ببــكي ، كنـت عايـزه أقولهـم «ده ابنـي .. ده ابنـي وحبيبـي أنـا» بكيت كتير لأني عارفة إنه تعب , و بكيت كتير لأنه قطع كل طرق الوصل بينًا !

كان غبي , ساب جوايا وجع و حاجز ما يتهدَّش , و كان جدع و طيب لدرجة إني فرحتك رغم وجعي منه ..

كنت عايزه أطلع على ال stage و أضربه و أقوله «ليه عملت كده؟ ليه وجعتنى؟ ليه سيبنا بعض؟»

و بعدين أحضنه

كنت بلوم نفسي إني بحس الحاجات دي , كان ابني جدًا الـلي حبيتـه جـدًا , و حبيبـي الـلي بكرهــهُ جـدًا ! «

- الخلاصة :

. حلوة العلاقات اللي بتكون مزيج بين الأب و الأم و العشاق و المتجوزين ..

مش مُحن و لا أي حاجة ، دا إحساس جميل جدًا ما يعرفهوش غير اللي حسّه و جرّبه ؛ العلاقات دي لما بتدوم بتكون شيء فريد من نوعه ، شيء ما يتوصفش و لا يتحكى عنه .. الكارثة لو النوع ده من العلاقات انتهى!

حرفيًا ممكن الطرفين ما يعرفوش يحبّوا بعد كده , ممكن حياة طرف منهم تدّمر و مشاعره كلها تموت ..

أَفْتَكَر «حسن البصري» لما وصف أصعب نهايات في الحب كان يقصد الحب ده , فقال : «أُحبُّوا هَونًا ؛ فَقَد أَفْرَطَ قَومٌ في حُبِ قوم , فَهَلِكُوا !»

الباب الأخير

هنا تعليل بسيط ل «سيكلوجية البنت» و «إضطرابات العلاقات العاطفية» ..

فضفضة و تفسيرات لمفاهيم مُختلفة ممكن نكون مش واخدين بالنا مِنْها ..!

سيكلوجية البنت

· - [-

مافيش أصعب من إنَّك تتعامل مع «بنت مِزاجيَّة» ..

ممكن تعيّشك حالة فرح و سعادة ما عِشتهاش في حياتك لمُحرّد إنّك قولتلها كلمة حلوة , أو حسستها بإحساس مُعَيّن..

و ممكن تعيّشك كآبة السنين لمُجرّد إنك قولتلها كلمة ضايقتها أو عَصبتها ..

المشكلة كهان إن ممكن في الحالتين بدون أي سبب ؛ فجأة تعاملك مُعامئة تحسسك بيها إنك مَلِك و إنك أهم و أحسن راجل في الدنيا , و تقعد تمدح و تتغزّل فيك ..

و فجأة تتحول و تحسسك إنك مالكش لازمة في حياتها ، و إنك أبعد شخصية ليها و بتكرهك و مش عايزة تشوفك ..

بيكون عندها كبرياء لدرجة إنك مش ممكن تتخيل إن الإنسانة دى بتعيّط ..

و لما تظهر ضعفها و تعيه بتخليك نسأل نفسك «إزاي دي بتظهر قوية كده؟»

لما بتعيش حالة في «أمل» بتديلك إحساس إن الدنيا وردي و جميلة و مافيش أي مشاكل فيها ..

و لما تيأس حرفيًا تعقدلك الدنيا و تخليك تقطع شرايينك ..

تتخانق معاك فتسمع منها كلام يحرق دمك و يعصبك, و عادي جدًا ممكن بعدها بساعة تكلمك تهزر و تضحك كأن مافيش حاجة حصلت!

من أبسط كلمة ممكن تعاملك كأنّك دخيل أو عدوها ..

و بكلمة صادقة تعاملك معاملة ما بتعاملهاش لنفسها!

عايزاك دايًا إنت القائد و المساؤول عنها , لكن ما بتحبّش إحساس الأمر و السيطرة , و لازم هي كنمان تمسك زمام الأمور و تكون المسؤولة !

- تقريبًا الراجل اللي بيحب البنت المِزاجية دي بيكون محتاج «صبر أيوب» ، إلّا لو هو كمان زيّها ، فالموضوع بيكون أهون شوية ..

كمان لو إتجوَّزت بنت من دول إعرف كويس إنك مهما بقى عندك عيال لازم تعاملها على أساس إنها بنتك الأولى , علشان في الغالب الشخصية دي بتكون مجنونة لدرجة إنها ممكن تغير عليك من أولادكم !

رغم كل الجنان و اللغبطة و التصرفات المنطقية و الغير منطقية اللي بتعملها , لكن حقيقي البنت دي بتكون أطيب و أحن و أحدع شخصية ممكن تعرفها في حياتك , لكن ده لو عرفت تتعامل معاها!

و عمومًا ؛ «كاظم الساهر» اختصر شخصيتها لما قال لحبيبته في أغنية «ما الحل؟» :

«ما الحل با مشكلة يا مُدللة ما الحل؟ ما الحل با مُشاغبة يا مُتعبة ما الحل؟ تتسرعين فتغضبين فتندمين فتطلبين مغازلاتي!!»



«البنت العنيدة» ما بتحبُش الصوت العالي , بترفض إن شخص يأمرها أو علي شروطه عليها حتى لو أقرب الناس ليها !

ما عندهاش مانع تتخلى عن أي علاقة إجتماعية في سبيل حُرّيتها ..

شخصية «سي السيد» مش بتمثي معاها إطلاقاً !

أحلامها خط أحمر مش بتقبل شخص يعطلها عن تحقيقها أيًا كانت صفته في حياتها ..

عندها قدرة فائقة في المناقشة و تقييم و إدارة الأمور بعِدّية و عقلانية , و ده اللي ممكن يتسبب في فجوة مع الراجل المصري , لأنه دايًا بيصب يسمع «سَمّعًا و طاعة» !

الكلام الحلو مع الشخصية دي مهم , لكن مش الأهم باللنسبة لها , لأنها زي ما بتحتاج للكلمة الطيبة بتحتاج أكتر لكلام و أفعال تشجعها على مواصلة تحقيق أحلامها و طموحاتها , خصوصًا لو كمان مُثقفة هتكون محتاجة شخص بيعرف إذاي يتناقش و إمتى يكون هو القائد و العقل المسؤول , و إمتى يعتمد عليها و يحملها المسؤولية , ومش هيكون سهل أبدًا إنه يعرف يكذب عليها أو يخدعها ..

الحب مهم , لكن مش حياتها كلها هتكون «بحبك , وحشتيني» هي غصب عنها بترفض و عمل من الطريقة دي ..

أحلامك معاها ما ينفعش تقتصر على أسرة و بيت و شكرًا على . كـنه , لأ ؛ لازم تحلـم معاها بالحياة الحقيقية , بالسنفر , بالنجاح , جنصّات التتويج , بكيانها و قيمتها في الحياة عمومًا ..

جائز شخصیتها قویة ، لکن لو عرفت تستوطن عقلها قبل قایما یبقی انت عایش مع شخص مُتکامل بنسبه کبیرة!

«نبال قندس» وصفتها و قالت: «لا تخف من الإرتباط بإمرأة قوية, فقد تكون هي جيشك الوحيد»..

لازم تكون حَذَّر و إنتَ بتتعامل مع «البنت المُثقفة»!

في الغالب طبيعة البنت اللي بتقرأ دي أصعب شخصية ممكن تكذب عليها ، لأنها قرأت و حفظت كل طُرُق الكذب و التمثيل ، فلازم تتعامل معاها بِتِلقائية و صِدْق علشان ما توصلش معاها لطريق مسدود!

كمان في الغالب تقييمها للأمور المصيرية في الحياة بيكون صح, و لازم تحترم و تقدر نظرتها دي, هي اتعلمت المناقشة و قرأت إزاي تعبر هن رأيها و حريتها ؛ فَلو إنتَ شخص من إخوانا اللي بيفضوا مبدأ المناقشة بين الراجل و السِت أو من نوعية «لأ, علشان أنا عايز كده و خلاص» يبقى علاقتك بيها مصيرها الفشل مهما طالت ..

مش منطقي هتتنازل عن مبادئها و ثقافتها في سبيل علاقة هتتحول فيها من إنسانة بتتناقش و بتتكلم لإنسانة بتقول «طيب و حاضر»!

في مسألة الغيرة بقى ؛ لما تقولك «ابعد عن دي» ماينفعش تعتبر الموضوع قلة ثقة أو غيرة بنات , كل الفكرة إن البنات عمومًا ليهم نظرات في بعض إنت كراجل ما تفهمهاش و لا تستوعبها , ما بالك بقى الطبيعة دي مع ثقافتها و وعيّها !! كمان ماتعتبرهاش مجنونة لو لقيتها مُكتنبة بسبب شخصية ماتت في الرواية اللي بتقرأها أو اتضايقت من نهاية قصة مُعيُنة , عادي يعني هي حسّاسة شوية ..

و لو لقيتها بتتصل بيك الساعة ٤ الفجر تحكيلك عن بطل أو بطلة الرواية اللي بتقرأها حاول تتمالك أعصابك و تسمع بإهتمام و تشاركها نفس الإحساس «عادي هتاخمد ثواب و ربنا يصبرك يا حبيبي» , علشان ممكن تنكد عليك لو سخرت من دموعها أو اعتبرت بُكاها ده هيافة !

في الغالب أفضل شخصية تهتم مظهرها من الأساس هي الشخصية اللي بتقرأ ، لكن ده ما منعش إنك لازم تشيد و تغازل ده .ي ما بتشيد و تهتم لرأيها و أفكارها علشان ما تحسسهاش إنك بتتعامل مع مكتبة مُتحركة!

و ياريت ما تستغربش إن ممكن تلاقي في شنطتها أحدث منتجات ال makeup من أجدد رواية في السبوق ، عادي يعني!

كمان القراءة بتأثر على أحلامها و طموحاتها , ما تستعجبش لو لقيتها بتقولك «عايزة شهر العسل في جُزُر المالديف» أو «عايزة أطلع مغامرة في غابات كينيا و جنوب افريقيا» ا

هي ما لسعتش لأ , هي بس من القراءة أصبحت شخصية غير تقليدية حتى في أحلامها .. سيبك من دا كله بقى و إفهم إنك لو مُرتبط بشخصية بتقرأ فإنت مُرتبط بإنسانة عاقلة و مجنونة و قوية و بتتأثر بسرعة مع عاطفة زيادة شوية مع قوة شخصية في الأمور الجادة ..

و لو طلعت مِزاجية مع كل ده فربنا يعينك و يصبرك!

«إضطرابات العالقات العاطفيّة»

- f -

- مراحل الخوف في العلاقات -

«المرحلة الأولى»

إنك تخاف من الكلام العلم , تبعد عن أي شخص بيحاول يهتم بيك أو يقرّب منك ده هيأذيك أو يوجعك , و إن الكلمة العلوة اللي بيقولهالك مخبيّة وراها السّم الفتّاك اللي هيفسد اللي باقي من مشاعرك و يفتّك بشوية العاجات اللي باقبة من عن السابقة ..

في الغالب الشخص ده بيبقى لسنه منا وقعش في غيرام شخص مُعين , لكن هو بيخاف من كل الناس عمومًا , و ده شيء غصب عنه بيعصل نتيجة التراكمات..!

«المرحلة الثانية»

شخص مُعين بيبدأ يستولى على جزء كبير من تفكير الشخص الخايف ده , و تبدأ لعنة الإرتباط و المسؤوليات تطارده , فيخاف إن الشخص ده يسيطر عليه و يسجنه و يكبت حريته , كذلك إن هنو يتحمّل مسؤولية شخص و هنو من عارف يتحمّل مسؤولية نفسه أصلاً , مع إحساس دائم إنه مُقصّر في حقّه لأنه مُتأكد إن ما عندهنوش طاقة يقدمها لأي شخص ..

فخصب عنه بيبدأ يبعد رغم الصراع اللي جواه إنه حتى مش قادر يبعد , دي مرحلة مُفترق الطرق , اللي هى «أنا مش عايز أبعد و مش عايزك تقرب , مش عايز وجوظك لكن محتاجلك جنبي»

في الغالب الشخص ده بيكون محتاج حد يقرب منه بالعافية , و يشدّه بالعافية , و يشدّه بالعافية , المدون المتذان ..!

«المرحلة الثالثة»

أصعب مرحلة ممكن الإنسان عُر بيها في العلاقة !

خلاص إنت حبيت شخص مُعين لا إنت هتتحمّل غيابه و لا انت عارف تمنع نفسك انك تحبه أكتر .. بيبـدأ هَــوَس جـوَّاك كل مـا تحـاول تهتـم بيـه «هيزهـق منـك , هيزهــق مــن إهتمامـك ده»

کل ما تحاول تقرب زیادهٔ شویهٔ و تحکیله و تشارکه همّک و حیاتک تسمع جواک صوت «ما تقرّبش اُکثر من کده . ما تبقاش جمّل و عِب، علیه»

بتستمر للُعائـاة مع لعنـة المـاضي بأحداثـه و نهاياتـه المأسـاوية , و تتخيـل مـع كل مشـكلة إنـه هيبعـد و تبقـى داعًـا شـايف إن خـلاص العلاقـة انتهـت عـلى كـده !

في الغالب الشخصيّات دي بتكون ضعيفة جدًّا لما بتغرق في الحب , بتكون محتاجة فعلاً حد يطمنها و يثبتلها إن مهما حصل مافيش نهاية مأساوية هتحصل , حد يتعامل معاها على أساس إنهم أطفال خايفين من كل الناس اللي حواليهم , خايفين حتى من بكرة !

دول عایزین یتطمنوا و بس ، لکن یتطمنوا بأفعال و کلام ، مش کلام و بس ..!

- إنت ما ارتبطتش ليه؟!-

السؤال ده من أسخف الأسئلة اللي ممكن تتسأل لأي شخص سواء ولد أو بنت , السؤال على قد ما هو بسيط و إجابته ممكن نختصرها بكلمتين أو تلاتة , لكن الأثار النفسية اللي بيتسبب لبها السؤال ده ماحدش بيحس بيها غير الشخص نفسه ..

أكيد ماحدش حابب يعيش حياته من غير خب عاطفي ، حتى اللي بيقولوا مش عايزين نصب هما أكتر ناس نفسها تحب , لكن رفضهم ممكن يكون بسبب تجارب سابقة أو يكون بسبب الخوف من الحب عمومًا !

مُضحك جدًا إن دلوقتي الشخص اللي مش مُرتبط أصبح هو الشخص الغريب وسط أي مجموعة , ده إن لم يكُن منبوذ أصلاً ..

الموضوع ببساطة إن إنتشار ال relationship أصبح موضة ، و أي حد ممكن يرتبط و يدخل في علاقة و العلاقة تنتهي ، فيدخل في علاقة جديدة , و هكذا ..!

و كأن الموضوع لعبة أو سباق !

سطحية نظرتنا للحب بتخلي الناس كلها فاكرة إن الإرتباط ده أسهل شيء , و أصبح شيء عادي إنك تلاقي أطفال مُرتبطين و عايشين قصة حب مع إنهم مش عارفين يتحملوا مسؤولية نفسهم أصلاً!

الحب زي ما هو شيء جميل و مُمتع و بيدي لَذَة و مُتعة للحياة , لكنه مسؤوليات علشان الحب ده يكمّل و يبدأ بداية جديدة بالزواج , مسؤوليات على الراجل و على البنت سواء إجتماعية أو ماديّة أو غيره ..

مسؤوليات نفسية , صعوبة أختيار شخص هتكمّل معاه حياتك أو ناوي تكمّل معاه حياتك أو ناوي تكمّل معاه حياتك , شخص هيكون جزء في يومك , شخص هيشاركك حاجات كتير و هيساعدك في كل حاجة ؛ و إمّا إنه يدفعك بقوة للحياة و لتحقيق الأهداف اللي عايز تحققها , أو إنّه يكون سبب في تدميرك ..

الحُب مش مجرد علاقة !

في الزمن ده الحُب عبارة عن كام خروجة على هدية على الأمن ده الحُب عبارة عن كام خروجة على الفيسبوك ، و مع أول مشكلة بتنتهي العلاقة ؛ و بعد فترة كل واحد يدخل في علاقة تانية و الحياة تستمر ..

ده مش حُب من الأساس , دي مشاعر مُراهقة غير مسؤولة , ما ينفعش نصنفها تحت مُسمّى الحُب !

الحُـب محتاج عقـل و تفكـير مـع العاطفـة , محتاج نضـوج فكـري علشـان العلاقـة تكمـل لغايـة آخـر يـوم في عُمرنـا ..

كل ده بيفكر فيه الشخص اللي مش مُرتبط , اللي أكيد بيحلم بالخُـب , و بإنه يعيش قصة خُـب جميلة و صادقة , و يعيش كل مشاعر الحُب بالمُر و الحلو اللي فيها ..

و هـوده كل اللي مـش بيعـرف يقوله و لا بيعـرف يعـبر عنه ، فبيختصر إجابة السـوّال ده بكلمتـين و السـلام ، لكـن الإجابة المُقنعة بالنسـبة لي لمـا حـد بيسـألني «إنـت ليـه مـش مُرتبط؟!»

بَرُد بكل ثقة : «لسه ما نضجتش بالشكل الكافي اللي يخليني أرتبط بشخص» ..

الخاتمة

مِـنْ بِين كل العلاقات ما شوفتش أصدق من علاقة الإنسان بنفسه !

المكسّب و الخسارة ذيء وارد حتى في الإشخاص , العّوَض أوقات بيكون له دور في حياتنا ؛ لكن فيه خسارة واحدة حتى العّوَض بيعجَز قدامها, خسارتك لنفسك مستحيل تتعوض مهما حصل ..

فسَلامًا لأولئِكَ , أصحاب الخسارة الكارثية ..!

الفهرس

الإهداء ، دانسان المداء ،	***************************************
المُقَدُمةا	o
الباب الأول	V
الباب الثَّانيا	V1
الباب الأخير	NA\$
الخاِمّةالخامِّة	۲۰۵